

କରକ୍ତିୟ ବିଶ୍ୱାସୀମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର କରକ୍ତିୟ ବିଶ୍ୱାସିତ୍ୱ ଗାବେ ପାଉଲ୍‌ଙ୍କ ପ୍ରତମ୍ ଚିଠି ୧ କରକ୍ତିୟ ବଇ ବିଷୟରେ ଅଣ୍ଟୟ ପଦ୍

ପ୍ରତମ୍ କରକ୍ତି ଚିଠି ପ୍ରେରିତ୍ ପାଉଲ୍‌ଙ୍କ ଡିସ୍ କ୍ରିଷ୍ଟନ୍ ଜନମ୍‌ରେ ୫୫ ଏଣ୍ଟକ୍ ପେରକେ ଲେକ୍‌ତାଦ୍ ଆସ୍‌ମାତ୍‌ରେ ୧:୧ । ପାଉଲ୍‌ଙ୍କ ଲେକ୍‌ତାଦ୍ ଆସ୍‌ମାନ୍ ରେଣ୍ଟ ଚିଠିନ୍ ଲୋପେଙ୍କ ଇଦ୍ ଆଦୁତ୍‌ରେ ମୁନ୍ନେତାଦ୍ ଚିଠି । ଅଣ୍ଟ ଆଦ୍‌ପାର୍‌ରେ ଇଦ୍ ଚିଠି ଏଫିସିତାଗ୍ ମାନ୍‌ନ୍ ଝେଲେ ଲେକ୍‌ମାତ୍‌ତଣ୍ଟ । ମାସିଦନିୟା ତାଗାଙ୍କ କରକ୍ତିତାଗ୍ ଆଦାନ୍ ମୁନେଙ୍କ ଲେକ୍‌ତଣ୍ଟ ୧୭:୫-୯ ।

ପାଉଲ୍ ଇଦ୍ ଚିଠିତାଗ୍ ମଣ୍ଟଲି ଲୋପେ ଝେକ୍‌ଝେକ୍ ମାନ୍‌ନ୍ ନୁ ବୁଦ୍ ଇଲ୍‌ଝେଲେକେ ଯୌନ ଲାଲ୍‌ସାତ୍‌ ବାଡ୍‌ବାଡ୍ କାରାପ୍ ପାଡ୍‌ମ୍ ଆସ୍‌ମାନ୍ ବିଷୟ ମଣ୍ଟଲିରେ ସବ୍ୟତାଗାଙ୍କ କେଞ୍ଜି ଉତ୍ତର ଇଦାନାଗ୍ ଦାନ୍ ଇଦ୍‌ତଣ୍ଟ । କରକ୍ତି ଟାଞ୍ଜୁନତିଙ୍କ ବୁଦ୍ ଇଲ୍‌ଝେଲେକେ ଯୌନ ଲାଲ୍‌ସା ବିଷୟରେ ପୁଞ୍ଜମାତ୍‌ତଣ୍ଟ । ଆଦିଙ୍କ ମଣ୍ଟଲି ଇଞ୍ଜୁ ସମସ୍ୟାକିନ୍ ତିପାଲ୍ ଆସ୍‌ମାତ୍‌ରେ ଇଗେ ବାଡ୍ ବାକ୍‌ଝା ଆଦାନାଦ୍ ବାଡ୍ ଇଲ୍‌ଲେ । ପ୍ରତମ୍ କରକ୍ତି ପ୍ରେମାତ୍ ପରର ଅଣ୍ଟୟ ପ୍ରସିଙ୍କ ଅଦ୍ୟାୟ ପୟସ୍ ମାନ୍‌ରେ ୧୩ ।

ବଇତ୍ ଲୋପେ ମାନ୍‌ନ୍ ମୁକ୍ୟ ବିଷୟ

୧. ପାଉଲ୍ କରକ୍ତି ନାରୁଡକିଂଙ୍କ ନମସ୍କାର ମାତ୍‌ତୁଣ୍ଟ ନୁ ଅଡ୍, ସେଙ୍ଗେ ଇଶ୍‌ବରତିଙ୍କ ଦନ୍ୟବାଦ୍ ଇଦ୍‌ତଣ୍ଟ । ୧:୧-୯
୨. ପାଉଲ୍ କରକ୍ତି ମଣ୍ଟଲିତାଗାଙ୍କ ପାଏମ୍‌ଆତ୍‌ରେ ମଣ୍ଟଲି ଝେରେ ବିଷୟରେ ଶିକ୍ଷା ଇଦ୍‌ତଣ୍ଟ । ୧:୧୦-୪:୨୧
୩. ମେଣ୍ଟେନଣ୍ଟ ଅଣ୍ଟ ବୁଦ୍ ଇଲ୍‌ଝେଲେକେ ଯୌନ ଲାଲ୍‌ସା ନୁ ଝେରଣ୍ଟ ମେଣ୍ଟେଅରତୁଙ୍କ କୋର୍ଡ୍‌ତାଗ୍ ଆଦାନ୍ ବିଷୟରେ ଲେକ୍‌ତଣ୍ଟ । ୫-୭

୪. ପେରକେ ପେଣ୍ଡୁଲୁ ବିଷୟ, ପୁତଲାମ୍ ପୁଜେ, କାୟଲିମିକା
ଉପବାସ, ପବିତ୍ର ଆତ୍ମାତେ ଦାନ ନୁ ପୁନରୁତ୍ତାନ ଲେକ୍ତଣ୍ଡ
। ୭-୧୫

୫. ମାଡେଙ୍ଗ ଅଣ୍ଡ ବେସ୍‌କ୍ ବ୍ୟବହାର ଆଦାନାସ୍ତୁ ନୁ ନିଜେଡ୍
ବିଷୟ ଲେକି ତେରସ୍ତଣ୍ଡ । ୧୬

୧ ନାନ ପାଉଲ୍ ନୁ ମାନ ବିଶ୍ୱାସୀ ସୋସ୍ତିନା ମିକିଂଙ୍କ ନମସ୍କାର
ମାଡୁତୁମ୍ । ଇଶ୍ୱରତେ ମାନତାଦ୍ ଇସାବତେ କ୍ରିଷ୍ଟ ଜିସୁନ୍ କାବୁର୍
ପ୍ରେରିତ ଶିଷ୍ୟ ଲେକେଡ୍ ଏଞ୍ଜତେନଣ୍ଡ ପାଉଲ୍ ନୁ ମାନ ଦାଦାଲ୍
ସୋସ୍ତିନା ।

୨ ☆ କରକ୍ତି ଟାସ୍ତୁନକିନ୍ ଇଶ୍ୱରତେ ମଣ୍ଡଲିକିଙ୍କ ଇଦ୍ ଚିଟି ଲେକ୍ତଣ୍ଡ,
ବେନମାନେ ଇଶ୍ୱରନ୍ ପବିତ୍ର ନାରୁନ୍ ଆଦାନ ମାଇଦିଙ୍କ୍ ଏଞ୍ଜତଡ୍,
ମେଣ୍ଡେ ଜିସୁ କ୍ରିଷ୍ଟନ୍ ସାଙ୍ଗ୍ କାଇଲିତା ସେଙ୍ଗେ ଇଶ୍ୱରନ୍ତଡ୍ ଆସ୍
ମିନ୍ଦେଡ୍ ନୁ ସାରେତାଗ୍ ମାନ ଜିସୁ କ୍ରିଷ୍ଟନାଦ୍ ପୁଜା କିସମିନ୍ଦେଡ୍ ।

୩ ଅଣ୍ଡ ମିକିଂଙ୍କ ମାନ ବାବାଲ୍ ଇଶ୍ୱର ନୁ ପ୍ରବୁ ଜିସୁ କ୍ରିଷ୍ଟ ସାୟେ ନୁ
ସୁକାମ୍ତେ ଇଞ୍ଜିଣ୍ଡ ।

କ୍ରିଷ୍ଟନ୍ ଆଗି ବାଦ୍

୪ ବାତେଙ୍କ ଇକ୍ତେ କ୍ରିଷ୍ଟନ୍ତଡ୍ କାୟଲ୍ତେ ସେଙ୍ଗେ ଇଶ୍ୱର ମିକିଂଙ୍କ
ଆଦ୍ ଅନୁଗ୍ରହ ଇସ୍‌ମିନ୍ଦେଣ୍ଡ, ଆଦିନ୍ ମାଇଦିଙ୍କ୍ ନାନ ଇଶ୍ୱରତିନ୍
ସାରେଦାମ୍ ଦନ୍ୟବାଦ୍ ଇଦୁତାନ୍,

୫ ବାତାଙ୍କଇଡ୍‌କେ ଇଶ୍ୱରତେ ସାଙ୍ଗ୍ କାଇଲି ମାନ୍ଦାନ ମାଇଦିଙ୍କ୍
ମିଡ୍ ସାରରେ ବିଷୟତେ ବେଲାକି କେତାନ୍ ଶକ୍ତି ନୁ ବୁଦ୍‌ତେ ଗାଲା
ସାଉକାର୍ ଆସ୍‌ମିନ୍ଦେ ।

୬ କ୍ରିଷ୍ଟନ୍ ଜଡ୍‌ତାଦ୍ କାବୁର୍ ମିୟାଗା ତାରୁମ୍‌ତେ ତିଆର୍ ଆସ୍‌ମିନ୍ଦେ
।

୭ ଆଦିନ୍‌ମାଇଦିଙ୍କ୍ ପ୍ରବୁ ଜିସୁ କ୍ରିଷ୍ଟନାଦ୍ ଉଡାନ୍ ସେଙ୍ଗେ
କେପିମାନ୍ଦାନ ଖେଲା ମିୟାଦ୍ ବାତା ବା ଜିଞ୍ଜଡ୍ ଆଗି ବାଦ୍‌ତାଦ୍
ଅବାବ୍ ଆୟ୍‌ୟ ।

୮ ଅଣ୍ଡ ମିକା ମିକିଂଙ୍କ ମାଡେଙ୍ଗ ଅନ୍‌ପାକେ ଗେଲ୍‌ସ୍ତିତଣ୍ଡ । ବେଲାକି
ପ୍ରବୁ ଜିସୁ କ୍ରିଷ୍ଟ ଖାଦାନ ଦିନାମ୍‌ତେ ମିଡ୍ ନିର୍ଦ୍ଦୋଷ୍ ଆଦତିଡ୍ ।

୯ ବେନ ଇଶ୍ବର ତାନା ମାର ମାନ ପ୍ରବୁ ଜିସୁ କ୍ରିଷ୍ଟନ୍ ବପୁ ଦର୍ଶାନ ମାଇଦିଙ୍କ ମିକିନ୍ କାଙ୍ଗ ମିନ୍ଦେଣ୍ଟ, ଅଣ୍ଟ ସାରେଦାମ୍ ବିଶ୍ବାସତଣ୍ଟ ।

ମଣ୍ଡଲିତାଗ୍ ଝେକ୍‌ଝେକ୍ ମାନ୍ଦେ

୧୦ ହୋ ଦାଦାଲଡ଼ି ନୁ ଏଲ୍‌ୟାସ୍ ପ୍ରବୁ ଜିସୁ କ୍ରିଷ୍ଟନ୍ ଅଦିକାରଦେ ସେଙ୍ଗେ ନାନ ମିକିଙ୍କ ଅନୁରଦ୍ ମାଡ଼ମିନ୍ଦେଣ୍ଟ, ଆଲ୍‌ସାନ୍ ମାଡ଼ାନଝେଲେ ଝେରଡ଼ ଆଇମୁର୍ । ଆଲାଇଡ଼କେ ମିଇ ଲୋପେ ବାତାବା ଝେକ୍‌ଝେକ୍ ଆୟ୍‌ୟ ।

୧୧ ଝେରଡ଼ ଚିନ୍ତେ ନୁ ଝେରଡ଼ ଏଦେ ଅସ୍ ଝେରଡ଼ ଆଇମୁର୍ । ଦାଦାଲଡ଼ି ନୁ ଏଲ୍‌ୟାସ୍, ମିଇ ଲୋପେ ଗଲ୍‌କ୍ ମିନ୍ଦେ ଇଞ୍ଜ କ୍ଲୟିନ୍‌ତାଦ୍ ପରିବାରତଡ଼ ବେସ୍‌ଝୁଡ଼ ନାକିନ୍ କେଡ଼ତଡ଼ ।

୧୨ ☆ନାକ୍ ଏକା ମିନ୍ଦା, ମିଡ଼ ସାରେତଡ଼ ଝେରେଝେରେ ଗଟି କେଡୁଡିଡ଼ । ବେନ କେଡୁଡ଼ଣ୍ଟ, “ନାନ ପାଉଲିନ୍ ପେରକେ ଆଦତାନ୍, ମେଣ୍ଟେ ବେନ କେଡୁଡ଼ଣ୍ଟ, ନାନ ଆପୋଲ୍ଲୋ ପେରକେ ଆଦତାନ୍, ବେନ କେଡୁଡ଼ଣ୍ଟ ନାନ ପିତର୍‌ତେ ପେରକେ ଆଦତାନ୍, ମେଣ୍ଟେ ବେନ କେଡୁଡ଼ଣ୍ଟ ନାନ କ୍ରିଷ୍ଟନ୍ ପେରକେ ଆଦତାନ୍ ।”

୧୩ କ୍ରିଷ୍ଟ ବାତା ଝେରେ ଆସ୍‌ମିନ୍ଦେଣ୍ଟ ? ପାଉଲ ବାତା ମିଇ ମାଇଦିଙ୍କ କୁଶତାଗ୍ ତଲିଆସ୍‌ମାଡ଼ତଣ୍ଟ ? ମିଡ଼ ବାତା ପାଉଲନ୍ ପେଦେରତେ ଏର୍ ମୁଡ଼ନ୍‌ମି ମାଡ଼ତିଡ଼ ?

୧୪ ☆ଇଶ୍ବରଙ୍କ ଦନ୍ୟବାଦ୍ ଇଦୁତାନ୍ କି କ୍ରିଷ୍ଟ ନୁ ଗାୟ୍‌ଙ୍କ ଝିଡ଼୍‌ସକେ ମିଇ ଲୋପେ ନାନ ବେନଙ୍କ ବା ଏର୍ ମୁଡ଼ନ୍‌ମି ।

୧୫ ଆଦିଙ୍କ ନା ପେଦେରତେ ଏର୍ ମୁଡ଼ନ୍‌ମିତଡ଼ ଇଞ୍ଜ ମିନ୍ଦାଗାଙ୍କ ବେନ ବା କେତାପାଝିଡ଼ ।

୧୬ ☆ହଁ, ନାନ ସ୍ତ୍ରିଫାନ୍ ନୁ ତାନ୍ ଲଡ଼ତେ ନଡ଼କିଙ୍କ୍ ଏର୍ ମୁହୁସ୍ ମାଡ଼ତାନ୍ । ମେଣ୍ଟେ ବେନଙ୍କ୍ ଏର୍ ମୁଡ଼ହ୍‌ତାନ୍ ଇଞ୍ଜ ନାକିନ୍ ଏକା ଝାଦିଲ୍ଲେ ।

୧୭ ଏର୍ ମୁଡ଼ତାନ୍ ମାଇଦିଙ୍କ୍ କ୍ରିଷ୍ଟ ନାକିନ୍ ରଅତିଲେ । ଅଣ୍ଟ ନାକିନ୍ ସାୟେ କାବୁର୍ କେତାନଙ୍କ୍ ରହ୍‌ସ୍‌ମିନ୍ଦେଣ୍ଟ; ଆଦମିକା ମେଣ୍ଟେ

☆ ୧:୧୭ ପ୍ରେରିତ ୧୮:୨୪. ☆ ୧:୧୪ ପ୍ରେରିତ ୧୮:୮; ପ୍ରେରିତ ୧୯:୨୯; ରୋମାୟ ୧୭:୨୩. ☆ ୧:୧୭ ୧ କରକ୍ତିୟ ୧୭:୧୫.

ବାକ୍ୟଲେକେତ ଇଲ୍ଲେ, କୁଶତ ପରର କ୍ରିଷ୍ଣନାଦ୍ ତଲ୍ଲତାଦ୍
ବେକାର୍ ଆଦ୍ତେ ।

କ୍ରିଷ୍ଣ ଇଶ୍ବରତେ ଲାଞ୍ଜୁ ନୁ ବୁଦ୍

୧୮ ପେଦ୍ ଆଦାନ ନାରୁଡ୍, ମାଇଦିଙ୍କ୍ କୁଶତ ପରର କ୍ରିଷ୍ଣନାଦ୍
ତଲ୍ଲତାଦ୍ କାବୁର୍ ବେକାର୍ । ମାତର୍ ମା ଲେକାମ୍ ଗେଲ୍‌ସି ମାନ୍ଦାନ
ନାରୁଡ୍, ମାଇଦିଙ୍କ୍ ଇଦ୍ ଆଦୁତେ ଇଶ୍ବରତେ ଲାଞ୍ଜୁ ।

୧୯ ବେଲାକି ବାଇବଲ୍‌ତାଗ୍ ଲେକାମିନ୍ଦେ, “ନାନ ଜାନି ନାରୁଡ୍‌ଞ୍ଜୁ
ବୁଦ୍ ପେଏଦ୍ ମାଡିତାନ, ବୁଦ୍ ନାରୁଡ୍, ବୁଜେମ୍ ଆଦାନାଦିଙ୍କ୍ ବେକାର୍
ମାଡିତାନ ।”

୨୦ ଆଦିଙ୍କ୍ ଇ ଜୁଗାଡ୍ ଜାନିଡ୍, ବୁଦିଡ୍, ଗାଟି ଗାଇଦେ ନାରିଡ୍,
ପଡିନ୍ଦେ ବେଗା ? ଇଦ୍ ବୁଦ୍‌ତାଦ୍ ବୁଦ୍‌ତିନ୍ ମୁର୍ଜତା ଇଞ୍ଜ ଇଶ୍ବର
କେଡ୍‌ଇଲେ କି ?

୨୧ ଇଶ୍ବର ତାନାଦ୍ ବେଡିନ୍ଦିଡ୍, ବୁଦ୍‌ତେ ଆଲ୍‌ସି ମାଡ୍‌ତଣ୍ଡ୍ ଯେ
ନାରୁଡ୍‌ତାମ୍ ବୁଦ୍ ତଡ୍ ଇଶ୍ବରତିଙ୍କ୍ ପୁନ୍ଦେପାଞ୍ଜିଡ୍ । ମେଣ୍ଡେଅଣ୍ଡ୍‌ପାକା,
ମାମ୍‌ମେ ପ୍ରଚାର୍ ମାଡାନାଦ୍ ଗଟ୍‌ତାଗ୍ ମାନ୍ଦାନ ପିନ୍ଦ କାବୁର୍‌ତିଙ୍କ୍
ବିଶ୍ବାସ୍ ମାଡାନ ନାରୁଡ୍‌କିଙ୍କ୍ ଗେଲ୍‌ସିନ୍ ମାଇଦିଙ୍କ୍ ଇଶ୍ବର ଆଲ୍‌ସି
ମିନ୍ଦେଣ୍ଡ୍ ।

୨୨ ଇହୁଦୀ ନାରୁଡ୍, ଚିଃନେ ମେହ୍‌କିତଡ୍, ଗ୍ରୀକ୍ ନାରୁଡ୍, ବୁଦ୍‌ତିଙ୍କ୍
ମେହ୍‌କିତଡ୍ ।

୨୩ ମାତର୍ ମାମ୍‌ମେ କୁଶତାଗ୍ ତଲ୍ଲତେ କ୍ରିଷ୍ଣନାଦ୍ ଗଟ୍ କେଡୁତମ୍
। ଇଦୁ ଇହୁଦୀ ନାରୁଡ୍‌କ୍ ମାଇଦିଙ୍କ୍ ଡିପାଲ୍ ଲେକାମ୍ ନୁ ଅଣଇହୁଦୀ
ନାରୁଡ୍ କଣ୍ଡେତାଗ୍ ପିନ୍ଦ ଆସ୍‌ମାନ୍‌ତା;

୨୪ ମାତର୍ ଇହୁଦୀ ଆୟିଡ୍, ବା ଅଣଇହୁଦୀ ଆୟିଡ୍, ଏଞ୍ଜ୍‌ତେ
ସାରେତଡ୍‌କ୍ ମାଇଦି କ୍ରିଷ୍ଣ ଆଦୁତନ୍ ଇଶ୍ବରତେ ଶକ୍ତି ନୁ ଜାନତେ
ଅବିବ୍ୟକ୍ତି ।

୨୫ ବାତେଙ୍କ୍ ଇଡ୍‌କେ ବାଡ୍ ଇଶ୍ବରତାଦ୍ ମୁର୍ଜତା ଇଞ୍ଜ ଏକେ
ଆଡ୍‌କେ, ଆଦ୍ ନାରୁଡ୍, ବୁଦ୍‌ତେ ନୁଞ୍ଜ ନାର୍‌ଗେ ବେଡିନ୍ଦିଡ୍ । ମେଣ୍ଡେ
ବାତା ଇଶ୍ବରନାଦ୍ ଦୁର୍ବଲତା ଇଞ୍ଜ ଏକେ ଆଡ୍‌କେ, ଆଦ୍ ନାରୁଡ୍, ଲାଞ୍ଜୁ
ନୁଞ୍ଜ ନାର୍‌ଗେ ଲାଞ୍ଜୁ ।

୨୭ ହୋ ଦାଦାଲତି ନୁ ଏଲାସ୍, ଇଶ୍ବର କାର୍ଜାନ୍ ଖେଲା ମିଡ଼୍‌ବେଲା ମାଡ଼ତିଡ଼, ଆଦ୍ ଆଲ୍‌ସୁତାଟ୍ । ବୁମ୍‌ତା ଇସାପ୍‌ତେ ମିୟାଗା ନୁଅ ମାଡ଼ର ବେସ୍‌ସୁଡ଼ ବୁଦିଡ଼, କ୍ଷମତାପନ୍ କି ବେଡ଼ିୟଡ଼ ଲୋଡ଼‌ତେନଡ଼ି ମାଡ଼ତିଡ଼ ।

୨୮ ଇଶ୍ବର ବୁଦିଡ଼କ୍ ସିଗ୍ ମାଡ଼ାନଙ୍କ ବୁମ୍‌ତା ନୁଅ ବିବେଚିତ ମୁର୍ଜନାରୁଡ଼କିନ୍ ଏଅଁମିନ୍‌ଦେଶ୍ ମେଶ୍‌ଲେ ଲାଞ୍ଜଦଡ଼କିନ୍ ସିଗ୍ ମାଡ଼ନ୍ ମାଉଦିଙ୍କ ବୁମ୍‌ତା ନୁଅ ବିବେଚିତ ଦୁର୍ବଲ୍ ନାରୁଡ଼କ୍ ଏଅଁମିନ୍‌ଦେଶ୍ ।

୨୯ ବୁମ୍‌ତେ କଣ୍ଡେତେ ବାତେସାରେ ମେଲ୍‌ତାସ୍, ଆଞ୍ ସାରରେ ମାଉସ୍‌ପାନ୍ ମାଉଦିଙ୍କ୍; ସୁଦୁଲଡ଼, ପାସ୍‌ତଡ଼, ନୁ ନଗନ୍‌ ନାରୁଡ଼କ୍ ଅଶ୍ ଏଅଁମିନ୍‌ଦେଶ୍ ।

୩୦ ପରମେଶ୍ବରତାଦ୍ ଇଲାମାଡ଼ାନାଦ୍ ବାତେଙ୍କ ଇଡ଼କେ ଯେ, ବେନ ବା ନାରୁଡ଼‌ବେଲାକି ଅନା ମୁନ୍‌ନେ ଗାଉ କିଦ୍‌ପାର୍‌ଞ୍‌ଶ୍ ।

୩୧ ଇଡ଼କେ ଇଶ୍ବର ମିକିଂଙ୍କ୍ କ୍ରିଷ୍ଟ ଜିସୁନ୍ ତଡ଼୍ କାଲ୍‌ପି ମିନ୍‌ଦେଶ୍ ନୁ ଆଦ୍ କ୍ରିଷ୍ଟଙ୍କ୍ କେ ମାନ୍ ମାଉଦିଙ୍କ୍ ବୁଦ୍‌ତେ ଲେକାମ୍ ମାଡ଼ିମିନ୍‌ଦେଶ୍ । ଅନ୍ ତଡ଼ ଇଶ୍ବରତେ ତଡ଼୍‌ମାୟାଦ୍ ସାୟେଡ଼ ସମ୍ପର୍କ ତିୟାର୍ ଆଡ଼ତେ, ମାନାଡ଼ ଦାର୍‌ମାମ୍ ନୁ ପବିତ୍ର ଜିଞ୍ଜାତେ ନାରୁଡ଼, ଆସ୍ ମୁକ୍ତି ପାଏମ୍ ଆଡ଼ତାଡ଼ ।

୩୨ ଦର୍ମଶାସ୍ତ୍ରତାଗ୍ ଲେକାମିନ୍‌ଦେ, “ଯଦି ବେନନାଦ୍ ଗର୍ବ ମାଡ଼ାନାଦ୍ ମିନ୍‌ଦେ । ପ୍ରବୁ ବାଡ଼ ମାଡ଼ିମିନ୍‌ଦେଶ୍, ଆଦିନ୍ ସେଙ୍ଗେ ଅଶ୍ ଗର୍ବ ମାଡ଼ିଶ୍ ।”

୨

କୁଶବିଦ୍ କ୍ରିଷ୍ଟନ୍ ବିଷୟତେ କାବୁର୍

୧ ଦାଦାଲରି ନୁ ଏଲାସ୍, ନାନ୍ ମିୟାଗା ଇଶ୍ବରନ୍ ସାୟେ କାବୁର୍ କେତାଙ୍କ୍ ମାଉଦିଙ୍କ୍ ଆଞ୍‌ମାୟାନ୍‌ଞ୍‌ଲେ ବାକ୍ୟନମ୍ବର ବା ପାଣ୍ଡିତ୍ୟ ତଞ୍ଜେ ମାଡ଼ତାନ୍ ।

୨ ମିଇ ସାଙ୍ଗ୍ ମାୟାନ୍‌ଞ୍‌ଲେ ମାଡ଼ର୍ ଜିସୁ କ୍ରିଷ୍ଟ ନୁ କୁଶବ୍ ପରର ଅନ୍‌ଞ୍‌ଦ୍ ଡଲ୍‌ନାଦ୍ ଝିଡ଼୍‌ସକେ ମେଶ୍‌ଲେ ବାତା ବିଷୟ ବା ପୁନ୍‌ୟାନ୍ ମାଉଦିଙ୍କ୍ ଇଷ୍ଟାମ୍ ଇଲ୍‌ଞ୍‌ମାଡ଼ତା ।

୩ ☆ଆସୁର୍ ନାନ୍ ଲାଞ୍ଜୁ ଇଲ୍‌ଝା ମାଡ଼ତାନ୍, ଆମ୍‌ତେ ଝେରସ୍ ମାଡ଼ତାନ୍ ।

୪ ନାୟାଦ୍ ଶିକ୍ଷା ନୁ କାବୁର୍, ନାରୁଡ଼୍ ବୁଦ୍‌ତେ ଗଟିନ୍ ଚାଲାକ୍‌ତେ ଆୟାଝା ମାଡ଼ତା । ଆଦ୍ ଇଶ୍‌ବରନ୍ ଆମ୍‌ତ୍ ଶାଡ଼୍‌ଝାମ୍‌ତଡ଼୍ ନିଞ୍ଜାମ୍ ପ୍ରମାନ୍ ତଡ଼୍ ପ୍ରଚାର୍ ଆସ୍‌ମାଡ଼ତା ।

୫ ଆଦିନ୍ ମାଇଦିଙ୍କ୍ ମିୟାଦ୍ ବିଶ୍ୱାସ୍ ନାରୁଡ଼୍ ବୁଦ୍‌ତେ ପର୍ ଆଦାରିଡ଼୍ ଆୟ୍‌ୟ, ଆଦ୍ ଇଶ୍‌ବରନ୍ ବପୁତେ ଆସ୍‌ମାଡ଼ତା ।

ଇଶ୍‌ବରତେ ବୁଦ୍

୬ ଇଡ଼କେ ବାଡେ ମାମ୍‌ମେ ବେଡ଼ିୟଡ଼୍ ନାରୁଡ଼୍ ନାଡ଼ମେ ବୁଦ୍‌ତାଦ୍ ଗଟ୍ କେଡୁତମ୍, ବାଡେଙ୍କ୍ ଇଡ଼କେ ଆଦ୍ ଇଦ୍ ଜୁଗ୍‌ତାଦ୍ ବୁଦ୍ ଇଲ୍ଲା ବା ଇଦ୍ ଜୁଗ୍‌ତାଦ୍ ନଷ୍ଟାମ୍ ଆଦାନ୍ ନେତାନଡ଼ାଦ୍ ବୁଦ୍ ଇଲ୍ଲା,

୭ ମାତର୍ ମାମ୍‌ମେ ବିଶ୍ୱାସ୍‌ତେ ଲେକାମ୍ ଇଶ୍‌ବରତେ ବୁଦ୍‌ତାଦ୍ ଗଟି କେଡୁତମ୍; ଆଦ୍ ବୁଦ୍ ନାରୁଡ଼ାଗାଙ୍କ୍ ମିସି ନେଃଏତଡ଼୍, ଇଶ୍‌ବର ମାନାକିନ୍ ଗୌରବ୍ ମାଇଦିଙ୍କ୍ ବୁମ୍ ଡିୟାର୍ ଆଡ଼ତେ ମୁନେଙ୍କ୍ ଏଞ୍ଜିମାଡ଼ତଣ୍ ।

୮ ଇ ଜୁଗ୍‌ତଡ଼୍ ନେତା ନାରୁଡ଼୍ ଲୋପେ ବେନ ଆଦ୍ ପୁନଣ୍, ବାଡେଙ୍କ୍‌ଇକ୍ ଅଡ଼୍ ଆଦ୍ ପୁଞ୍ଜ୍ ମାଡ଼କେ ଗୌରବମୟ ପ୍ରବୁଙ୍କ୍ କୁଶାଗା ରେହ୍‌ଝେ ମାନେଡ଼୍;

୯ ବେଲାକି ବାଇବଲ୍‌ତାଗ ଲେକ୍‌ତାଦ୍ ମିନ୍ଦେ, “ବାତା ବେନ ବେସୁଙ୍କ୍ ଉଡ଼୍‌ଇଲେଣ୍ ବା କେଞ୍ଜ୍ ଇଲେଣ୍, ବାତା ଗଟେମ୍ ଆଦାନାଦ୍ ବେନନ୍ ଆଲ୍‌ସଣ୍, ଅନ୍ ପ୍ରେମ୍ ମାଡ଼ାନ୍ ନାରୁଡ଼୍‌କ୍ ମାଇଦିଙ୍କ୍ ଇଶ୍‌ବର ଆଞ୍ ସାରରେ ଡିଆର୍ କିସ୍‌ମିନ୍ଦେଣ୍ ।”

୧୦ ବାଡେଙ୍କ୍ ଇଡ଼କେ ଇଶ୍‌ବର ତାନ୍ ଆମ୍‌ତେ ତଡ଼୍ ଆଦ୍ ମିଞ୍ଜତାଞ୍ ବିଷୟ ମାକିଙ୍କ୍ କେସ୍‌ମିନ୍ଦେଣ୍ । ଆଦ୍ ପରମ୍‌ଆମ୍ କେ ଇଶ୍‌ବରତାଦ୍ ଲୋପେଡ଼୍ ଏକାଡ଼ିଙ୍କ୍ ମେଦ୍‌କି ମିନ୍ଦେଣ୍ ।

୧୧ ନାରୁଡ଼୍‌ତାଦ୍ ସାରରେକିଟି ଅରବ୍ ତାମାଦ୍ ଲପାଡ଼୍ ଆମ୍ ପୁନ୍‌ତା । ଆଲେନେ ମାତର୍ ଇଶ୍‌ବରନ୍ ଆମ୍ ଇଶ୍‌ବରତେ ବିଷୟତେ ସାରରେକିଟି ପୁନ୍‌ତା ।

୧୨ ମାମ୍ମେ ବୁଦ୍ଧତାଦ୍ ଆମ୍ଭାତ୍ ଦର୍ଶକିଞ୍ଜମ୍ । ବାତେଙ୍କ୍ ଇଡ଼କେ ଇଶ୍ବର ଇଡ଼ତାଦ୍ ସାରରେ ବିଷୟ ପୁନ୍ଦାନ୍ ମାଈଦିଙ୍କ୍ ଇଶ୍ବର ରହ୍ତାଦ୍ ଆମ୍ଭା ଆସମିନ୍ଦେମ୍ ।

୧୩ ଆଦିଙ୍କ୍ ଦାର୍ମାମ୍ ନାରୁଡ଼୍ ବକେଡ଼ ନିଜାତାଦ୍ ଦାର୍ମାମ୍ କେଡ଼ତାନ୍ ଖେଲେ ମାମ୍ମେ ବୁମ୍ତାଞ୍ଜୁ ବୁଦ୍ ଗଟି କେଲମ୍; ପବିତ୍ର ଆମ୍ଭାତେ ଶିକ୍ଷା ଲେକାମ୍ ଆଖି ସାରରେ ନିଜାତାଞ୍ଜୁ କେଡିତମ୍ ।

୧୪ ବେନ୍ ନାରୁଡ଼୍ ମେଲ୍ତେ ଇସାପତେ ଇଲଣ୍ଡ୍, ଅଣ୍ଡ୍ ପରମେଶ୍ବରତାଦ୍ ଆମ୍ଭିକ ସାୟାତାଞ୍ଜୁ ଆଦା ପାର୍ଡ଼ଣ୍ଡ୍ । ଅଣ୍ଡ୍ ଆମ୍ଭାତ୍ ସାତ୍ ସାରରେ ବୁଜେମ୍ ଆୟା ପାର୍ଡ଼ଣ୍ଡ୍ । ଆଞ୍ଜୁସାରେ ଅନ୍ ସେଙ୍ଗେ ପୁନ୍ଝାଦ୍; ବାତେଙ୍କ୍ ଇଡ଼କେ ଆଖି ସାରରେ ଆଦ୍ୟାମ୍ଭିକ ଇସାବତେ ବିଚାର କିଦାନଙ୍କ୍ ଆତା ।

୧୫ ବାତେଙ୍କ୍ ଇଡ଼କେ ଖେରଣ୍ଡ୍ ଇଶ୍ବର ଆମ୍ଭାମାନ୍ଦାନ୍ ନାରୁଣ୍ଡ୍ ସାରରେ ବିଷୟତେ ନେଲ୍ଲା ବୁଜେମ୍ ଆଦ୍ ପାର୍ଡ଼ାତଣ୍ଡ୍; ମାତର୍ ଅଣ୍ଡ୍ ନିଜେ ମେଣ୍ଡେଆରତୁନ୍ ତଡ଼୍ ବିଚାର ଆଦଦା ପାର୍ଡ଼ଣ୍ଡ୍ ।

୧୬ ଦର୍ମଶାସ୍ତ୍ରତାଗ୍ ଲେକା ମିନ୍ଦେ, “ବେନଣ୍ଡ୍ ଇଶ୍ବର ଆଲ୍‌ସାନାଦ୍ ବୁଜେମ୍ ଆଦଦା ପାର୍ଡ଼ାତଣ୍ଡ୍ ? ବେନଣ୍ଡ୍ ଅଂକିଙ୍କ୍ କେତାପାର୍ଡ଼ତଣ୍ଡ୍ ?” ଆଦ୍ ବେଲାଆୟି, ମାମ୍ମେ କ୍ରିଷ୍ଟନ୍ ମାନ୍ଦିଙ୍କ୍ ଦସଂକି ଆଡ଼ତମ୍ ।

୩

ଇଶ୍ବରନ୍ ଦାସ

୧ ଦାଦାଲଡ଼ି ନୁ ଏଲାୟ୍, ଆଦ୍ୟାମ୍ଭିକ ନାରୁଡ଼୍ ସାଙ୍ଗ୍ ଗଟି ତିରିଆନ୍ ଲେକେଡ଼ ନାନ୍ ମିତଡ଼୍ ଗଟି ତିରିୟ୍‌ଇଲେନ୍ । ମାତର୍ ନାନ୍ ମିକିନ୍ ଇ ବୁମ୍ତା ନାରୁଡ଼୍ ନୁ କ୍ରିଷ୍ଟନ୍ ବିଶ୍ବାସତାଗ୍ ପିଲା ଏକା କିସ୍ ଗଟି କେଡ଼ତାନ୍ ।

୨ ☆ମିକିଙ୍କ୍ ଅଲ୍‌ଗାତାଦ୍ କାଦି ଇଞ୍ଜକଟ୍ ପାୟାଲ୍ ତନ୍ଦାନଙ୍କ୍ ଇସମାଡ଼ତାନ୍, ବାତେଙ୍କ୍ ଇଡ଼କେ ମିଡ଼୍ ଆଦ୍ ତିନ୍ଦାନଙ୍କ୍ ପାର୍‌ଖେମାଡ଼ତିଡ଼୍, ଇଞ୍ଜେ ଗାଲା ତିନ୍ଦାନଙ୍କ୍ ମାଡ଼୍‌ଞ୍ଜିର୍,

☆ ୩:୨ ଏବ୍ରୀ ୫:୧୨, ୧୩.

୩ ଇଞ୍ଜେ ମିକା ମିଡ଼୍ ଜଗତ୍ତେ ନାରୁଡ଼୍,ଲେକାମ୍ ବାଦକୁଡ଼ିଡ଼୍ । ମିଇ ଲୋପେ କପାମ୍ ନୁ ମିଇ ଲୋପେ ଗଲ୍ଲକ୍ ମିନ୍ଦେ; ଇଗାଙ୍କ ବାଡ଼ ମିଡ଼୍, ମେନ୍ଦୁଲ୍ ନୁ ଜଗତ୍ତଡ଼ି ଇଞ୍ଜ ପ୍ରାମାନ୍ ଆୟୁଡ଼ିଡ଼୍ ?

୪ ☆ବେଲାକି ବେସୁଙ୍କ୍ ଝେରଣ୍ କେତୁତଣ୍, ନାନ୍ ଆପୋଲ୍ଲୋତନ୍, ମେଣ୍ଟେ ଝେରଣ୍ କେତୁତଣ୍, ନାନ୍ ଆପଲ୍ଲତନ୍, ଆସୁର୍ ମିଡ଼୍ ବେଲା ମେନ୍ଦୁଲ୍ତେ ଇଲ୍ଲଡ଼ିଡ଼୍ କି ?

୫ ଆପୋଲ୍ଲୋ ବେନଣ୍ ? ପାଉଲ୍ ମେଣ୍ଟେ ବେନଣ୍ ? ଅଡ଼୍ ତ ସେବକିଡ଼୍ । ମିକିଂଙ୍କ୍ ବିଶ୍ୱାସ୍ ମାଡ଼ାନ୍ ସେଙ୍ଗେ ମାମମେ ଆଦ୍ ପାଡ଼ିୟି ମାଡ଼ତୁମ୍ । ଇଶ୍ୱର୍ ମାନ୍ ଲୋପେଙ୍କ୍ ସାରେତଡ଼କିଙ୍କ୍ ପାଡ଼ିୟିତାଗ୍ ନିୟୁକ୍ତି ମାଡ଼ତମ୍, ମାମମେ ଆଦ୍ ପାଡ଼ିୟି ମାଡ଼ତୁମ୍ ।

୬ ☆ନାନ୍ ଉର୍ସ୍ସି ମିନ୍ଦେନ୍, ଆପୋଲ୍ଲୋ ଏର୍ ଇଡ଼ତଣ୍, ବାତେଙ୍କ୍ ଇଡ଼କେ ଇଶ୍ୱର୍ ପେଡ଼ସ୍ପି ମିନ୍ଦେଣ୍ ।

୭ ଇଡ଼କେ, ବେନ ଉର୍ସ୍ସାତଣ୍ ବା ଏର୍ ଇଦତଣ୍, ଅଣ୍ ବାତେଏ ବା ଇଲ୍ଲଣ୍ ମାତର୍ ପେଡ଼ସ୍ପାନଣ୍ ଇଶ୍ୱର୍, ଅଣ୍ ବାଡ଼ିୟଣ୍ ।

୮ ବେନଣ୍ ଉର୍ସ୍ସାତଣ୍ ନୁ ବେନଣ୍ ଏର୍ ଇଦତଣ୍ ଅଡ଼୍ ଇର୍ସ୍ୱର୍ ଝେରଟେ, ବାତେଙ୍କ୍ ଇଡ଼କେ ଇଶ୍ୱର୍ ସାରରେ ନାରୁଡ଼୍ ତାମାଦ୍ ପାଡ଼ିୟି ଇସାବତେ ପୁରସ୍ସାର ଇଦତଣ୍ ।

୯ ବାତେଙ୍କ୍ ଇଡ଼କେ ମାମମେ ଇଶ୍ୱରତେ ତଡ଼୍ ପାଡ଼ିୟିମାଡ଼ାନମ୍; ମିଡ଼୍ ଇଶ୍ୱରନ୍ ଝାୟା ନୁ ଇଶ୍ୱରନ୍ ଲୋନ୍ ।

୧୦ ନାକିନ୍ ଇଡ଼ତାଦ୍ ଇଶ୍ୱରନ୍ ଅନୁଗ୍ରହ ଇସାବତେ ନାନ୍ ଝେରନ୍ ବୁଦ୍ଧତନ୍ ଲୋନ୍ ମାଡ଼ାନ୍ ଲେକାମ୍ ବିଊମୁଲ୍ ତିଆର୍ କିଡ଼ତାନ୍, ମେଣ୍ଟେ ଝେରଣ୍ ତାନ୍ପର୍ ମାଡ଼ିମିନ୍ଦେଣ୍ । ବାତେଙ୍କ୍ ଇଡ଼କେ ସାରେତଡ଼୍ ତାନ୍ପର୍ ମାଡ଼ିମିନ୍ଦେଡ଼୍, ଆଦିନ୍ ସେଙ୍ଗେ ଜତନ୍ତେ ମାନ୍ଦାନାଦ୍ ।

୧୧ ବାତେଙ୍କ୍ ଇଡ଼କେ ଇଶ୍ୱର୍ ଜିସୁ କ୍ରିଷ୍ଟଙ୍କ୍ ତିଆର୍ ଆଡ଼ତାଦ୍ ଦୁଡ଼ା ଝେରଟ୍ ଗଞ୍ଜ ଇନା ନିଲ୍ଲସ୍ତଣ୍ । ଅଂକିଙ୍କ୍ ଝିଡ଼ସ୍କେ ମେଣ୍ଟେ ବେନ୍ ଦୁଡ଼େ ତିୟାର୍ ଆଦେପାର୍ଡ଼ି ।

୧୨ ଜିସୁ ନିଜେ ଇଦିନ୍ ଦୁଡ଼େ । ଝେରଣ୍ ନାରୁଡ଼୍ ଆଦ୍ ମୁଲ୍ଦୁଆଡ଼ ପର୍ ସୁନା, ରୁପା, ନାଗେଦାମିନାଝ୍ କାଲ୍ଲକ୍, ଝେରକି, ଝେଦୁର୍ ଇଲ୍ଲକ୍

ଗାଡ଼ୁଡ଼ୁ, ବାତା ବା ଆସ୍ ମାଡ଼ା ପାର୍ଦ୍ଦାତଡ଼ ।

୧୩ ବାତେଙ୍କ୍ ଇଡ଼କେ କ୍ରିଷ୍ଟ ମେଣ୍ଡୁଅନ୍ଦାମ୍ ଖାଦାନ୍ ଖେଲେ ସାର୍ବେତଡ଼ାଦ୍ ପାଡ଼୍‌ୟି ପରିକ୍ଷା ମାଡ଼ିତନ୍ । କିସ୍‌ତେ ଲେକେଡ଼ ଆଦ୍ ଦିନାମ୍ ଖାଦ୍‌ତା, ନୁ ଆଦ୍ କିସ୍ ସାର୍‌ରେ ନାରୁଡ଼୍ କାମ୍‌ତିନ୍ ପରିକ୍ଷା ମାଡ଼ିତା ଦାମ୍ ଇଦ୍‌ତେ ।

୧୪ ଯଦି ଆଦ୍ ଦୁଡ଼େଡ଼ ପର୍‌ ମାଡ଼୍‌ତା ନାରୁନ୍ ଲୋନ୍ ନିସ୍ ମାନ୍‌ତା । ଆଲେ ଇଡ଼କେ ଅଣ୍ଡ୍ ତାନ୍ ପୁରସ୍କାର୍ ଆଡ଼‌ତଣ୍ ।

୧୫ ବେନନାଦ୍ ପାଡ଼ିୟ୍ ଦଂସ୍ ଆଦ୍‌ତେ, ଅଣ୍ଡ୍ ଆଗାଙ୍କ୍ ଗେଲ୍‌ସିତଣ୍ଡ୍, ବାତେଙ୍କ୍ ଇଡ଼କେ ପରିକ୍ଷା ତାଗାଙ୍କ୍ ଉଦାର୍ ପାଏମ୍ ଆଡ଼‌ତେ ନାରୁଡ଼୍, ଲେକାମ୍ ଅଣ୍ଡ୍ ନିଜେ ଗେଲ୍‌ସିତଣ୍ଡ୍ ।

୧୬ ☆ମିଡ଼୍ ପୁନ୍ଦାନ୍ ଖାଇତିତା ଯେ, ମିଡ଼୍ ପର୍‌ମେଶ୍‌ବରନ୍ ଗୁଡ଼ିୟ୍, ମେଣ୍ଡେ ପରମେଶ୍‌ବରନ୍ ଆମ୍ ମିୟାଦ୍ ଜିଝୁଣ୍ଡ୍‌ତାଗ୍ ମାନ୍‌ତା ।

୧୭ ଯଦି ବେନନାରୁନ୍ ପରମେଶ୍‌ବରନ୍ ଗୁଡ଼ିୟ୍‌ଦିନ୍ ନଷ୍ଟାମ୍ ମାଡ଼ାତଣ୍ଡ୍, ଆଲାଈଡ଼କେ ପରମେଶ୍‌ବର୍ ଅଂକିଙ୍କ୍ ନାଷ୍ଟାମ୍ ମାଡ଼ିତନ୍ । ପରମେଶ୍‌ବରନ୍ ଗୁଡ଼ିୟ୍ ଆଦୁତେ ପବିତ୍ର । ଆଦ୍ ପବିତ୍ର ଗୁଡ଼ିୟ୍ ମିଡ଼୍ ।

୧୮ ମିଡ଼୍ ନିଜେ ବୁସା ମାଡ଼୍‌ମାଟ୍, ଯଦି ବେନ୍ ନାରୁନ୍ ଆଲ୍‌ସିତଣ୍ଡ୍ ଯେ, ଅଣ୍ଡ୍ ଇଦ୍ ଜୁଗ୍ ଇସାବ୍‌ତେ ଜ୍ଞାନତନ୍ ଇଞ୍ଜ, ଆଲାଈଡ଼କେ ଅଂକିଙ୍କ୍ ମୁର୍କ୍ ଆଦୁଖାଇତିଡ଼୍,

୧୯ ବାତାଙ୍କ୍ ଇକ୍‌ ପରମେଶ୍‌ବରନ୍ କଣ୍ଡେତେ ବୁଦ୍‌ତାଦ୍ ଜ୍ଞାନ ନିଜାମ୍ ମୁର୍କ୍‌ଡ଼ ଲେକେଡ଼ । ଦର୍ମଶାସ୍ତ୍ର କେତିଡ଼୍; “ବେସୁଙ୍କ୍ କି ଜ୍ଞାନିନାରୁଡ଼୍‌ତାମ୍ ତାଲାକ୍‌କେ ମାନ୍‌ତଡ଼୍, ପରମେଶ୍‌ବର୍ ଆସୁଙ୍କ୍ ଅଡ଼୍‌କିଙ୍କ୍ ପଇତିତଣ୍ ।”

୨୦ ଶାସ୍ତ୍ରତାଗ୍ ଇଦ୍ ମେଣ୍ଡେ ଲେକାମିୟେ, “ପ୍ରବୁ ଜ୍ଞାନିନାରୁଡ଼୍ ଆଲ୍‌ସାନାଦ୍ ପୁନ୍‌ତଣ୍ । ଅଡ଼ାଦ୍ ସାର୍‌ରେ ଏଡ଼୍‌କାମାଡ଼ାନାଦ୍ ଯେ ବେକାର୍ ଆଦ୍‌ମେଣ୍ଡେ ଅଣ୍ଡ୍ ପୁନ୍‌ତଣ୍ ।”

୨୧ ଆଦିନ୍‌ମାଈଦିଙ୍କ୍ ନାରୁଡ଼୍ ମାଡ଼୍‌ତେ ବିଷୟତାଗ୍ ବେନ ଗର୍ବ ମାଡ଼ାନାଦ୍ ଇଲ୍‌ଲେ । ନିଜାମ୍ ସାର୍‌ରେ ବିଷୟ ମିୟାଦେ ।

୨୨ ପାଉଲ୍, ପିତର୍ ନୁ ଆପୋଲ୍ଲୋ ଇଦ୍ ବୁମ୍, ଜିଝୁ ବା ତଲ୍‌ନାଦ୍; ଇଞ୍ଜେ ବା ଖାଦାନାଦ୍ ସାର୍‌ରେ ମିୟାଦେ ।

୨୩ ବାତେଙ୍କ୍ ଇଡ଼କେ ମିଡ଼୍ କ୍ରିଷ୍ଟନ୍‌ତଡ଼୍ ନୁ କ୍ରିଷ୍ଟ ପରମେଶ୍‌ବରତଣ୍ ।

☆ ୩:୧୭ ୧ କରକ୍ତିୟ ୬:୧୯; ୨ କରକ୍ତିୟ ୬:୧୭.

୪

କ୍ରିଷ୍ଟନ୍ ପ୍ରେରିତଶିଷ୍ୟ

୧ ମା ବିଷୟରେ ନାରୁଡ଼ ଆଲ୍‌ସାନ୍ ଖେଇତିଡ଼ ଯେ, ମାନାଲ୍ କ୍ରିଷ୍ଟନ୍ ଦାସ । ପରମେଶ୍ୱର ତାନ୍ ମିଞ୍ଜିତାଦ୍ ସତ୍‌ସାରେ ମାୟାଗ୍ ଆଶେ ଖାଟି କେସ୍ ମିନ୍ଦେଣ୍ ।

୨ ବେନ୍ ନାରୁଡ଼କିନ୍ ଇଦ୍ ଦାୟାଦ୍ ଇସ୍‌ମିନ୍ଦେଡ଼ ଅଡ଼ ବେଲାକି ଇଦିନାଦ୍ ଯଗ୍ୟ ଆଦାପାଦାତଡ଼ ।

୩ ମିଡ଼୍ ଯଦି ନାୟାଦ୍ ବିଚାର୍ କିଡ଼ତିଡ଼ ଇଲକ୍ ବେନ୍ ବା ଅଦାଲଡ଼୍, ଯଦି ନାୟାଦ୍ ବିଚାର୍ ମାଡ଼ିଡେ, ଆଲାଈଡ଼କେ ନାନ୍ ବେନନ୍‌ବା ଏଡ଼କା ମାଡ଼ନ୍ । ବେଲାକି ନାନ୍ ନାୟାଦ୍ ବିଚାର୍ ମେଣ୍ଡେ ମାଡ଼ଣ୍ ।

୪ ନା ବିରୁଡ଼ରେ ବାତେବା ବିଷୟ ମାୟାନ୍ ଗର୍ ନାନ୍ ପୁନନ୍ । ନିଜାମ୍ ଇଦିନାଦ୍ ଇଡ଼କେ ଆୟ୍‌ୟ ଯେ ନାନ୍ ସାରେ ନିର୍ଦୋଷ୍ । ବାତେକ୍ ଇଡ଼କେ ପ୍ରବୁ ନିଜେ ନାୟାଦ୍ ବିଚାର୍ କର୍ତ୍ତାଲ୍ ।

୫ ସାୟେ ଦିନାମ୍ ଖାଦ୍‌ଇଲ୍‌ଖା ଆସୁକ୍ ଇଡ଼କେ ନେଲା ଖାଦାନ୍ ଆସୁକ୍ ଆନା, ବାତା ବା ଗଟିନ୍ ବିଚାର୍ କିୟାନାଦ୍ ଆୟ୍ । ପ୍ରବୁ ବିଚାର୍ ମାଡ଼ାନକ୍ ଖାଦାନ୍ ଯାକ କେପାଟ୍ । ଅଣ୍ ଇକାଡ଼ରେ ମାୟାନାଖ୍ ବିଷୟ ସାରରେ ନାରୁଡ଼ ମୁନ୍‌ନେ ତାଡ଼ତଣ୍ । ଅଣ୍ ନାରୁଡ଼ ଗୁଣ୍ଡେତେ ଲପା ମିଞ୍ଜିତାଖ୍ ସାରରେ ପେସ୍‌ପାତଣ୍ । ଆସୁକ୍ ପରମେଶ୍ୱର ସାରେତଡ଼କିକ୍ ବେନାଦ୍ ବାତା ଦକ୍‌ଡ଼ ଆଦ୍ ଇଦ୍‌ତଣ୍ ।

୬ ଦାଦାଲଡ଼ି ନୁ ଏଲାସ୍, ମିୟାଦ୍ ସାୟେଡ଼ ମାଇଦିକ୍ ନାନ୍ ଆପୋଲ୍ଲୋ ନୁ ନାୟାଦ୍ ବିସୟରେ ଇଞ୍ ସାରରେ ମାଟା କେଡ଼ତାନ୍ । ମାକ୍ ଇଡ଼ଞ୍ଜିକିକ୍ ଖେଷଡ଼୍ ଲେକାମ୍ ଏକା ମାଡ଼ି ମିଡ଼୍ କାର୍‌ରେ ଖାଈତିଡ଼ ଯେ, ଶାସ୍ତ୍ରତାଗ୍ ବାତା ଲେକ୍‌ତାଦ୍ ମିନ୍ଦେ, ଆଦିନ୍ ଲେକେଡ଼ ଆଦାନାଦ୍ ନିୟମ୍ ଇଲ୍‌ଲେ । ମିଇ ଲୋପେକ୍ ବେନକ୍ ଆସ୍ ବା ଆଶେ ମାଡ଼ମାଟ୍, ମେଣ୍ଡେ ବେନକ୍ କେପ୍‌ମାଟ୍ ।

୭ ଅର୍ତୁନୁସ୍ ନିକିକ୍ ବେନ ଲେକେଡ଼ ମାଡ଼ତଣ୍ ? ମିୟାଦ୍ ସାରରେ ବାତେଏ ଇଶ୍‌ବରନ୍ ଦାନାମ୍ ଆୟ୍‌ୟ କି ? ଇଡ଼କେ ଆଦ୍ ଯଦି ମିକିକ୍ ଦାନାମ୍ ଲେକେଡ଼ ଦର୍‌କ୍ତା, ଆଲା ଇଡ଼କେ ବାତାକ୍ ମିଡ଼୍ ଦାନାମ୍ ଦକ୍‌ଲ୍ ଲେକାମ୍ ଗର୍ବ ମାଡ଼ଡୁଡ଼ ?

୮ ମିଳିଙ୍କ ଦରକାର ସାରରେ ଜିନିଷ ପାଏମ୍ ଆଦତିଡ଼ି କି ? ମିଡ଼ି ବାତା ସାଉକାର ଆଡ଼ିଡ଼ି କି ? ମିଡ଼ି ବାତା ରାଜା ଆଦତିଡ଼ି ? ଯଦି ମାମ୍ମେ ଆୟକ୍ ଗାଲା । ନିଜାମ୍, ମିଡ଼ି ରାଜା ଆୟେଡ଼ି କି ? ଆଲାଇଡ଼ିକେ, ମାମ୍ମେ ମିୟାଦ୍ ଆଦ ରାଜପଦତାର ପାଲକ୍ ଆୟେମ୍ ।

୯ ନିଜାମ୍ ନାକିଙ୍କ ଏକା ମିୟେ, ମାନ୍ ଲେକାମ୍ ପ୍ରେରିଡ଼ି ଶିଷ୍ୟତ୍ତକ୍ ଇଶ୍ବର ସାର୍ବେତଡ଼ି ପେରକେ ନେୱତଣ୍ଡ । ତଅନ୍ଦାନ୍ ଲେକାମ୍ ତଲିମାଞ୍ଜି ସାରରେ ବୁମ୍ମେ ନାରୁଡ଼ି ନୁ ଦେୟାମ୍ ଦୁତଡ଼ି ଗାରେ ପାୟୁଡେ ନାରୁଡ଼ି ଇନା ମାକିଙ୍କ ଅଣ୍ଡ ପୟସ୍ମିୟେଣ୍ଡ ।

୧୦ କ୍ରିଷ୍ଣନ୍ ମାଇଦିଙ୍କ୍ ମାନାଡ଼ି ମୁର୍କ୍ ଇଞ୍ଜ ପୁଡ଼ିତଡ଼ି । ବାତେଙ୍କ୍ ଇଡ଼ିକେ ମିଡ଼ି କ୍ରିଷ୍ଣନ୍ ତଡ଼ି କାୟଲତାଙ୍କ୍ ମିଡ଼ି ଜ୍ଞାନି । ମାମ୍ ଲାଞ୍ଜୁ ଇଲ୍ଲୁଜାନମ୍; ମାଡି ମିଡ଼ି ଲାଞ୍ଜୁଦନର୍ । ମିଡ଼ି ସମ୍ମାନ୍ ଦରକ୍ତେନଡ଼ି, ମାଡି ମାମ୍ମେ ଅନାଦ୍ ଇନଡେ ନାରୁମ୍ ।

୧୧ ଇଞ୍ଜେ ଅନ୍ପାକେ ମାମ୍ କାର୍ଡ୍ଡିନମ୍ ନୁ ଉୟ୍ ଝାଡ଼ିତେନମ୍, ଇଙ୍କଡେ ସିଲେ କେରଡମ୍ ନୁ ଦେବ୍ବା ତିଞ୍ଜି ମାୟାନମ୍ ନୁ ପଡ଼ିୟା ଇଲ୍ଲୁଜେନମ୍ ।

୧୨ ଗାଡି ପାଡ଼ିୟି ମାଡି ମାମ୍ମେ ଝାସିଆଦୁତମ୍ । ବେନ ମାକିଙ୍କ୍ ଅବିଶାପ ଇଡ଼ିକେ, ମାମ୍ମେ ଅଡ଼ିକିଙ୍କ୍ ଆଗି ବାଦ୍ ମାଡ଼ିତମ୍ । ନିୟ୍ ଆଡ଼ିକେବା, ମାମ୍ମେ ସହେମ୍ ଆଦତମ୍ ।

୧୩ ଅପ୍ପାଦ୍ ଆସ୍ ବାରେ କାଲ୍ଲୟାନାଦ୍ ଗର୍ କେସ୍ ମିୟେମ୍ । ଇଞ୍ଜେ ଅନ୍ପାକେ ବା ମାମ୍ମେ ବୁମ୍ମତାଗା ତଗୁ ଇନା ଆସ୍ ମିୟେମ୍; ସାର୍ବେତଡ଼ି ମାକିଙ୍କ୍ ପାସ୍କଡ଼ି ।

୧୪ ନାନେ ନିକିଙ୍କ୍ ସିଗ୍ ଇଦାନ୍ ମାଇଦିଙ୍କ୍ ଇଞ୍ଜୁ ସାରରେ ଗଡି ଲେକ୍କିଲେନ୍ ପ୍ରେମଡେ ପିଲ୍ଲା ଇଞ୍ଜି ଆଲ୍ସି ଏକା ଇଦାନ୍ ମାଇଦିଙ୍କ୍ ଇଞ୍ଜି ସାରରେ ଲେକ୍କିମିୟେନ୍ ।

୧୫ କ୍ରିଷ୍ଣୟାନ୍ ଜିଞ୍ଜୁଣ୍ଡତାଗ୍ ମିକିଙ୍କ୍ ନାରଗେ ଦର୍ମଗୁରୁ ମାନ୍ତଡ଼ି । ଇଡ଼ିକେ ମିଇ ବାବାଲ୍ ଝେରଣ୍ଡ । ମିଇ ଗାରେ ନେଲା କାବୁର ପ୍ରଗାର୍ ମାଡ଼ିକେ କ୍ରିଷ୍ଣୟାନ୍ ଜିଞ୍ଜୁଣ୍ଡତାଗ୍ ନାନ୍ ମିଇ ବାବାନ୍ ଲେକେ ।

୧୭ ☆ଆଦିଙ୍କ, ନାୟାଦ୍ ଆଦର୍ଶ ପେରକେ ମାଡାନଙ୍କ ନାନ୍ ମିକିଙ୍କ ଅନୁରଦ୍ ମାଡ଼ମିନ୍ଦେନ୍ ।

୧୭ ଇଦିନ୍ ମାଇଦିଙ୍କ ନାନ୍ ମିଇ ଗାରେ ତିମତିଙ୍କ ରଥତାନ୍, ଅଣ୍ଡ ଦେଉଡ଼ତାର୍ ନାୟାଗ୍ ପ୍ରେମ୍‌ତେ ନୁ ବିଶ୍ବାସ୍‌ତେ ମାର୍ ! ବେଲାକି ନାନ୍ ସାରରେ ଗୁଡ଼ିୟ୍ ନାଗ୍ ଶିକ୍ଷା ଇଦୁତାନ୍, ଆଲେକେ, ଅଣ୍ଡ ନିକିଙ୍କ ନାୟାଗ୍ କ୍ରିଷ୍ଟିଅନ୍ ଆଚରନ୍ ଆର୍ ଏଡ଼କା ମାଡ଼ିତନ୍ ।

୧୮ ନାନ୍ ମିଇ ଗାରେ ଖାଡେନ୍ ଇଞ୍ଜ ଏକା ମାଡ଼ି ବେନ ଗର୍ବ ମାଡ଼ତଡ଼ ।

୧୯ ଇଶ୍ବର ଇଚ୍ଛା ମାଡ଼କେ, ନାନ୍ ସିର୍ପାର୍ ମିଇ ଗାରେ ଆଦତାନ୍ । ଆସୁଟେ ଇଡ଼ ଗର୍ବ ନାରୁଡ଼ାଦ୍ ଗଟି ମାଡ଼ର କେଞ୍ଜନ୍ ନିଜାମ୍ ଅଡ଼ାଦ୍ ବେସର୍ ଶାଡ଼ଝାମ୍ ମିନ୍ଦେ, ଆଦ୍ ନାନ୍ ଉଡ଼ିତାନ୍ ।

୨୦ ବାଡେଙ୍କ ଇଡ଼କେ ଇଶ୍ବରତେ ରାଜ୍ୟ ବାକ୍ୟତେ ଆୟ୍‌ୟ । ମାଡ଼ି ଲାଝୁଦେ ତଅନ୍‌ଦାନ୍ ବିଷୟ ।

୨୧ ମିଡ଼ ବାଡ଼ ତାଏମ୍ ଆଦୁତିଡ଼ ? ନାନ୍ ବାଡ଼ ମିକିଙ୍କ ଶାସନ୍ ମାଡ଼ାନ୍ ମାୟ୍‌ଦିଙ୍କ କଅଡ଼ା ପୟ୍‌ସ୍ ଖାଦତାନ୍ ? କି, ପ୍ରେମ୍ ନୁ ଲେକାମ୍ ମାନ୍ ଆସ୍ ଖାଦତାନ୍ ?



ମଣ୍ଡଲିକଞ୍ଚ ଦୁରାମ୍ ଆଡା ଦାଦାଲରକ୍ ଷ୍ଟିଡ଼ସାନାଦ୍

୧ ନିଜାମେ କେଞ୍ଜମିନ୍ଦେମ୍ ଯେ, ମିଇ ଲପେ ବ୍ୟବିଚାର୍ ମିନ୍ଦେ, ଇଦ୍‌ଲେକାଡ଼ ବ୍ୟବିଚାର୍, ବାଡାକି ଷ୍ଟେର୍ ଜାତିନଡ଼ ଲୋପେ ବା ତଅନ୍‌ଦ, ଇଦ୍‌ଲେକେମ୍ କି ଷ୍ଟେରନ୍ ତାମ୍ ବାବାନ୍ ପାୟେଡ଼ ମୁତେଙ୍କ ନେଃଏସ୍ ମିନ୍ଦେନ୍ ।

୨ ମେଣ୍ଡେ, ବେନ ଇଦ୍ ପାଡ଼ିୟ୍ ମାଡ଼ମିନ୍ଦେନ୍, ଅଣ୍ଡ ବେଲାକି ମିଇ ଲୋପେଙ୍କ ନୁଞ୍ଚ ଦୁରାମ୍ ମାଡ଼ତର, ଇଦିନ୍ ମାଇଦିଙ୍କ ଆଲ୍‌ସକର୍ ଅୟ୍‌ଝେ ବେଲାନ୍ କି ଗର୍ବ ମାଡ଼ମିନ୍ଦେଡ଼ି ?

୩ ବାଡେଙ୍କ ଇଡ଼କେ ନାନେ ମେୟୁଲ୍‌ତେ କାଇଲକେ ବା ଆମାତେ କାଇଲି ମାଞ୍ଜି, ବେନଶ୍ ଇଦିନ୍ ଲେକାମ୍ ପାଡ଼ିୟ୍ ମାଡ଼ମିନ୍ଦେନ୍,

କାଈଲି ମାନ୍ଦାନ୍ ଲେକେମ୍ ନାନ୍ ଅନାଦ୍ ବିଚାର୍ କିସ୍ ତେରସ୍ତି ମିନ୍ଦେନ୍,

୪ ମିଡ୍, ନୁ ନାୟାଦ୍ ଆମ୍ବା ମାନାଦ୍ ପ୍ରବୁ ଜିସୁନ୍ ପେଦେରତେ ଅଣ୍ଡୟାଗେ ଆଦାନ୍ ଖେଲେ, ଶକ୍ତିତଡ୍ ଇଦ୍ ସ୍ଥିର୍ ମାଡ୍ମିନ୍ଦେନ୍ ଯେ,

୫ ଇଦ୍ ଲେକେଡ୍ ନାରୁଙ୍କ୍ ମେନ୍ଦୁଲ୍ତାଦ୍ ନାୟାମ୍ତ ମାଈଦିଙ୍କ୍ ଶୟତାନତେ କାଈଦେ ଓସଡ୍ସିନାଦ୍ ମିନ୍ଦେ, ବେଲାକି ପ୍ରବୁ ଜିସୁନ୍ ଦିନାମ୍ତେ ଅନାଦ୍ ଆମ୍ବା ଗେଲ୍ସେ ପାଦ୍ ଡ୍ ।

୬ ☆ମିୟାଦ୍ ଇଦ୍ଲେକେଡ୍ ଗର୍ବ ମାଡ୍ମାନାଦ୍ ସାୟେ ଇଲ୍ଲେ । ମିଡ୍, କି ପୁନିର୍ ଯେ ସୁଡ୍ ଇଞ୍ଜ କମିର୍ ସାର୍ରେ ମାଈଦା ପିଣ୍ଡୁତିଙ୍କ୍ କମିରମୟ ମାଡ୍ମିତା ?

୭ ମିଡ୍, ତ କମିର ଇଲ୍ଲେ ନାରୁଡ୍, ବେଲାକି ମିଡ୍, ପୁନାଦ୍ ପେଣ୍ଡୁଲ୍ ଆଦ୍ଦେ ପାଡ୍ମିଡ୍, ଆଦିଙ୍କ୍ ମାଈଦିଙ୍କ୍ ପାନ୍ତାଦ୍ କମିର ବାଈଦେ ପେସ୍ପିମୁର୍, ବାତାଙ୍କ୍ ଇଡ୍କେ ମାୟାଦ୍ ନିସ୍ତାର ପାଣ୍ଡୁତାଦ୍ ତିଆର୍ ତେରତେ । ମାନ୍ ସେଙ୍ଗେ କ୍ରିଷ୍ଟ, ମେଣ୍ଟା ପିଲା ଲେକାମ୍ ବଲିକୃତ ଆଡ୍ଡେ ।

୮ ଅତଏବ ଖାରାଟ୍, ମାନାଲ୍ ପାନ୍ତାଦ୍ କମିର ବା କାରାପ୍ ନୁ ପିନ୍ଦ୍ଝାଦ୍ ପାଡ୍ମିୟ ଲେକେଡ୍ କମିରତେ ପାଣ୍ଡୁ କିଞ୍ଜାକଟେ ସରଲତା ନୁ ନିଜାମ୍ ଲେକେଡ୍ କମିର ଇଲ୍ଲେ ରୁଟିତେ ପାଣ୍ଡୁ ମାଡ୍ମିକାଲ୍ ।

୯ ବ୍ୟବିଚାରି ତଡ୍, କାଈଲ୍ମାଟ୍ ଇଞ୍ଜ ନାନ୍ ମିକିଙ୍କ୍ ନା ଚିଟି ଲେକି ମାଡ୍ମିତାନ୍ ।

୧୦ ଇ ବୁମ୍ବତର୍ ବ୍ୟବିଚାରି କି ଦନ୍ଲୋଭିଡ୍, କି ତଙ୍ଗାଲଡ୍, ନୁ ପୁଡ୍ଲାମ୍ ପୁଜା ମାଡ୍ମାନର୍ ତଡ୍, ଇଡ୍ବର୍ ବା କାଈଲ୍ମାଟ୍ । ଆଲେଆଡ୍କେ, ମିକିଙ୍କ୍ ଜଗଡ୍ତାଗାଙ୍କ୍ ଅଣ୍ଡୟାଦାମ୍ ପେୟସ୍ ଆଦେଖେୟଡ୍ ।

୧୧ ବାତେଙ୍କ୍ ଇଡ୍କେ ନାୟାଦ୍ ଲେକାନାଦ୍ ନୁ ଆଲ୍ସାନାଦ୍ ଇଲା ମାଡ୍ତେ ଯେ, ଯଦି ବେନଆଇ ନାରୁଣ୍ଡ୍ ତାମୁଣ୍ଡ୍ ଇଞ୍ଜ ପୁଞ୍ଜ୍ ବ୍ୟବିଚାର୍ କି ସାଞ୍ଜକାର୍ ଆଦାନଙ୍କ୍ କି ମାଡ୍ଝାରିଡ୍, କି ପୁଡ୍ଲାମ୍ ପୁଜା ମାଡ୍ମାନର୍ କି ପେରଲାନର୍ ମାଡ୍ଝାରି କି ଅଡ୍ଡୁନାଦ୍ ଜିନିଷ୍ ତଙ୍ଗାଲ୍ ମାଡ୍ମାନଣ୍ଡ୍ ଆଡ୍ଡେ ଇଡ୍କେ ଇସଡ୍ ନାରୁଡ୍, ତଡ୍, କାଈଲ୍ମାଟ୍, ବେଲା ଅଣ୍ଡ୍ ତଡ୍, ଦତା ବା ତିନ୍ମାଟ୍ ।

୧୭ ବାୟୁଦେବ ନାରୁଡ଼ାଦ୍ ବିଚାର ମାଡ଼ାନ୍ ମାୟଦିଙ୍କ ନାନ୍ ବେନ ? ଇଡ଼କେ ମାନ୍ ମଣ୍ଡଲିତେ ଲୋପେ ମାୟାନ୍ ନାରୁଡ଼ିଙ୍କ ବିଚାର ମାଡ଼ାନାଦ୍ ଦାୟିତ୍ ବାଡ଼ ମାନାଦ୍ ଇଲ୍ଲେ ?

୧୮ ଇଶ୍ବର ଅଡ଼ାଦ୍ ବିଚାର ମାଡ଼ିତନ୍, ଦର୍ମଶାସ୍ତ୍ରତାଗ୍ ଲେକ୍ତାଦ୍ ମିୟା କାରାପ୍ ନାରୁଡ଼ିଙ୍କ ପେସ୍ତିମ୍ବର୍ ।



କ୍ରିଷ୍ଟିୟାନ୍ ଦାଦାଲଡ଼୍ ବିରଦ୍ଧତେ ମାଗା

୧ ମିଇ ଲୋପେ ବେନଡ଼୍ ଝେରଡ଼ର୍ ପର୍ବର କପାମ୍ ମାଡ଼ ମାଡ଼କେ ଉନ୍ କି ବିଚାର ମାୟଦିଙ୍କ ପବିତ୍ର ସାଦୁନାରୁଡ଼୍ ଗାରରେ ଆନକଟ ଅଦାମ୍ କି ନାରୁଡ଼୍ ଗାରରେ ଆନ୍ଦାନଙ୍କ ଦମ୍ କିଝେଣ୍ ?

୨ ଆଦ୍ ସାଦୁନାରୁଡ଼୍ ଯେ ପବିତ୍ର ବୁମ୍ତାଦ୍ ବିଚାର କିଡ଼ତଡ଼୍, ଇ ଗଟି କି ମିଡ଼୍ ବେଲା ପୁନ୍ଝିନ୍ ? ମେଣ୍ଡେ ଯଦି ବୁମ୍ ମିଇ ତଡ଼୍ ବିଚାରିତ ଆଡ଼ତା, ବାତା ମିଡ଼୍ କି ସୁଡ଼୍ ସୁଡ଼୍ ବିଷୟ ବିଚାର କିଦାନଙ୍କ ବେସୁଙ୍କ ଆୟ ?

୩ ମାନାଲ୍ ଯେ ଦୂତକିଙ୍କ ବିଚାର କିଡ଼ତାଲ୍ ଇଦ୍ ବେଲା ମିଡ଼୍ ପୁନ୍ଝିଡ଼୍ ? ଆଲେକେ ଜଗଡ଼ତାଦ୍ ବିଚାର ମାଡ଼ାନାଦ୍ ମାକିଙ୍କ ଗାଟି ସହଜ୍ ଆୟ୍ କି ?

୪ ଆଲେକ୍ ଇନ୍ଜେଡ଼୍ ଜିଝୁଡ଼୍ ମାଜା ବା ବାତା ? ଆଦିନ୍ମାୟଦିଙ୍କ, ଯଦି ବିଚାର ମାୟଦିଙ୍କ ମିୟାଦ୍ ଇଞ୍ଜେଡ଼୍ ଜିଝୁଲେକାଡ଼୍ ବାତାଆୟ୍ ବିଷୟ ମାନ୍ତା, ଆଲେକ୍ ମଣ୍ଡଲିତେ ବେନଡ଼୍ ନଗଣ୍ୟ, ଅଡ଼ିଙ୍କ ବାତା ବିଚାର କିଦାନ୍ ମାୟଦିଙ୍କ ତିଆର୍ ମାଡ଼ିଡ଼୍ ?

୫ ନାନ୍ ମିକିଙ୍କ ସିଗ୍ ଇଦାନ୍ ମାୟଦିଙ୍କ କେସ୍ ମିୟେନ୍ । ଦାଦାଲ୍ ତାମୁଣ୍ଡ୍ ଲୋପେ ମାମାଂସା ମାଡ଼ାନଙ୍କ ଇଛା, ଇଦ୍ଲେକାମ୍ ବାତା ଝେରଣ୍ଡ୍ ଜାନି ନାରୁଡ଼୍ ନିଜାମ୍ ମିୟାଗ୍ ଇଲେର୍ ?

୬ ମାଡ଼ର୍ ଦାଦାଲ୍ ତାମୁଣ୍ଡ୍ ବିରୁଦ୍ଧତେ ବିଚାରଲୟତାଗ୍ ଅବିଯୋଗ ମାଡ଼ିର୍, ଆଦ୍ମେଣ୍ଡେ ଅବିଶ୍ବାସୀ ନାରୁରାଗ୍ !

୭ ମିଡ଼୍ ଯେ ମିଇ ମିଇ ଲୋପେ ବିରୁଦ୍ଧ ବିଚାରଲୟତାଗ୍ ଅବିଯୋଗ ମାଡ଼ିର୍, ଆଗା ମିଡ଼୍ ନିଜାମେ ଦଷ୍ ଆଡ଼ିର୍ । ମେଣ୍ଡେ ବାଡ଼ତେ

ଗଟି କେଞ୍ଜି ମାନ୍ଦାଙ୍କ ପାଖିତ୍? ବେଲା ବାତାଙ୍କ ନାଷ୍ଟ ଆଦାନାଦିନ୍
ଝିଡ଼ୁଝିଡ଼ୁ?

୮ ବାତେଙ୍କ ଇଡ଼କେ ମିଡ଼ିନିଜେ ନିଜେ ଅନ୍ୟାୟ ନୁ ଷଡ଼ି ମାଡ଼ୁଡ଼ିର,
ଆଦ୍ ମେଣ୍ଡେ କ୍ରିଷ୍ଟ ବିଶ୍ୱାସୀ ଦାଦାଲର ବା ଏଲାୟ୍ ପର୍ ମାଡ଼ୁଡ଼ିତ୍ ।

୯ ମିଡ଼ି ପୁଡ଼ିତ୍ ଯେ ବେନ ଅଦାମିକ୍ ନାରୁଡ଼ି ଇଶ୍ୱରନ୍
ରାଜ୍ୟମ୍ଭାଗ୍ ଆଦା ପାଖିତ୍ । ଇଦ୍ ବିଷୟତେ ମିୟାଦ୍ ବାତେବା
ପୁନଃଲେକେ ମାନମାକି । ପଟ୍ଟକାରୀ, ପୁଡ଼ିଲାମ୍ ପୁଜାମାଡ଼ାନଡ଼ି,
ବ୍ୟବିଚାରୀଡ଼ି, ପେକାଲ୍ ପେକାନ୍ତଡ଼ି ନୁ ପିକିଡ଼ି ପିକିନ୍ତଡ଼ି ଲିନ୍ଦେ
ଆସ୍ମାନ୍ଦାନଡ଼ି,

୧୦ ତଙ୍ଗାଲ୍, ଦନ୍ଥାସେତଣ୍ଡି, ମାଡ଼ୁଝାରି, ନିନ୍ଦ୍ ମାଡ଼ନଣ୍ଡି ନୁ
ଗୁଣ୍ଡାଲଡ଼ି ଇଡ଼ି ଇଶ୍ୱରନ୍ ରାଜ୍ୟମ୍ଭାଗ୍ ଆଦେ ପାରୁଡ଼ିତ୍ ।

୧୧ ମେଣ୍ଡେ, ମିଲ୍ ଲୋପେ ବେନବେନ ଇଲା ମାଡ଼ିତ୍ । ବାତେଙ୍କ
ଇଡ଼କେ ଇଞ୍ଜେ ମିଡ଼ି ପାପାମ୍ଭାଗାଙ୍କ ଏଡ଼ିତି, ଇଶ୍ୱରତେ ଗଟ୍ତେ
ଉତ୍ସର୍ଗ ଆଡ଼ିତ୍ । ମେଣ୍ଡେ ପ୍ରବୁ ଜିସୁ କ୍ରିଷ୍ଟ ନୁ ପବିତ୍ର ଆମ୍ଭାତଡ଼ି ମିଡ଼ି
ଦାର୍ମାମ୍ ଇଞ୍ଜେ ଲେକ୍ତାଦ୍ ଆସ୍ମିନ୍ଦେଡ଼ି ।

ନିଜେଡ଼ି ମେନ୍ଦୁଲ୍ଭାଗ୍ ପ୍ରବୁଙ୍କ ଗୌରବ ମାଡ଼ାବ

୧୨ ☆“ସାରରେ ବିଷୟ ସାଦନ୍ ମାଡ଼ାନଙ୍କ ନାକିଂଙ୍କ ଅଦିକାର
ଇଡ଼ିତଡ଼ି ।” ବାତେଙ୍କ ଇଡ଼କେ ମିକିଂଙ୍କ ସାରରେ ବିଷୟ ସାୟେ
ଆୟ୍ଯ । ସାରରେ ବିଷୟ ସାଦନ୍ ମାଡ଼ାନଙ୍କ ନାକ୍ ସ୍ୱାଦିନତା ମିନ୍ଦେ,
ବାତେଙ୍କ ଇଡ଼କେ ନାନ୍ ବାତା ବା ବିଷୟତିଙ୍କ ରାଜି ଆୟ୍ଯନ୍ ।

୧୩ ମେଣ୍ଡେ ବେନ କେତେ ପାରୁଦ୍ତଣ୍ଡି, “କାଦି ପଟାଡ଼ି ମାଇଦିଙ୍କ,
ମେଣ୍ଡେ ପଟା ବା କାଦି ମାଇଦିଙ୍କ,” ବାତେଙ୍କ ଇଡ଼କେ ଇଶ୍ୱର
ରେଣ୍ଡିଙ୍କ ନଷ୍ଟାମ୍ ମାଡ଼ିତନ୍ । ମେନ୍ଦୁଲ୍ ବ୍ୟବିଚାର ମାଇଦିଙ୍କ ବ୍ୟବହାର
ଆୟ୍ଯକଟେ, ବାତେଙ୍କ ଇଡ଼କେ ପ୍ରବୁନ୍ ମାଇଦିଙ୍କ ବ୍ୟବହାର ଆୟ୍ଯି,
ବାତେଙ୍କ ଇଡ଼କେ ଇଶ୍ୱର ମେନ୍ଦୁଲ୍ଭାଦ୍ ଦରକାର ସାରେ ମାଡ଼ିତନ୍ ।

୧୪ ଇଶ୍ୱର ପ୍ରବୁଙ୍କ ତଲ୍ଭାଗାଙ୍କ ତେଃଏତଣ୍ଡି, ମେଣ୍ଡେ ତାନ୍ ଲାଞ୍ଜିତେ
ମାନାକିନ୍ ମେଣ୍ଡେ ତେଏଡିତଣ୍ଡି ।

୧୫ ମିୟାଦ୍ ମେନ୍ଦୁଲ୍ ଯେ କ୍ରିଷ୍ଟନ୍ ମେନ୍ଦୁଲ୍ତେ ଅଂକିଙ୍କ ଲେକାମ୍,
ଇଦ୍ ବାତା ମିଡ଼ି ପୁନଃଡ଼ି କି ? ଇଡ଼କେ ନାନ୍ ବାତା କ୍ରିଷ୍ଟନ୍ ଝେରଡ଼ି,

ଅଂକିଙ୍କ ଆସ୍ ମେଣ୍ଟେ ବେଶ୍ୟାତାଦ୍ ଅଂକିଙ୍କ ମାଡ଼ତାନ କି ? ଆଦ୍ ବେସ୍ତର୍ ବା ଆୟମା କି ।

୧୭ ମେଣ୍ଟେ ବେନ ବେଶ୍ୟାନତଡ଼୍ କାଈଲିତଣ୍ଡ, ଅଣ୍ଡ ଆଦିନ୍ ସାଙ୍ଗ୍ ଅରର୍ ମେନ୍ଦୁଲ୍ ଆଦ୍ତେ, ଇଦ୍ ମିଡ଼୍ ବେଲା ପୁନ୍ଝିର୍ କି ? ବାତେଙ୍କ୍ ଇକ୍ଟେ ଇଲା ଲେକ୍ତାଦ୍ ମିନ୍ଦେ, “ଆଞ୍ ରେଣ୍ଡ୍ ଅରର୍ ଆଦ୍ତା ।”

୧୮ ବାତେଙ୍କ୍ ଇଡ଼କେ ବେନନ୍ ପ୍ରବୁନ୍ତଡ଼୍ କାଈଲି ମାନ୍ତଣ୍ଡ, ଅଣ୍ଡ ଆନା ଆମ୍ବାତଡ଼୍ ଅରର୍ ଆମ୍ବା ଆଦ୍ତେ ।

୧୯ ବ୍ୟବିଚାର୍ ନୁଅ୍ ଜେକେ ଆନୁର୍ । ନାରୁଡ଼୍ ବାତାବା ପାପ୍ କିଡ଼କେ, ଆଦ୍ ମେନ୍ଦୁଲ୍ତେ ସେଙ୍ଗେ କାରାପ୍; ବାତେଙ୍କ୍ ଇଡ଼କେ ବେନ ବ୍ୟବିଚାର୍ ମାଡ଼ିତଣ୍ଡ, ଅଣ୍ଡ ତାନ୍ ମେନ୍ଦୁଲ୍ ବିରୁଦ୍ତେ ପାପ୍ ମାଡ଼ିତନ୍ ।

୨୦ ☆ମିଡ଼୍ ବାଡ଼୍ ପୁନ୍ଝିଡ଼୍ ଯେ ମିୟାଦ୍ ମେନ୍ଦୁଲ୍ ପବିତ୍ର ଆମ୍ବାତେ ମନ୍ଦିର୍ ? ବେନ୍ ଆମ୍ବା ମିଡ଼୍ ଇଶ୍ବର ତାଗାଙ୍କ୍ ପାଏମ୍ ଆଦ୍ତଡ଼୍ ।

୨୧ ଅଣ୍ଡ ମିକିଂଙ୍କ୍ ଗାଟି ଦାମ୍ତେ ଆସ୍ତଣ୍ଡ; ଆଦିଙ୍କ୍ ମିଇ ମେନ୍ଦୁଲ୍ତେ ଇଶ୍ବରନ୍ ମୁକ୍ତି ନୁ ଗୌରବ୍ ତିଆର୍ ମାଡ଼ାଟ୍ ।



ପେଣ୍ଡୁଲ୍ତାଦ୍ ନିୟମ୍

୧ ମିଡ଼୍ ବାଡ଼୍ ସାର୍ରେ ବିଷୟ ଲେକ୍ତିଡ଼୍, ଆଞ୍ ସାର୍ରେତାଞ୍ଜିନ୍ ଉଡ଼ର୍ ଇଦ୍, ନାରୁଡ଼୍ ଇଞ୍ଜ୍ ନାଟାକିଙ୍କ୍ ପେଣ୍ଡୁଲ୍ ଆୟଞ୍ଜେ ମାଡ଼କେ ସାୟେ;

୨ ବାତେଙ୍କ୍ ଇଡ଼କେ ସାର୍ରେତଡ଼୍କ୍ ଯୌନ ଲାଲସା ମାନ୍ଦାନ୍ ମାଈଦିଙ୍କ୍ ସାର୍ରେ ମୁଦ୍ପାଲଡ଼୍କ୍ ତାମ୍ ମୁଡ଼ତେ ମାନି, ମେଣ୍ଟେ ସାର୍ରେ ମୁଡେକିଙ୍କ୍ ତାମ୍ ମୁଜାଲର୍ ମାନିର୍ ।

୩ ମୁଜାଲ୍ ମୁଡେନ୍ ତାନାଦ୍ ପ୍ରାପ୍ୟ ଇଞ୍ଜିଣ୍ଡ, ମେଣ୍ଟେ, ଆଦେଲେକାମ୍ ମୁଡ଼ତେ ମୁଜାନ୍ ତାନାଦ୍ ପ୍ରାପ୍ୟ ଇଞ୍ଜ୍ ।

୪ ମୁଡେନ୍ ନିଜେଡ଼୍ ମେନ୍ଦୁଲ୍ତେ ପର୍ ଅଦିକାର୍ ଇଲା, ବାତେଙ୍କ୍ ଇଡ଼କେ ମୁଦ୍ପାନାଦ୍ ମିନ୍ଦେ; ଆଦେଲେକାମ୍ ମେଣ୍ଟେ ମୁଦ୍ପାନ୍

ନିଜେତ୍ ମେନ୍ଦୁଲ୍‌ରେ ପର୍ ଥିକାର ଇଲ୍ଲା, ବାତେଙ୍କ ଇଡ଼କେ ମୁତେନାଦ୍ ମିନ୍ଦେ ।

୫ ଅଡ଼ତାମ୍‌ତାମ୍ ଲୋପେ ଖେରେ ଆୟମାକିଡ଼୍ । ଇଡ଼କେ ପ୍ରାଡ଼ନା ମାଡ଼ାନ୍ ମାଇଦିଙ୍କ୍ ସୁଦୁର୍ ଦିନାମ୍ ସେଙ୍ଗେ ଇର୍‌ଝୁର୍ ଖେର୍ ଆସ୍ ମାନ୍‌ପାଦ୍ ଡିଡ଼୍; ମେଣ୍ଡେ ମିୟାଦ୍ ଆମ୍‌ସଂଯୋମ୍ ଅବାଦ୍ ସେଙ୍ଗାଡ଼ ଶୟିତାନ୍ ବେଲ୍‌କି ମିକିଙ୍କ୍ ପରିକ୍ଷା ମାଡ଼୍‌ମା କି ଆଦିନ୍ ସେଙ୍ଗେ ମିଡ଼୍ ମେଣ୍ଡେ କାୟଲାର୍ ।

୬ ବାତେଙ୍କ ଇଡ଼କେ ଇଗେ ବାଡ଼ ସାରରେ କେତୁତାନ୍ ଆଦ୍ ନାନ୍ ଗର୍ ଇଡ଼ତାଲେକେଡ଼ କେଲ୍‌ଝାକର୍ ପରାମର୍ ଇଡ଼ତେଲେକେଡ଼ କେତାମୁନ୍‌ତାନ୍ ।

୭ ମିକା, ବେଲ୍‌କି ସାରରେ ନାରୁଡ଼ ନା ଲେକେଡ଼ ଆଦତଡ଼, ଇଦ୍ ନାୟାଦ୍ ଇଷ୍ଟାମ୍ । ମାତର୍ ବେନ ଇଦେଲେକାମ୍, ବେନ ଆଦଲେକାମ୍, ସାର୍‌ତେଡ଼ ଇଶ୍‌ରନ୍‌ନୁଞ୍ଜ ଦାନାମ୍ ଦର୍‌କ୍‌ତାନର୍ ।

୮ ବାତେଙ୍କ ଇଡ଼କେ ନାନ୍ ପେଣ୍ଡୁଲ୍ ଆୟ୍‌ଖେରଡ଼୍ ନୁ ରାଣ୍ ଆତେରଡ଼୍ କେତୁତାନ୍, ଅଡ଼୍ ନା ଲେକେଡ଼ ଖେରଣ୍ ମାଡ଼କେ ତାମାକିଙ୍କ୍ ସାୟେ ଆୟେର୍ ।

୯ ଯଦି ଅଡ଼୍‌ମାନ୍ଦେ ପାର୍‌ଝକ୍, ଆଲା ଇଡ଼କେ ପେଣ୍ଡୁଲ୍ ଆୟ୍‌ଝିଡ଼୍; ବାତେଙ୍କ ଇଡ଼କେ ମେନ୍ଦୁଲ୍ ଲାଲ୍‌ସାତାଗ୍ କାଡ଼୍‌ଝାନ୍ ଝିଡ଼୍‌ସି ପେଣ୍ଡୁଲ୍ ଆଦାନାଦ୍ ସାୟେ ।

୧୦ ☆ବାତେଙ୍କ ଇଡ଼କେ ପେଣ୍ଡୁଲ୍ ଆଡ଼ତେ ନଡ଼କିନ୍ ଇଦ୍ ନାୟାଦ୍ ଗର୍ ଆୟ୍‌ୟ, ଇଶ୍‌ରତାଦ୍ ଗର୍, ମୁଡ଼ତେ ମୁଦ୍‌ପାଙ୍କ୍ ବେସୁର୍‌ବା ଝିଡ଼୍‌ସିମାକି,

୧୧ ଯଦି ମାଡ଼ିଡ଼ ଆଲେକେ ଆଦ୍ ଖେରଡ଼୍‌ମାନୀ, ମୁଦ୍‌ପାନ୍ ତଡ଼୍ କାୟଲି । ମେଣ୍ଡେ ମୁଦ୍‌ପାଲ୍ ମୁତେଙ୍କ୍ ବେସୁର୍‌ବା ଝିଡ଼୍‌ସିମାକିଣ୍ ।

୧୨ ବାତେଙ୍କ ଇଡ଼କେ ଇଦ୍‌ରକମ୍ ସାର୍‌ତେଡ଼କ୍ ନାନ୍ କେତୁତାନ୍ ପ୍ରୁ କେଡ଼ଲେ, ଯଦି ବେନ୍ ଦାଦାନ୍ ଅବିଶ୍‌ସତାଦ୍ ମୁଡ଼ତେ ମାନ୍‌ତା, ମେଣ୍ଡେ ଆଦ୍ ଅନ୍‌ସାଙ୍କ୍ ମାନ୍‌ନାଙ୍କ୍ ରାଜି ଆତା, ଆଲା ଇଡ଼କେ ଅଣ୍ଡ୍ ତାଙ୍କ୍ ଝିଡ଼୍‌ସିମାକି ।

☆ ୭:୧୦ ମାଡ଼ିଡ଼ ୫:୩୨; ୧୯:୯; ମାର୍କ ୧୦:୧୧, ୧୨; ଲୁକ ୧୭:୧୮.

୧୩ ମେଣ୍ଡେ ବେଦ ମୁତେନ୍ ବିସ୍ୱାସ କିଞ୍ଚାନଶ୍ଚ ମୁଜାଲ୍ ମାନତଶ୍ଚ, ମେଣ୍ଡେ ଅଶ୍ଚ ତାନ୍ ସାଙ୍ଗ୍ ମାନ୍ୟାନିକ୍ ରାଜି ଆତଶ୍ଚ, ଆଦ୍ ତାନ୍ ମୁଜାନ୍ ଓଡ଼ସ୍ମାକି ।

୧୪ ବାତାଇତକେ ଅବିଶ୍ୱାସତର୍ ମୁଜାଲ୍ ମୁତେନ୍ ସେଙ୍ଗେ ପବିତ୍ର, ମେଣ୍ଡେ ଅବିଶ୍ୱାସ୍ ମୁତେତେ ମୁଜାନ୍ ସେଙ୍ଗେ ପବିତ୍ର; ଆଲା ଆଇଞ୍ଜାମାତକେ ମିଇ ପିଲାଜିଲା ଅପବିତ୍ର ମାନେ, ବାତେଙ୍ଗ୍ ଇତକେ ନିଜାମ୍ ଇଞ୍ଜେ ଇଶ୍ୱରତେ ଗ୍ରହନ୍ ଯୋଗ୍ୟ ଆଦତତ୍ ।

୧୫ ଆଦ୍ ବାତ୍ ଆୟି, ଯଦି ଝେରତ୍ ଅବିଶ୍ୱାସି ଏଲାତ୍, ଆଦିନ୍ କ୍ରିଷ୍ଟ ବିଶ୍ୱାସୀ ମୁଦ୍ପାଲ୍ ବାତେ ତାନାଗାଙ୍ଗ୍ ଝେରେ ଆଦାନକ୍ ଇଚ୍ଛା ମାତୁତୁତ୍, ଆଲାଇତକେ ଝେରେ ଆଇଓଡ଼, କ୍ରିଷ୍ଟ ବିଶ୍ୱାସ୍ତାର ମୁଦ୍ପାଲ୍ ବା ମୁତେ ବେନେ ନିୟମ୍ତେ କାଇଝେ ମାନତତ୍; ଇକେ ଇଶ୍ୱର ମିକିନ୍ ସୁକାମ୍ତେ ବାଦ୍‌କାନଙ୍ଗ୍ କାରଙ୍ଗିମିନ୍ଦେ ।

୧୬ ହୋ ନାଟାତ୍, ନିମ୍ ଯେ ନି ମୁଜାନ୍ ପରିତ୍ରାଣ୍ ମାଇଦିଙ୍ଗ୍ ଆଡ଼ତି, ଇଦ୍ ବାତା ପୁନ୍ଦିଇଲେନ୍ ? ହୋ ମୁଜାଲ୍, ନିମ୍ ଯେ ନି ମୁତେନ୍ ପରିତ୍ରାଣ୍ତ ବାତେଙ୍ଗ୍ ଇତକେ ଆତିନ୍ ଇଦ୍ ବାତା ପୁନ୍ଦିଲିନ୍ ?

କାରଙ୍ଗାନାଦ୍ ଇସାବତେ ବ୍ୟବହାର ମାଡ଼ାଟ୍

୧୭ ଇଶ୍ୱର ବେନଙ୍ଗ୍ ବେଲା ଅନୁଗ୍ରହ ମାଡ଼ିମିନ୍ଦେଶ୍ଚ ନୁ ବେନଙ୍ଗ୍ ବେନଲେକାମ୍ କାରଙ୍ଗାନାଦ୍ ମାଡ଼ିମିନ୍ଦେଶ୍ଚ, ଅନ୍ ଆଦେଲେକାମ୍ ବାଦ୍‌କିଶ୍ଚ ।

୧୮ ସୁନ୍ନତ୍ ଆଡ଼ତେ ପେରକେ ବେନ ଯଦି ଇଶ୍ୱରତେ ତତ୍ ଆହ୍ୱାନ ଜିଝେଦରକିତ୍, ଅଶ୍ଚ ସୁନ୍ନତ୍ ତିଏନ୍ନେତିଙ୍ଗ୍ ଲୋପ୍ ମାଡ଼ାନଙ୍ଗ୍ ଆଲ୍‌ସି ମାଡ଼ମାକିଶ୍ଚ ।

୧୯ ସୁନ୍ନତ୍ ଆଦାନାଦ୍ କି ଅସୁନ୍ନତ୍ ଆଦାନାଦ୍ ମୁକ୍ୟ ବିଷୟ ଆୟ୍‌ୟ, ମାତର୍ ମୁକ୍ୟ ବିଷୟ ଆଦୁତେତେ ଇଶ୍ୱରନ୍ ଗଟ୍ କେଞ୍ଜାନାଦ୍ ।

୨୦ ଇଶ୍ୱରତେ କାରଙ୍ଗାନାଦ୍ ଗ୍ରହନ୍ ମାଡ଼ତେ ଝେଲେ ଅଶ୍ଚ ବେନ୍ ଅବସ୍ଥାତେ ମାଡ଼ତଶ୍ଚ, ଅଶ୍ଚ ଆଲେନେ ମାନିଶ୍ଚ ।

୨୧ ନିମ୍ ବାତା କ୍ରୀତଦାସ ଆସ୍ ଖାସ୍‌ମିନ୍ଦେନି କି ? ଆଲ୍‌ସମାଟ୍; ଯଦି ବେଲାବା ମୁକ୍ତି ଆଦ୍‌ପାଦ୍‌ତିତ୍ ଆଲା ଇତକେ ସୁଜଗ୍ ମେଦ୍‌କାଟ୍ ।

୨୨ ବାତେଙ୍କଈଡ଼କେ ବେନ ପ୍ରବୁନ୍ କାରଙ୍ଗାନାଦ୍ ଦରକି କ୍ରୀତଦାସ ଆସ୍ ପ୍ରବୁନାଗ୍ ଝାସ୍‌ମିନ୍‌ହେନ୍, ଅଣ୍ ପ୍ରବୁନ୍ ମୁକ୍ତ ନାରୁଣ୍, ଆଦେଲେକେମ୍ ବେନ ମୁକ୍ତିଆସ୍ ଝାସ୍‌ମିନ୍‌ହେନ୍, ଅଣ୍ କ୍ରିଷ୍ଟନ୍ କ୍ରୀତଦାସ ।

୨୩ ମିଡ଼୍ ସାରେ ଦାମ୍‌ତେ ମୁକ୍ତି ଆସ୍ ଝାସ୍‌ମିନ୍‌ହେତି ନାରୁଡ଼ ଦାସ୍ ଆଇମାର୍ ।

୨୪ ହୋ ଦାଦାଲତି ନୁ ଏଲ୍‌ୟାସ୍, ଇଶ୍‌ବର୍ ମିକିଂଙ୍କ୍ ଆହ୍‌ସାନ ମାଡାନ୍ ଝେଲେ ମିଡ଼୍ ବେନ୍ ଅବସ୍ଥାତେ ମାଡ଼ତିଡ଼୍ ଆଦ୍ ଅବସ୍ଥାତେ ଇଶ୍‌ବରନ୍ ତଡ଼୍‌ମାନ୍‌ନାଦ୍ ସାୟେ ।

ପେଣ୍ଡୁଲୁ ଆୟିଝେନଡ଼ ନୁ ରାଣ୍ ଆଡ଼ତେ ନଡ଼୍ ସେଙ୍ଗେ ପ୍ରଶ୍ନ

୨୫ ମିଡ଼୍ ପେଣ୍ଡୁଲୁ ଆୟିଝା ବିସୟତେ ପୁନ୍‌ହାନଙ୍କ୍ ଆଲ୍‌ସତିଡ଼୍, ଇଦ୍ ନାକିନ୍ ପ୍ରବୁନ୍‌ସ୍ ବାତା ବା ଗର୍ ଦକ୍ ଲେ; ବାତେଙ୍କ୍ ଈଡ଼କେ ପ୍ରବୁଙ୍କ୍ ଅନୁଗ୍ରହତେ ବିସ୍‌ଝାସ୍ ଆସ୍ ନାନ୍ କେତୁତାନ୍ ।

୨୬ ଇଞ୍ଜେଡ଼ ତିପାଲ୍‌ତାଗାଙ୍କ୍ ନାନ୍ ଆଲ୍‌ସୁତାନ୍ ଯେ, ନାରୁଡ଼୍‌ବେଲା ମିନ୍‌ହେଡ଼୍, କଷ୍ଟ ଝାଡ଼କେ ବାର୍ ଆଲାମାନ୍‌ହାଞ୍ଜାଲ୍ ସାୟେ ।

୨୭ ନିମ୍ ବାତା ମୁତେନ୍ ସାଙ୍ଗ୍ ଆବଦ୍ ? ଆଲାଈଡ଼କେ ମୁକ୍ତ ଆଦାଙ୍କ୍ ସେଙ୍ଗେ ଚେଷ୍ଟା ମାଡ଼ମା । ନିମ୍ ବାତା ମୁତେନାଗାଙ୍କ୍ ମୁକ୍ତ କି ? ଆଲାଈଡ଼କେ ମୁଡ଼ତେ ତାତାନଙ୍କ୍ ଆଲ୍‌ସମା ।

୨୮ ବାତେଙ୍କ୍ ଈଡ଼କେ ଯଦି ନିମ୍ ପେଣ୍ଡୁଲୁ ଆଡ଼ତିନ୍, ଆଲାଈଡ଼କେ ପାପ୍ କିଝିନ୍; ମେଣ୍ଡେ ଯଦି ଲେୟିଝେ ପିକ୍ ପେଣ୍ଡୁଲୁ ଆଡ଼ତା, ଆଲାଈଡ଼କେ ଆଦ୍ ପାପ୍ କିଝି । ମିକା ଇସତର୍ ନାରୁଡ଼୍ ମେନ୍‌ହୁଲ୍‌ତେ କଷ୍ଟ ପାଏମ୍‌ଆତର୍; ମେଣ୍ଡେ ମିଡ଼୍ ଆଗାନ୍‌ସ୍ ଗେଲ୍‌ସାର୍, ଆଦ୍ ନାୟାଦ୍ ଇଛା ।

୨୯ ବାତେଙ୍କ୍ ଈଡ଼କେ ଓ ଦାଦାଲତି ନୁ ଏଲ୍‌ୟାସ୍, ନାନ୍ କେତାନାଦ୍ ଇଦ୍, ସମୟ୍ ସୁଡ଼ର୍, ଆଦିଙ୍କ୍ ବେନଡ଼୍‌କ୍ ମୁଡ଼ତେ ମିନ୍‌ହେ, ଅଡ଼୍ ମୁଡ଼ତେ ଇଲ୍‌ଝାଲେକେଡ଼୍ ମାନିଡ଼୍ ।

୩୦ ମେଣ୍ଡେ ବେନ କେନ୍‌ହୁଡ଼ଣ୍, ଅଡ଼୍ କେନ୍‌ହୁଇଲ୍‌ଝା ଲେକେଡ଼୍ ମାନିଡ଼୍, ବେନ ଝେଡ଼କା ମାଡ଼ତୁଣ୍, ଅଡ଼୍ ଝେଡ଼କା ଇଲ୍‌ଝାନାରୁଡ଼୍ ଲେକେଡ଼୍ ମାନିଡ଼୍; ବେନଡ଼୍‌ଝାମାତଡ଼୍, ଅଡ଼୍ ଅଦିକାର୍ ଇଲ୍‌ଝା ନାରୁଡ଼୍ ଲେକେଡ଼୍ ମାନିଡ଼୍;

୩୧ ମେଣ୍ଟେ, ବେନ ନାରୁଡ଼ ସଂସାରତେ ବିଷୟତାର ମୁଡ଼ି ମାନ୍ଦାନ ଲେକାମ୍ ମାନିଡ଼, ଅଡ଼ ପଇଡ଼ ଇଲ୍ଲେକ୍ସେ ନାରୁଡ଼ ଲେକେଡ଼ ମାନିଡ଼; ବାତେଙ୍କଇଡ଼କେ ଇଦ୍ ବୁଦ୍‌ତାଦ୍ ରୁପ ବାଦ୍‌ଲେମ୍ ଆସମିୟେ ।

୩୨ ବାତେଙ୍କ ଇଡ଼କେ ମିଡ଼ ବେଲା ଆଲ୍‌ସାଞ୍ଜିଡ଼, ନାନ ଇଲା ଆଲ୍‌ସୁତାନ, ଇଦ୍ ନାୟାଦ୍ ଇଚ୍ଛା । ବେନ ପେଣ୍ଟୁଲୁ ଆଇଞ୍ଜାନନ୍, ଅଣ୍ଟ ବେଲା ପ୍ରବୁନାର୍ ନେଲ୍ଲାତଣ୍ ଆତଣ୍ଟ, ଆଦିନ୍‌ମାଇଦିଙ୍କ ପ୍ରବୁନ୍ ବିଷୟ ଆସ୍ ଆଲ୍‌ସାଟ୍;

୩୩ ବାତେଙ୍କ ଇଡ଼କେ ବେନନ୍ ପେଣ୍ଟୁଲୁ ଆଡ଼ତେନନ୍, ଅଣ୍ଟ ବେଲା ତାନ୍ ମୁତେନାର୍ ନେଲ୍ଲାତଣ୍ ଆତଣ୍ଟ, ଆଦିନ୍ ଅଣ୍ଟ ବୁମ୍‌ତେ ବିଷୟ ଆସ୍ ଆଲ୍‌ସାତଣ୍ଟ,

୩୪ ମେଣ୍ଟେ ଅନ୍ ମାନ୍ ବାଗ୍ ଆଦ୍‌ତେ । ପେଣ୍ଟୁଲୁଆୟ୍‌ଞ୍ଜା ନାଟାଙ୍କ ନୁ ପିକି ପ୍ରବୁନ୍ ପବିତ୍ର ପାଡ଼ିୟିତାର୍ ମାନ୍ ଇଦ୍‌ତା, ବାତେଙ୍କ ଇଡ଼କେ ମେନ୍ଦୁଲ୍‌ତେ ନୁ ଆମ୍‌ତେ ଲେକାମ୍ ଆଦ୍ ନିଜେତିଙ୍କ ଇଶ୍ବରତେ ଗାରେ ଡ଼ସ୍‌ର୍ ମାଡ଼ାନଙ୍କ ଆଲ୍‌ସିଡ଼ । ବାତେଙ୍କ ଇଡ଼କେ ବେଦ୍ ପେଣ୍ଟୁଲୁ ଆଡ଼ତା, ଆଦ୍ ବେଲେ ତାନ୍ ମୁଜାନ୍ ମାଇଦିଙ୍କ ନେଲ୍ଲା ମାନ୍‌ତା, ଆଦିନ୍ ମାଇଦିଙ୍କ ବୁମ୍‌ତେ ବିଷୟ ଆସ୍ ଆଲ୍‌ସାଟ୍ ।

୩୫ ମାଇୟାଦ୍ ଲେକେତାଦ୍ ସେଙ୍ଗେ କେତୁତାନ୍ । ମିଇ ଲୋପେ ବାତେବା ନିଷେଦାଞ୍ଜା ଜାରି ନେହେତେନାଦ୍ ନାୟାଦ୍ ଅବିପ୍ରାୟ୍ ଆୟ୍‌ୟ । ମେଣ୍ଟୁନ୍ ପାକେ ମିଡ଼ ବାଡ଼ ବାତେଏ ଆତରଣ ମାଡ଼ି ନିଜେ ନିଜେତିଙ୍କ ଆସାମ୍ ଦ୍ବିଦାର୍‌ତେ ପ୍ରବୁନ୍ ସେବାତେ ସମର୍‌ପନ୍ ମାଡ଼ାଟ୍, ଇଦ୍ ନାୟାଦ୍ ଇଚ୍ଛା ।

୩୬ ପେଣ୍ଟୁଲୁ ନିର୍ବନ୍ଧ ଆଦ୍‌ତାନ୍ ଝେଲେ, ମାନେଇ ଯଦି ଏକ୍‌ ମାଡ଼ିତନ୍ ଯେ ଅନାଦ୍ ବାଗ୍‌ଦତାତେ ନାଟାଡ଼୍ ସେଙ୍ଗେ ଆଦ୍ ଲେକାମ୍ ଆତରଣ ମାଡ଼େପାର୍‌ଞ୍ଜନ୍, ଯଦି ତାନାଦ୍ କାମାବିଲାଷ ନାର୍‌ଗେ ଆଦ୍‌ତେ ନୁ ତାନ୍ ପାକେ ପେଣ୍ଟୁଲୁ ମାଡ଼ିଡ଼େ ପାର୍‌ତନ୍, ଆଲେକେ ତାନାଦ୍ ଇଚ୍ଛା ଲେକାମ୍ ଆଞ୍ଜୁ ପେଣ୍ଟୁଲୁ ମାଡ଼ି । ଇଗେ ବାତେବା ପାପ୍ ଇଲ୍‌ଲେ ।

୩୭ ବାତେଙ୍କ ଇଡ଼କେ ବେନନ୍ ହୃଦୟତେ ତିଆର୍ ମାନ୍‌ତଣ୍ଟ, ବେଲା ଆବଶ୍ୟକତିନ୍ ଆଞ୍ଜକକଟ୍, ମେଣ୍ଟେ ବେନନ୍ ତାନ୍ ଇଷ୍ଟାମ୍‌ତେ ମାଡ଼ାନଙ୍କ ଅଦିକାର୍ ମାନ୍‌ତା, ମେଣ୍ଟେ ବେନ ତାନ୍ ମୁତେନ୍ ପିକିଡ଼,

ଲେକାମ୍ ନେଷତାନଙ୍କ ତାନ୍ ହୃଦୟତାଗ୍ ତିଆର୍ ମାଡ଼ିତଣ୍ଡ, ଅଣ୍ଡ
ସାୟେ କିଡ଼ତଣ୍ଡ ।

୩୮ ଆଦିଙ୍କ ବେନନ୍ ତାନ୍ ଲେୟା ପେଣ୍ଡୁଲୁ କିସିଡ଼ତଣ୍ଡ, ଅଣ୍ଡ ସାୟେ
କିଡ଼ତଣ୍ଡ, ମେଣ୍ଡେ ବେନନ୍ ପେଣ୍ଡୁଲୁ କିସିଡ଼ନ୍, ଅଣ୍ଡ ଗାଟି ସାୟେ
ମାଡ଼ିତଣ୍ଡ ।

୩୯ ମୁଜାଲ୍ ଜିଝୁ ମାୟାନ୍ ଯାକ ମୁଡ଼ତେ ତୃଷତେଲେକାମ୍ ମାନ୍ତା;
ବାତେଙ୍କ ଇଡ଼କେ ମୁଜାଲ୍ ତଲ୍ଲକେ, ଆଲେକ୍ ମୁଡ଼ତେ ପ୍ରବୁନାଗ୍
ବିଶ୍ୱାସି ବେନଙ୍କ ଇଷ୍ଟାମ୍ ଅଂକିଙ୍କ ପେଣ୍ଡୁଲୁ ଆଦଦା ପାଦିତ୍ ।

୪୦ ନା ଇସାବତେ ଅଣ୍ଡ ତାନ୍ ପେଣ୍ଡୁଲୁଆୟୁଖାନଣ୍ଡ ଲେକାମ୍
ମାଡ଼କେ ନେକା ଶ୍ୱେତକିତଣ୍ଡ, ଇଦ୍ ନାୟାଦ୍ କେତାନାଦ୍, ମେଣ୍ଡେ
ନାନ୍ ମେନ୍ ଇଶ୍ୱରନ୍ ଆମ୍ ପାଏମ୍ ଆଡ଼ତାନ୍ ଇଞ୍ଜ ଆଲସାତାନ୍ ।

୮

ଦେୟାକିନ୍ ପାଦ୍‌ସାଦ୍ ବିଷୟତେ ପ୍ରଶ୍ନ

୧ ଦେବପ୍ରସାଦ୍ ବିଷୟତେ ନାୟାଦ୍ ସାୟେଡ୍ ଇଦ୍, ମାନ୍
ସାର୍ବେତଡ଼କ୍ ବୁଦତେ ମିନ୍ଦେ ଇଞ୍ଜ ମିଡ଼୍ କେତୁଡିଡ଼, ମାମ୍ ଆଦ୍
ପୁଡ଼ତମ୍ । ଜ୍ଞାନ୍ ନାରୁଡ଼କ୍ ଆଂକାର୍ ମାଡ଼ିଡ଼, ବାତେଙ୍କ ଇଡ଼କେ
ପ୍ରେମ୍‌ନୁଞ୍ଜ ନିଷ୍ଟା ପୁଟିଡ଼ ।

୨ ଯଦି ବେନ କେଡିତଣ୍ଡ ଅଣ୍ଡ ସୁଦୁର୍ ପୁଡ଼ତଣ୍ଡ । ନିଜାମ୍‌ତେ
ବାଡ଼ ପୁନ୍ଦାନାଦ୍ ମାନ୍‌ତେ ଆଦ୍ ପୁନିଣ୍ଡ । ବେନନ୍ ବାତା ବା
ବିଷୟତେ ଜ୍ଞାନ୍‌ତନ୍ ଇଞ୍ଜ ଆଲ୍‌ସାତଣ୍ଡ, ଆଲାଈଡ଼କେ ଅନାଦ୍ ବେଲା
ପୁନ୍ଦାନିନ୍ଦେ, ଅଣ୍ଡ ଇଞ୍ଜେକଞ୍ଜ ଆଲା ପୁନ୍‌ଇଲେନ୍ ।

୩ ଯଦି ବେନନ୍ ଇଶ୍ୱରଙ୍କ ପ୍ରେମ୍ ମାଡ଼ିତଣ୍ଡ, ଅଣ୍ଡ ନାରୁଡ଼୍ ତାନାକ୍
ପୁଡ଼ ବେନ ଆୟି ଇଶ୍ୱରତିଙ୍କ ପ୍ରେମ୍ ମାଡ଼ିତନ୍ ଅଂକିଙ୍କ ଇଶ୍ୱର ପୁନ୍‌ତଣ୍ଡ ।

୪ ଆଦିଙ୍କ ଦେବପ୍ରସାଦ୍ ତିନ୍ଦାନ୍ ବିଷୟତେ ମାମ୍ ପୁଡ଼ତମ୍ ଯେ
ବୁମ୍‌ତାଗ୍ ଦେୟାକ୍ ଇଞ୍ଜ ବାତେବା ଇଲ୍‌ଲେ, ଅରଡ଼ ଇଶ୍ୱରନ୍ ଶ୍ୱେତସି
ମେଣ୍ଡେ ଇଲ୍‌ଲେ ।

୫ ବାତେଙ୍କ ଇଡ଼କେ ସ୍ୱର୍ଗ କି ବୁମ୍‌ତାଗା ଆୟି ବେନଡ଼କ୍ ଦେୟାକ୍
ଈଞ୍ଜ କେତୁଡ଼, ଯଦି ମିନ୍ଦେଡ଼ ଆଲାଈଡ଼କେତ ନାର୍‌ଗେ ଦେୟାକ୍
ନୁ ନାର୍‌ଗେ ପ୍ରବୁ ମିନ୍ଦେ,

୭ ମାନାକିନ୍ ଅଣ୍ଡୟ ଇଶ୍ବର, ଇଡକେ ବେନ୍ ବାବାନାଗାଙ୍କ ସାରରେ ବିଷୟ ତିୟାର ଆଡତା, ମେଣ୍ଡେ ମାନାଲ୍ ଅନ୍ ମାଇଦିଙ୍କ ମିୟେଲ୍, ମେଣ୍ଡେ ଅଣ୍ଡୟ ପ୍ରୁ, ଇଡକେ ଜିସୁ କ୍ରିଷ୍ଟ, ଅନାଗ୍‌କସ୍ ସାରରେ ବିଷୟ ତିୟାର ଆଡତା, ମେଣ୍ଡେ ଅନାଗ୍‌କସ୍ ମାନାଲ୍ ତିୟାର ଆଡତା ।

୮ ସାର୍ବେତଡକ୍ ଇଡ୍ ସାଡ୍ ପୁନଡ୍; ବାଡେଙ୍କ ଇଡକେ ବେସ୍‌କଡୁଡ୍, ନାରୁଡ୍ ଇଞ୍ଜେକ୍‌ଆନା ଦେୟାକ୍ ମିୟେ ଇଞ୍ଜ ଆଲ୍‌ସି ଦେୟାକିନ୍ ପାର୍‌ସାଦ୍ ତିୟୁତଡ୍, ମେଣ୍ଡେ ତାମାଝ୍ ବିବେକ୍ ଦୁର୍ବଲ୍ ମାୟାନ୍‌କେ ଅପବିତ୍ର ଆତା ।

୯ ବାଡେଙ୍କ ଇଡକେ କାଦି ମାନାକିନ୍ ଇଶ୍ବରନାଗ୍ ଗ୍ରାହ୍ୟ କି ଆଗ୍ରାହ୍ୟ କିଝ୍; ବା ଆସୁନ୍ ମାନାକିନ୍ କ୍ଷତି ଆୟ୍‌ୟ, କି ତିଡକେ ମାନାକିନ୍ ଲାବ୍ ଆୟ୍‌ୟ ।

୧୦ ବାଡେଙ୍କ ଇଡକେ ସାବ୍‌ଦାନ୍, ଇଡକେ ମିୟାଦ୍ ଇଡ୍ ସ୍ବାଦିନତା କାମ୍‌ଜୁର୍ ନାରୁଡକ୍ ରାଲାନାଦ୍ ବାଡେଙ୍କ ଇଡକେ ଆତା ।

୧୧ ବାଡେଙ୍କ ଇଡକେ ଜାନି ଯେ ମିଡ୍, ମିକିନ୍ ଯଦି ବେନ ଗୁଡିୟଦାଗ୍ ତିୟାନାଗ୍ କୁଦିମାୟାନାଗ୍ ଉଡିତଣ୍ଡ, ଆଲେକ୍ ଅଣ୍ଡ ଦୁର୍ବଲ୍ ବିଶ୍ବାସୀ ଆସ୍‌ମାଡକେ ଅଣ୍ଡ ବାତା ମନ୍ଦିର୍‌ତାଦ୍ ବଗ୍ ତିୟାନଙ୍କ ସାହାସ୍ କିଝ୍‌ଣ୍ଡ କି ?

୧୨ ଆଦିଙ୍କ ବେନ୍ ଦୁର୍ବଲ୍ ଦାଦାଲ୍ ମାଇଦିଙ୍କ କ୍ରିଷ୍ଟ ଡଲ୍‌ଲିଆଡତଣ୍ଡ, ଅଣ୍ଡ ମିଇ ଜାନ୍ ତଡ୍‌ନଷ୍ଟ ଆଦୁତନ୍ ।

୧୩ ଇଦେଲେକାମ୍ ଦାଦାଲଡ୍ ବିରୁଦ୍‌ଡେ ପାପ୍ କିସ୍ ନୁ ଅଡାଦ୍ ଦୁର୍ବଲ୍ ବିବେକ୍‌ତିନ୍ ରେସ୍‌ମିକା ମିଡ୍, କ୍ରିଷ୍ଟନ୍ ବିରୁଦ୍‌ଡେ ପାପ୍ ମାଡୁଡୁଡ୍ ।

୧୪ ମେଣ୍ଡେ ଯଦି କାଦ୍ୟଦ୍ରବ୍ୟ ନା ଦାଦାନ୍ କାରାପ୍ ମାଡୁଡୁ, ଆଲେକେ ମା ଦାଦାଲ୍ ବେଲା ନା ତଡ୍ କାରାପ୍ ଆୟ୍‌ଝାକି, ଇଦିନ୍‌ମାଇଦେ ନାନ୍ ବେସୁଙ୍କ୍‌ବା ଆଝୁଙ୍କ୍ ତିନନ୍ ।



ପ୍ରେରିତଡ୍ ଅଦିକାର୍ ନୁ ପାଡିୟ

୧ ନାନ୍ ବାତା ସ୍ବାଦିନତା ଆୟନ୍ ? ନାନ୍ ବାତା ଅରନ୍ ପ୍ରେରିତ ଆୟନ୍ ? ନାନ୍ ବାତା ମାନ୍ ପ୍ରବୁଙ୍କ ଉଡ଼ିଲେନ୍ ? ମିଡ଼୍ ବାତା ପ୍ରବୁନାଗା ମାଡ଼ତେ ପାଡ଼ିୟ ଆୟନ୍ ?

୨ ଯଦ୍ୟପି ନାନେ ପ୍ରେରିତ ନଡ଼ାଗାଙ୍କ ଆରନ୍ ରଅତେନନ୍ ଆୟନ୍, ମିକା ମିୟାଗ୍ ନିଜାମ୍ ରଅତେନନ୍, ବାତେଙ୍କିକଡ଼କେ ପ୍ରବୁନାଗ୍ ମିଡ଼୍ ନାୟାଦ୍ ରଅତାନଶ୍ ଇଞ୍ଜ ଗ୍ରହନ୍ ମାଡ଼ାଟ୍ ।

୩ ନା ସମାଲୋଚକ ନାରୁଡ଼କ୍ ନାୟାଦ୍ ଇଦ୍ ଉଉର୍ ।

୪ ଡିନ୍ଦାଙ୍କ ଉନ୍ଦାଙ୍କ ବାତା ମାୟାଦ୍ ଅଦିକାର୍ ଇଲ୍ଲେ ?

୫ ବାଗାଡ଼ ସାରରେ ପ୍ରେରିତନଡ଼୍, ପ୍ରବୁନ୍ ଦାଦାଲର୍ ନୁ ଏଲ୍ଲାୟ୍, କୈଫାନ୍ ଲେକେଡ଼ ବିଶ୍ବାସତାଦ୍ ମୁଡ଼ତେ ପେଣ୍ଡୁଲୁ ଆସ୍ ସାଙ୍ଗେ ପଇସ୍ ଉଡ଼ାନଙ୍କ ବାତା ମାକିନ୍ ଅଦିକାର୍ ଇଲ୍ଲା ?

୬ କି ବାଦକାନଡ଼ାଦ୍ ପାଡ଼ିୟ ଝିଡ଼ସାନଙ୍କ ବାତା ନାୟାଦ୍ ନୁ ବର୍ଣ୍ଣବନାଦ୍ ଅଦିକାର୍ ଇଲ୍ଲା ?

୭ ବେନନ୍ ନିଜେ କର୍ସତେ ବେସୁଙ୍କ ସୈନିକ ବୃତ୍ତି ଇଦ୍ତଣ୍ ? ବେନନ୍ ଦ୍ରାକ୍ଷାକ୍ଷେତ୍ର ମାଡ଼ି ଆଗାତାଞ୍ ପାଣ୍ଡି ତିନନ୍ ? ବା ବେନ ପଶୁମାନ୍ଦା ପଡ଼ପି ପଶୁନାଦ୍ ପାଲ୍ ଉନନ୍ ?

୮ ନାନ୍ ନାରୁନ୍ଡ଼ ଇସାବତେ ବାତା ଇଞ୍ଜସାର୍ ମାଜା କେତୁତାନ୍ ? ବ୍ୟବସ୍ଥା ମେଣ୍ଡେ ବାତା ଇଞ୍ଜସାର୍ ମାଜା କେଲ୍ କି ?

୯ ☆ବାତେଙ୍କି ଇକେ ମୋଶାନ୍ ବ୍ୟବସ୍ଥାତେ ଇଲ୍ଲେ ଲେକାମିନ୍ଦେ, କଟାମ୍ତାଗ୍ ଉଡ଼ାନ୍ କନ୍ଦେଡ଼ ମୁର୍ତ୍ତାଗ୍ ମୁରସୁଲ୍ ତଅମାଟ୍ । ଇଶ୍ବର ବାତା କନ୍ଦା ବିଷୟତେ ଆଲ୍‌ସିତଣ୍ ?

୧୦ ଅଣ୍ଡ ବାତା ମାନ୍ ମାଇଦିଙ୍କ ଇଦ୍ କେଲୋନ୍ କି ? ହୁଁ ମାନ୍ ମାଇଦିଙ୍କ ଇଦ୍ ଲେକ୍ତାଦ୍ ମିନ୍ଦେ, ବେଲାକି ବେନନ୍ ଉଡ଼ିଦିତଣ୍, ଆସା କିସ୍ ଅର୍ ଉଡ଼ିଦା ଝେଇଡିଡ଼, ମେଣ୍ଡେ ବେନଣ୍ଡ କଟାମ୍ ଝାଟାତଣ୍, ବାଗ୍ ଦର୍ଜାନ୍ ଆଶାତେ ଅନାଦ୍ କଟାମ୍ ଝାଟାନ୍ ମିନ୍ଦେ ।

୧୧ ☆ଯଦି ମାମ୍ ନି ମାଇଦିଙ୍କ ପାରମାତ୍ମକ ଝିଜେ ଝିଡି ମିନ୍ଦେମ୍, ଆଲେକ୍ ମିୟାଦ୍ ଐହିକ କେଡ଼ ବାତା ଗୁରୁଡ଼ ବିଷୟ ?

୧୨ ଯଦି ଅରୁଡ଼ଡ଼ାଗାଙ୍କ ମିଡ଼୍ କାଇଲ୍‌ତେନଡ଼୍ ଆଦତିଡ଼, ଆଲେକ୍ ମାମ୍ ବାତା ନେକାନାଲ୍‌ଗେ ଆୟନ୍ ? ମିକା ମାମ୍‌ମେ ଆଦ୍ ଅଦିକାର୍

ବ୍ୟବହାର କିଦିଅଲେମ୍; ବାତେଙ୍କ ଇଡ଼କେ ବେଲାକି ମାମ୍ମେ କ୍ରିଷ୍ଟନ୍ ନେଲ୍ଲା କାବୁରତାଗ୍ ବେଲେବା ଆତାମ୍ ଆୟମ୍, ଇଦିନ୍ ମାଇଦିଙ୍କ ସାରରେ ସାରେ ମାଡ଼ତୁମ୍ ।

୧୩ ବେନଡ଼୍ ମନ୍ଦିରତାଗ୍ ସେବା ମାଡ଼ତୁଡ଼୍, ଅଡ଼୍ ଯେ ମନ୍ଦିରନ୍ତୁ କାଦି ଦକ୍ ଡା, ମେଣ୍ଟେ ବେନଡ଼୍ ବେଦିନାଗ୍ ସେବା ମାଡ଼ାନଙ୍କ ମାନ୍ତଡ଼୍, ଅଡ଼୍ ଯେ ବେଦିନାଗ୍ କାଇଲିତଡ଼୍, ଇଦ୍ ବାତା ପୁନ୍ଡ଼ିଡ଼୍ କି ?

୧୪ ☆ଆଦେଲେକାମ୍ ବେନଶ୍ ସାୟେ କାବୁର କେଡିତଶ୍, ଅଡ଼୍ ଯେ ସାୟେ କାବୁର ତଡ଼୍ ବାଦକାତଡ଼୍, ଇଦ୍ ପ୍ରବୁ କେସ୍ମିୟେ ।

୧୫ ବାତେଙ୍କଇକେ ନାନ୍ ଇସ୍ତୁ ସାରରେ ବିଷୟ ବ୍ୟବହାର ମାଡ଼ନ୍, ମେଣ୍ଟେ ନା ସେଙ୍ଗେ ଯେ କିଡ଼ତଡ଼୍, ଇଦିନ୍ ମାଇଦିଙ୍କ ନାନ୍ ଇସ୍ତୁସାରେ ଲେକନ୍; ବାତେଙ୍କଇଡ଼କେ ବେନ ନାୟାଦ୍ ଇଦ୍ ଦର୍ପ ମାଡ଼ାନ୍ ଓଡ଼ିସି ବେଲାନ୍ ନାୟାଦ୍ ଡିଲାନାଦ୍ ସାୟେ ।

୧୬ ସୁସମାଚାର ପ୍ରଚାର ମାଡ଼ତୁନ୍ ଇଞ୍ଜ ନାୟାଦ୍ ପ୍ରସଂଶା ମାଡ଼ାନାଦ୍ ବାଡ଼ ବାତେଙ୍କ ଇଡ଼କେ ଇଲ୍ଲେ । ଇଦ୍ ଦାୟିତ୍ବ ପାଲନ୍ ମାଡ଼ାନ୍ ସେଙ୍ଗେ ନାନ୍ ଗର୍ ପାଏମ୍ ଆଡ଼ତାନ୍ । ଆଦିଙ୍କ ସୁସମାଚାର ପ୍ରଚାର ମାଡ଼ଖେ ମାଡ଼କେ ନାକିଙ୍କ ଦଶ୍ତୁଆଦତେ ।

୧୭ ନିଜେଡ଼୍ ମାନ୍ତେ ଇଦ୍ ପାଡ଼ୟି ମାଡ଼କେ, ନାନ୍ ପୁରସ୍କାରତିଙ୍କ କେପି ମାନେନ୍, ଇଡ଼କେ ଇଶ୍ବର ନା ପରର ଇଦ୍ ଦାୟିତ୍ବ ଇସ୍ତମାୟାନ୍ ମାୟିଦିଙ୍କ ଇଦ୍ ମାଡ଼ାନାଦ୍ ନାୟାଦ୍ ପାଡ଼ୟି ।

୧୮ ଆଲେକେ ନାନ୍ କି ପୁରସ୍କାର ପାଏମ୍ ଆଡ଼ତାନ୍ ? ସାରେତଡ଼୍ ଗାରରେ ଓଡ଼ିସି ମୁଲ୍ୟବାନ୍ ସୁସମାଚାର ପ୍ରଚାର ସେଙ୍ଗେ, ଇଦ୍ ନାୟାଦ୍ ପୁରସ୍କାର । ଆଦିନ୍ ସେଙ୍ଗେ ସୁସମାଚାର ପ୍ରଚାର ମାୟିଦିଙ୍କ ନାନ୍ ବାଡ଼ମିକା ସୁଯୋଗ୍ ସୁବିଦା ପାଏମ୍ ଆଡ଼ତାଙ୍କ ମାଇଦିଙ୍କ ନାନ୍ ବାତେବା ଆଶେ ମାଡ଼ନ୍ ।

୧୯ ନାନ୍ ଖେରଶ୍ ସାଦିନ୍ ନାରୁନ୍, ବେନ ଆସତେ ଦାସ ଆୟନ୍, ଆଗେକ୍ବା କ୍ରିଷ୍ଟନାଗ୍ ସାରେତଡ଼୍ ଲାବ୍ ପାଏମ୍ ଆଦାନ୍ ସେଙ୍ଗେ ନାନ୍ ସାରେତଡ଼୍ ଖାଦ୍ ଦାସ ଆଡ଼ତାନ୍ ।

୨୦ ଇହୁଦୀନତ୍ କ୍ରିଷ୍ଟନ୍ନାଗେ ଲାବ୍ ପାଏମ୍ ଆଦାନ୍ ସେଙ୍ଗେ ନାନ୍ ଅତ୍ ତତ୍ ଇହୁଦୀ ଲେକାମ୍ ବ୍ୟବହାର୍ ମାଡ଼ୁତାନ୍ । ମୋଶାନ୍ ନିୟମ୍ ପାଲନ୍ ମାଡ଼ାନତ୍ତକିଙ୍କ୍ ପାଏମ୍ ଆଦାନ୍ ସେଙ୍ଗେ ନାନ୍ ବାଡ଼ଆଇ ନିୟମ୍ ପୟ୍‌କେକଟ୍ ନିୟମ୍‌ତାଗ୍ ମାନ୍ଦାନ୍ ଲେକାମ୍ ବ୍ୟବହାର୍ ମାଡ଼ୁତାନ୍ ।

୨୧ ଆଦେରକମ୍ ଅଣଇହୁଦୀତ୍ ପାଏମ୍ ଆଦାନ୍ ସେଙ୍ଗେ ନାନ୍ ଅତ୍ ଲୋପେ ପାଡ଼ୁୟି ମାଡ଼ାନକ୍ଷେଲେ ଅଣଇହୁଦୀତ୍ ଲେକାମ୍ ନିୟମ୍‌ତେ ବାୟିଦେ ବ୍ୟବହାର୍ ମାଡ଼ୁତାନ୍ । ଇଦିନାଦ୍ ଇଡ଼କେ ଆୟ୍‌ୟ ଜେ, ନାନ୍ ଇଶ୍ବରତେ ନିତାନିୟମ୍ ପାଲନ୍ ମାଡ଼ନ୍ । ନିଜାମ୍‌ତେ ନାନ୍ କ୍ରିଷ୍ଟନ୍ ନିୟମ୍‌ତାଗ୍ ମିନ୍ଦେନ୍ ।

୨୨ ବେନତ୍ ବିଶ୍ବାସତାଗ୍ ଶାତ୍‌ଖାମ୍ ଇଲ୍‌ଲେ, ଅଡ଼କିଂଙ୍କ୍ ପାଏମ୍ ଆଦାନ୍ ସେଙ୍ଗେ ନାନ୍ ଅତ୍ ଲେକାମ୍ ଆଡ଼ତାନ୍ । ବେଲାମେଣ୍ଟେ ଆୟି ଅଡ଼କିଂଙ୍କ୍ ଗେଲ୍‌ସ୍ତାନ୍ ମାୟ୍‌ଦିଙ୍କ୍ ନାନ୍ ସାରେ କ୍ଷେରେ ଲେକାମ୍ ବ୍ୟବହାର୍ ଆଚରଣି ମାଡ଼ୁତାନ୍ ।

୨୩ ନାନ୍ ସୁସମାଚାର୍ ପ୍ରଚାର୍ ମାଡ଼ି, ଇଦିନାଗାଙ୍କ୍ ଆଶି ବାଦ୍ ପାଏମ୍ ଆଦାନ୍ ଅଂଶି ଆଦାନ୍ ସେଙ୍ଗେ ଇଞ୍ଜୁ ସାରରେ ମାଡ଼ିତାନ୍ ।

୨୪ ମିଡ଼ ବାଡ଼ ପୁନ୍‌ଡ଼ିଡ଼ ଜେ, କାର୍‌ସାନାଗ୍ ନାରଗେ ମୁଲ୍ ବାଗ୍ ଆଦତଡ଼, ଇଡ଼କେ କ୍ଷେରଣ୍ଟେ ପୁରସ୍କାର୍ ପାଏମ୍ ଆଦତନ୍ ? ମିଡ଼, ଇଦ୍‌ରକମ୍ ମିରାଟ୍, ବେଲାକି ପୁରସ୍କାର୍ ପାଏମ୍ ଆଦତିଡ଼ ।

୨୫ କାର୍‌ସାନତ୍ ଟ୍ରେନିଂ କ୍ଷେଲେ ସାରରେ ବିଷୟ୍ ସାୟେ ବ୍ୟବହାର୍ ମାଡ଼ିତଡ଼ । ଅତ୍ ନଷ୍ଟଆଦାନାଦ୍ ସହଜ୍ ପାଏମ୍ ଆଦାନ୍ ସେଙ୍ଗେ ଇଦ୍‌ରକମ୍ ମାଡ଼ିତଡ଼ । ଇଡ଼କେ ମାନାଡ଼ ତେରୁଖାଦ୍ ସହଜ୍ ପାଏମ୍ ଆଦାନ୍ ସେଙ୍ଗେ ଇଦ୍‌ରକମ୍ ମାଡ଼ିତାଡ଼ ।

୨୬ ଆଦିନ୍ ସେଙ୍ଗେ ନାନ୍ ସିଦା ଏଞ୍ଜୁଦାନ୍ ବକେଡ଼ ମିରିତାନ୍, ନାନ୍ କ୍ଷେରଣ୍ଟ ମୁଷ୍ଟି ବୀର ଲେକାମ୍ ନାନ୍ ନିଜେଡ଼ ମୁଟେତେ ରେଏତାନଙ୍କ୍ ଆସାମ୍ ଡ଼ିଡ଼ସାନଙ୍କ୍ ମାନ୍ ମାଡ଼ନ୍ ।

୨୭ କ୍ଷେରେ ନାରୁଡ଼ାଗ୍ ସୁସମାଚାର୍ ପ୍ରଚାର୍ ମାଡ଼ିମାଡ଼କେ ଗାଲା ନାନ୍ ନିଜେ ବେଲାକି ପିନ୍ଧ ଆୟନ୍, ନାନ୍ ତିପାଲ୍ ମାଡ଼ି ମେନ୍ଦୁଲ୍‌ତିଙ୍କ୍ ତୁଟାଙ୍କ୍ ମାଡ଼ୁତାନ୍ ନୁ ନିଜେଡ଼ ଗଟ୍‌ତେ ମାଡ଼ି ନେଷଏତାନ୍ । ବାତେଙ୍କ୍‌କେ ବାଗାତଡ଼ ପାକେ ସୁସମାଚାର୍ ପ୍ରଚାର୍ ମାଡ଼ିମାଡ଼କେ ମିକା ନାନ୍ ନିଜେ ଆଗ୍ରାହ୍ୟ ଆୟନ୍ ।

୧୦

ପୁତ୍ରଲୀଙ୍କ ବିରୁଦ୍ଧେ ସତର୍କତା

୧ ଦାଦାଲୀତି ନୁ ଏଲୀୟା ନଡ଼ି ମୋଶାନ୍ ପେରକେ ଆଞ୍ଜ ମାନ୍ ଆନିଦାଦିତ୍ ବାଡ଼ ଗଟେମ୍ ଆସ୍ମାତ୍ତତ୍, ମିଡ଼୍ ଆଦ୍ ଏର୍କା ମାଡ଼ାଟ୍, ଇଦ୍ ନାୟାଦ୍ ଇଚ୍ଛା । ଅଡ଼୍ ସାର୍ରେତଡ଼୍ ମାବ୍ ତଡ଼୍ ଲେକାମ୍ ମାଡ଼ତଡ଼୍, ନେତୁର୍ ବେଡେଡ଼୍ତିଙ୍କ୍ ତିପାଲ୍ ଆୟ୍ସେ ଜିଡ଼୍ତଡ଼୍ ।

୨ ମୋଶାନ୍ ପେରକେ ଆଦାନଡ଼୍ ଲେକାମ୍ ଅଡ଼୍ ସାର୍ରେତଡ଼୍ ମାବ୍ ନୁ ବେଡେଡ଼୍ତାର୍ ଏରଦିକ୍ୟା ପାଏମ୍ ଆସ୍ମାତ୍ତତ୍ ।

୩ ଅଡ଼୍ ସାର୍ରେତଡ଼୍ ଅଣ୍ଡୟ୍ ଆମ୍ବାତେ କାଦି ନୁ ଉୟାନାଦ୍ ଗ୍ରହନ୍ ମାଡ଼ିମାଡ଼ତଡ଼୍,

୪ ବାଡେଙ୍କିଇଡ଼କେ ଅଡ଼୍ ତଡ଼୍ ଚାଲେମ୍ ଆଦାନ ଦାର୍ମାମ୍ ଉପାୟତଡ଼୍ ଅଡ଼୍ କାଲ୍ ଉଞ୍ଜ ମାଡ଼ତଡ଼୍, ମେଣ୍ଡେ ଆଦ୍ କାଲ୍ ଆଦୁତନ୍ ନିଜେ କ୍ରିଷ୍ଟ ।

୫ ଆଗେକ୍ବା ଇଶ୍ବର ଅଡ଼୍ ସାର୍ରେତଡ଼୍ ସେଙ୍ଗେ ଶାନ୍ତି ଇଲ୍ଲେମାଡ଼ତଡ଼୍ । ଆଦିଙ୍କ୍ ଅଡ଼ାଦ୍ ତଲ୍ତେ ମେନ୍ଦୁଲ୍ ଉଡ଼କନେଲ୍ତାର୍ ଏକାମ୍ ଆସ୍ ରାୟିମାଡ଼ତା ।

୬ ଅଡ଼୍ ଲେକାମ୍ କାରାପ୍ ଚିତ୍ତେ ମାଡ଼ାନାଦ୍ ଆୟ୍ସୟ୍ କି ଇଞ୍ଜୁ ସାର୍ରେ ଖେଷଡ଼୍ ଇନା ଆସ୍ ମାନ୍ ଏର୍କା ଇଦୁଡ଼୍ ।

୭ ଅଡ଼୍ ଲୋପେଙ୍କ୍ ବେସ୍କଡ଼୍ତଡ଼୍ ପୁତ୍ରଲୀମ୍ ପୂଜେ ମାଡ଼ାନାଦ୍ ଆୟ୍ସୟ୍, ଦର୍ମଶାସ୍ତ୍ରତାର୍ ଲେକ୍ତାଦ୍ ମିନ୍ଦେ, “ନାରୁଡ଼୍ ତିୟାନଙ୍କ୍ କୁଦତଡ଼୍ ନୁ ତାନ୍ପେକେ ତେଦି ମୂର୍ତ୍ତି ପୂଜା ପାଡ଼୍ତୟି ମାଡ଼ାନଙ୍କ୍ ପସ୍ପଡ଼୍ତଡ଼୍ ।”

୮ ଅଡ଼୍ ଲୋପେଙ୍କ୍ ବେସ୍କଡ଼୍ତଡ଼୍ ବେବିଚାର୍ ମାଡ଼୍ତାଙ୍କ୍ ଖେରଡ଼୍ ଦିନେତେ ତେଇସ୍ ହଜାର୍ ନାରୁଡ଼୍ ତଲ୍ତଡ଼୍ । ଆଦ୍ ରକମ୍ ପାପାମ୍ ମାଡ଼୍ଡାଡ଼୍ ।

୯ ଅଡ଼୍ ଲୋପେଙ୍କ୍ ବେସ୍କଡ଼୍ତଡ଼୍ ପ୍ରବୁନ୍ ପରିକ୍ଷା ମାଡ଼ି ତାଡ଼ାମ୍ କାସି ତଲ୍ତଡ଼୍ । ମାନାଡ଼୍ ଆଦ୍ ଲେକାମ୍ ପ୍ରବୁଙ୍କ୍ ପରିକ୍ଷା ମାଡ଼ାନାଦ୍ ଆୟ୍ସୟ୍ ।

୧୦ ଅଡ଼, ଲୋପେଙ୍କ ବେସକତୁଡ଼, ଇଶ୍ବରତିଙ୍କ ବିରୁଦ୍ଧ ମାଡ଼ି ଆସ୍ତ୍ରକାନାଦ୍ ଦୃଢ଼ତତ୍, ଦଂସ ଆଦତତ୍ । ମିଡ଼, ଆଦଲେକାମ୍ କପାମ୍ ଗଟି କେଲମାର୍ ।

୧୧ ଅଡ଼, ସେଙ୍ଗେ ଇଦ୍ ସାରରେ ଗର୍ବନା ଝେରେନାରୁଡ଼ାଦ୍ ଝେଷଡ଼, ଇନା ଆଡ଼ତେ ନୁ ମାନ ସତର୍କ୍ ମାଡ଼ାନ ସେଙ୍ଗେ ଆସ୍ତ୍ର ଲେକାଆଡ଼ତା । ବାତେଙ୍କଇଡ଼କେ ମାନାଡ଼, ଯୁଗ୍ ତେରାନଝେଲେ ବାଦକୁତାଡ଼ ।

୧୨ ବେନ ଗାଡ଼ସ୍ ଇଞ୍ଜ ଆଲସିତିଡ଼, ଅଣ୍ଟ ସାବଦାନ ମାନୁର୍ । ଅନାଦ୍ ବେଲା ରାଲି ଆନମାକିଣ୍ଟ ।

୧୩ ମିଡ଼, ବେନ୍ ପରିକ୍ଷା ଇଡ଼ତିଡ଼, ନାରୁଡ଼, ଗାଲା ଆଦେରକମ୍ ପରିକ୍ଷା ଇସ୍ମାନତଡ଼, ଇଡ଼କେ ଇଶ୍ବର ତାନ ପ୍ରତିଜ୍ଞାତାଗ୍ ବିଶ୍ବାସ୍ ମିନ୍ଦେଣ୍ । ଅଣ୍ଟ ମିକିଂଙ୍କ ମିୟାଦ୍ ଗାଡ଼ଝାମ୍ତେ ବାୟିଦେ ପରିକ୍ଷା ଇଦାନଙ୍କ ଇଝଣ୍ । ମିଡ଼, ପରିକ୍ଷା ଇଦାନଝେଲେ, ଗାଡ଼ସ୍ ଆଦାନଙ୍କ ଇଶ୍ବର ମିକିଂଙ୍କ ଗାଡ଼ଝାମ୍ ଇଦତଣ୍ ନୁ ମୁକ୍ତିତେ ଆର୍ତ୍ତ ତଅସିଦତଣ୍ ।

୧୪ ଆଦିଙ୍କ ହୋ ପ୍ରିୟ ସାଙ୍ଗଡ଼ି, ମିଡ଼, ପୁଡ଼ଲାମ୍ ପୁଜା ବନ୍ଦ୍ ମାଡ଼ାର୍ ।

୧୫ ମିକିଂଙ୍କ ବୁଦ୍ଧନାରୁଣ୍ଟ ଇଞ୍ଜ ନାନ ଇଦ୍ କେଡୁତାନ, ନାନ ବାଡ଼ କେଡୁତାନ, ଆଦିଙ୍କ ଆଲସାର୍ ।

୧୬ ☆ପ୍ରବୁବୋଜ୍ତାଗ୍ ମାନାଡ଼, ବେନ୍ ଉନ୍ଦାନାଦ୍ ଗିନେ ବ୍ୟବହାର୍ ମାଡ଼ିତାଡ଼, ଆଦିନ୍ ସେଙ୍ଗେ ମାନାଡ଼, ଇଶ୍ବରତିଙ୍କ ଦନ୍ୟବାଦ୍ ଇଦତାଡ଼ । ଇଦ୍ ଉନ୍ଦାନ ଗିନେତାଗାଙ୍କ ଉନ୍ଦାନ ଝେଲେ ମାନାଡ଼, କ୍ରିଷ୍ଣନ୍ ନେଡୁରତାଗ୍ ବାଗି ଆଦତାଡ଼ । ମେଣ୍ଟେ ରୁଟି ଉହୁସ୍ ତିଡ଼କେ କ୍ରିଷ୍ଣନ୍ ମେନ୍ଦୁଲତାଗ୍ ବାଗି ଆଦତାଡ଼ ।

୧୭ ମାନାଡ଼, ନାରଗେ ଆଡ଼କେ ଗାଲା ରୁଟି ଅଣ୍ଟୟ ଆଡ଼ତାଙ୍କ୍ ମାନାଡ଼, ଝେରଡ଼, ମେନ୍ଦୁଲ୍ ଆଦତାଡ଼, ବାତେଙ୍କଇଡ଼କେ ମାନାଡ଼, ସାର୍ରେତଡ଼, ଆଦ୍ ଅଣ୍ଟୟ ରୁଟିତାଗ୍ ପାଲକିନ୍ ସେଙ୍ଗେ ଆଦତାଡ଼ ।

୧୮ ଇସ୍ରାୟେଲ୍ ନାରୁଡ଼ତେ ଗର୍ ଆଲସାର୍ । ଅଡ଼, ଲୋପେଙ୍କ ବେନଡ଼, ପୁଜତାସ୍ତ୍ର ଆଉଙ୍କ୍ ତିନ୍ତଡ଼, ଅଡ଼, ବାଡ଼ ବେଦିଡ଼ ଉପାସନାତାଗ୍ ପାଲକ୍ ଆୟଡ଼, କି ?

୧୯ ଆଲେକେ ନାନ ବାଡ଼ କେଡୁତାନ ଜେ, ପୁଡ଼ଲାମ୍ ନୁ ତାଙ୍କ୍ ଇଡ଼ତେ ପୁଜତାଦ୍ ବାଡ଼ ମୁଲ୍ୟ ମିନ୍ଦେ ?

୨୦ ଇଲ୍ଲଲେ, ବେସୁଟ୍ ଆୟ୍ଯୟ । ନାୟାଦ୍ କେତାନାଦ୍ ଇଡ଼କେ ଆଦୁଡ଼ତେ ଜେ, ପୁଡ଼ଲାନ୍ ପୁଜାମାଡ଼ାନଡ଼ ଇଡ଼ତେ ବଲି ଇଶ୍ବରତେ ମାୟ୍ଯଦିଙ୍କ୍ ଆୟ୍ଯୟ, ଆଦ୍ ଶୟ୍ଯତାନଡ଼ତେ ମାୟ୍ଯଦିଙ୍କ୍ ଇଡ଼ତାଦ୍ । ଶୟ୍ଯତାନ୍ ତଡ଼୍ ମିୟାଦ୍ ବାଡ଼ଆଇ ସମ୍ବନ୍ଧ ମାନୀ ଇଞ୍ଜ ନାନ୍ ଇଚ୍ଛା ମାଡ଼ନ୍ ।

୨୧ ପ୍ରବୁ ନୁ ବୁଡ଼, ଇରଞ୍ଜୁଡ଼ାଦ୍ ଉନ୍ୟାନ୍ ଗିନେତାଗାଙ୍କ୍ ମିଡ଼୍ ଉନ୍ୟାନଙ୍କ୍ ପାରଞ୍ଜିଡ଼୍ । ପ୍ରବୁ ନୁ ବୁଡ଼, ଇରଞ୍ଜୁଡ଼ାଦ୍ ଟେବୁଲ୍ତାଗ୍ ମିଡ଼୍ ବାଗ୍ ଆଦାନଙ୍କ୍ ପାରଞ୍ଜିଡ଼୍ ।

୨୨ ମାନାଡ଼ ବାଡ଼ ପ୍ରବୁନ୍ ମନ୍ତାଗ୍ ଇର୍ଷା ପୁଟ୍ସିତାଡ଼୍? ମାନାଡ଼ ବାଡ଼ ଇଶ୍ବରତାଗାଙ୍କ୍ ନାରଗେ ଶାଡ଼ଞ୍ଜାମ୍ତଡ଼୍?

୨୩ ☆ଅଡ଼ କେଡୁଡ଼ଡ଼, “ସାରରେ ମାଡ଼ାନ୍ ସେଙ୍ଗେ ମାନ୍ ଅଦିକାର୍ ମିୟେ ।” ନିଜାମ୍ ଗଟ୍, ଇଡ଼କେ ସାରରେ ବିଷୟ ଲେକେତାସ୍ତୁ ଆୟ୍ଯୟ । ମାନାଡ଼ ସାରରେ ମାଡ଼ାଙ୍କ୍ ପାର୍ଦ୍ଦତାଡ଼, ଇଡ଼କେ ସାରରେ ବିଷୟ ସାୟେ ଆୟ୍ଯୟ ।

୨୪ ମାତର୍ ନିଜେଡ଼ ସ୍ବାର୍ତ୍ତ ସେଙ୍ଗେ ମାନ୍ ଇଞ୍ଜକନ୍, ସାର୍ରେଡ଼ଡ଼ ଅନ୍ନାରୁଡ଼ତେ ସ୍ବାର୍ତ୍ତ ସେଙ୍ଗେ ମାଡ଼ାନାଦ୍ ସାୟେ ।

୨୫ ବିବେକ୍ତିଙ୍କ୍ ସାୟେ ନେଃସତାନ୍ ସେଙ୍ଗେ ବାଡ଼ବା ପାତ୍ରା ମାଡ଼ଞ୍ଜେ ଆଟିନାଗ୍ ଖାମାନ୍ ଆଉଙ୍କ୍ ମିଡ଼୍ ନିଜେଡ଼ ଇଚ୍ଛାତେ ତିନ୍ୟାନଙ୍କ୍ ପାର୍ଦ୍ଦତିନ୍,

୨୬ ବାଡେଙ୍କ୍ ଇକ୍ଟେ ଶାସ୍ତ୍ରବାକ୍ୟ ଇସାବଡେ, “ପୂତିବି ନୁ ତାନାଦ୍ ସାରରେ ବିଷୟ ପ୍ରବୁନାଦ୍ ।”

୨୭ ଅବିଶ୍ବାସୀ ନାରୁଡ଼ ଲୋପେଙ୍କ୍ ବେନ ଯଦି ମିକିଂଙ୍କ୍ କାର୍ଜିତଶ୍ ନୁ ମିଡ଼୍ ଆଦ୍ କେଞ୍ଜିଡ଼ିଡ଼, ଆଲେକେ ମିୟାଦ୍ ମନ୍ତିଙ୍କ୍ ବାଡ଼ବା ପାତ୍ରା ମାଡ଼ଞ୍ଜେକନ୍, ବାଡ଼ ତୁଃସିଡ଼ିଡ଼, ଆଦ୍ ତିନ୍ତିଡ଼ି ।

୨୮ ଇଡ଼କେ ଆଦ୍ ଦେୟାମ୍ ପ୍ରାସାଦ୍ତେ ଇଞ୍ଜ ଯଦି ବେନ କେଡିଡ଼ିଶ୍, ଅନାଦ୍ ଲେକେଡ଼ ସେଙ୍ଗେ ନୁ ବିବେକ୍* ସେଙ୍ଗେ ଆଦ୍ ତିନ୍ମାଟ୍ ।

୨୯ ଇଗେ ନାନ୍ ମିୟାଦ୍ ମନ୍ତାଦ୍ ଗଟ୍ ଇଞ୍ଜ ନାନ୍ କେଲନ୍, ଅନାଦ୍ ମାନ୍ତେ ସେଙ୍ଗେ ଇଦ୍ ଗଟ୍ କେଡୁଡ଼ାନ୍ । ମିଡ଼୍ ଆଡ଼କେ ପାତ୍ରା ମାଡ଼େ

☆ ୧୦:୨୩ ୧ କରକ୍ତିୟ ୬:୧୨.

* ୧୦:୨୮ ସାୟେ ନୁ କାରାପ୍ ବିଚାର୍ ମାଡ଼ାନାଦ୍ ବୁଡ଼ତେ

ପାରୁଥିଲୁ, “ମାନ୍ ସ୍ବାଦୀନତା ବାତେଙ୍କ୍ ମେଣ୍ଡେଅରତୁନ୍ ବିବେକ୍ ତଡ଼୍ ବିଚାର୍ ଆଦତେ ?

୩୦ ଯଦି ନାନ୍ ଇଶ୍ବରତିଙ୍କ୍ ଦନ୍ୟବାଦ୍ ଇସ୍ ବେନ୍ କାଦି ତିନ୍ନୁତାନ୍, ଆଦିଙ୍କ୍ ଦନ୍ୟବାଦ୍ ଇଡ଼ତେ ବିଷୟ୍ ସେଙ୍ଗେ ନାକିଙ୍କ୍ ବାତେଙ୍କ୍ ବେନ ମିଟିଙ୍କ୍ ମାଡ଼ିତନ୍ ?”

୩୧ ଆଦିନ୍ସେଙ୍ଗେ ମିଡ଼୍ ତିନ୍ନାନ୍ ଉନ୍ନାନ୍ କି ବାଡ଼ମେଣ୍ଡେ ମାଡ଼ିତିଡ଼୍, ଆଦ୍ ଇଶ୍ବରତେ ଗୌରବତେ ସେଙ୍ଗେ ମାଡ଼ାଟ୍ ।

୩୨ ମିଡ଼୍ ମେଣ୍ଡେଅନ୍ ଦେଶ୍ତଡ଼ି, ଇହୁଦୀ ବା ଅଣଇହୁଦୀ, ଇଶ୍ବରତେ ମଣ୍ଡୁଲି, ବେନ ତିପାଲ୍ ଲେକାମ୍ ଆୟ୍ମାଟ୍ ।

୩୩ ମିଡ଼୍ ନା ଲେକାମ୍ ବ୍ୟବହାର୍ ମାଡ଼ାଟ୍ । ନାନ୍ ସାର୍ରେ ବିଷୟ୍ତେ ସାର୍ରେତଡ଼କିଙ୍କ୍ ଶାନ୍ତି ମାଡ଼ାନଙ୍କ୍ ଆଲ୍ସି ମାଡ଼ୁତାନ୍ । ନିଜେତାଦ୍ ଚିନ୍ତେ ମାଡ଼୍ଝେକନ୍, ମେଣ୍ଡେଅଡ଼ିଡ଼୍ ପରିତ୍ରାଣ୍ ସେଙ୍ଗେ ସାର୍ରେତଡ଼୍ଝାଦ୍ ଲେକେଡ଼୍ ମାଡ଼ୁତାନ୍ ।

୧୧

୧ ☆ ନାନ୍ କ୍ରିଷ୍ଟଙ୍କ୍ ବିଶ୍ବାସ୍ ମାଡ଼୍ତେ ଲେକାମ୍ ମିଡ଼୍ ନାକିଙ୍କ୍ ବିଶ୍ବାସ୍ ମାଡ଼ାଟ୍ ।

ଉପାସନାତାର୍ କକଡ଼୍ ମୁସାନାଦ୍

୨ ନାନ୍ ମିକିଙ୍କ୍ ପ୍ରସଂଶା ମାଡ଼ୁତାନ୍, ବାତେଙ୍କ୍ଇଡ଼କେ ମିଡ଼୍ ସାର୍ରେଦାମ୍ ନାକିଙ୍କ୍ ଏକା ମାଡ଼ୁଡ଼ିଡ଼୍ ନୁ ନାନ୍ ମିକିଙ୍କ୍ ଇଡ଼ତେ ଶିକ୍ଷା ସାର୍ରେ ପାଲନ୍ ମାଡ଼ୁଡ଼ିଡ଼୍ ।

୩ ନାନ୍ ମିକିଙ୍କ୍ ବୁଜାମାଡ଼ାନଙ୍କ୍ ଆଲ୍ସୁତାନ୍ ଜେ, କ୍ରିଷ୍ଟ ସାର୍ରେ ମାନେୟତାଦ୍ ତାଲ୍ଲେ ଲେକାମ୍, ମୁଦ୍ପାଲ୍ ମୁଡ଼ତେନ୍ ତାଲ୍ଲେ ଲେକାମ୍ ନୁ ଇଶ୍ବର କ୍ରିଷ୍ଟନ୍ ତାଲ୍ଲେ ଲେକାମ୍ ।

୪ ଆଦିଙ୍କ୍ ବେନ୍ ମାନେୟତେ ତାଲ୍ଲେ ମୁସି ପ୍ରାର୍ଥନା ମାଡ଼ିତନ୍ କି ଇଶ୍ବରତାଦ୍ ବାକ୍ୟ ତୁଃସିତଣ୍, ଅଣ୍ ନିଜେଡ଼୍ ତାଲ୍ଲେ ଯେ କ୍ରିଷ୍ଟ ଅଂକିଙ୍କ୍ ମାନେମ୍ ଆୟ୍ମୟ୍ ।

୫ ମେଣ୍ଡେଅଣ୍ଟପାକ୍ ବେନ୍ ନାଟାଡ଼, ତାଲ୍ଲେ ମୁସି ପ୍ରାର୍ଥନା ମାଡ଼ିତେ କି ଇଶ୍ବରତେ ବାକ୍ୟ କେତିଡ଼, ଆଦ୍ ତାନ୍ ମୁଦ୍‌ପାଙ୍କ୍ ମାନେମ୍ ଆୟ୍‌ୟ । ଆଦେରକମ୍ ନାଟାଡ଼, କେଲ୍‌କ୍ କୟ୍‌ତେ ଟାକନାଟାଡ଼ ଲେକାମ୍ ।

୬ ବେନ୍‌ଆଇ ନାଟାଡ଼, ଯଦି ତାନ୍ ତାଲ୍ଲେତିଙ୍କ୍ ମୁସାନଙ୍କ୍ ଆଲ୍‌ୟ, ଆଲେକେ ତାନ୍ ତାଲ୍ଲେଡ଼ କେଲ୍‌କ୍ କୟ୍‌ସିଡ଼ିଡ଼ । ଇଡ଼କେ କେଲ୍‌କ୍ କୟ୍‌ସିଡ଼କେ କି ମୁଣ୍ଡରି ଆଡ଼କେ, ନାଟାକିଙ୍କ୍ ସିଗ୍ ଆସମାନ୍‌ଆଙ୍କ୍, ଆଦ୍ ତାଲ୍ଲେ ମୁସାନାଦ୍ ସାୟେ ।

୭ ମାନେୟ୍‌ତାଦ୍ ତାଲ୍ଲେ ମୁସାନାଦ୍ ଦରକାର୍ ଇଲ୍ଲେ, ଇଡ଼କେ ଇଶ୍ବରତେ ଲେକାମ୍ ନୁ ମହିମା ଅନାଗ୍ ତଅନ୍‌ଦୁଡ଼ । ଇଡ଼କେ ନାଟାଡ଼ତାଗ୍ ମାନେୟ୍‌ତାଦ୍ ମହିମା ତଅନ୍‌ଦିଡ଼ ।

୮ ନାଟାଡ଼, ମାନେୟ୍‌ତାଗାଙ୍କ୍ ପୁଟ୍‌ତେ; ଇଡ଼କେ ମାନେୟ୍ ନାଟାଡ଼ତାଗାଙ୍କ୍ ପୁଟ୍‌ତଣ୍ଡ ।

୯ ମେଣ୍ଡେ ମାନେୟ୍‌ତାଦ୍ ତିଆର୍ ନାଟାଡ଼, ସେଙ୍ଗେ ଆୟ୍‌ୟ ମାତର୍ ନାଟାଡ଼ତାଦ୍ ତିଆର୍ ମାନେୟ୍ ସେଙ୍ଗେ ଆଡ଼ତେ । ଆଦିନ୍ ସେଙ୍ଗେ ମାନେୟ୍‌ତାଦ୍ ଅଦିକାର୍ ନାଟାଡ଼ତେ ପର୍ର ମିୟେ ।

୧୦ ଇଦିନ୍‌ସେଙ୍ଗେ ଦୁତନ୍ ମାୟ୍‌ଦିଙ୍କ୍ ନାଟାଙ୍କ୍ ନିଜେଡ଼ ମୁଦ୍‌ପାନ୍ ଅଦିକାର୍‌ତାଗ୍ ମାୟାନ୍ ନିଦର୍‌ଶନ୍ ଲେକାମ୍ ତାମ୍ ତାଲ୍ଲେତାଗ୍ କକଡ଼, ଝାଟାନାଦ୍ ସାୟେ ।

୧୧ ଆଦ୍ ବାଡ଼ଆଇ, ପ୍ରବୁନ୍ ଗାର୍ରେ ମାନେୟ୍‌ତେ, ନାଟାନାଗାଙ୍କ୍ ଝେରେ ଆୟ୍‌ୟ, କି ନାଟାଙ୍କ୍, ମାନେୟ୍‌କିନାଗାଙ୍କ୍ ଝେରେ ଆୟ୍‌ୟ ।

୧୨ ବାଡେଙ୍କ୍‌ଇଡ଼କେ ନାଟାଡ଼, ମାନେୟ୍‌ତାଗାଙ୍କ୍ ପୁଟ୍‌ତା, ନୁ ମାନେୟ୍ ନାଟାଡ଼ତାଗାଙ୍କ୍ ଜନମ୍ ଆଡ଼ତଣ୍ଡ । ମାତର୍ ସାରେତଡ଼ଝାଦ୍ ସୁଷ୍ଟି କରୁଆଲ୍ ଇଶ୍ବର ।

୧୩ ମିଡ଼ ନିଜେ ଆଲ୍‌ସାଟ୍ । ସାରେତଡ଼ ମୁନ୍‌ନେ ପ୍ରାର୍ଥନାତାଗ୍ କକଡ଼, ଝାଟ୍‌ଝେକନ୍ ଇଶ୍ବରତିଙ୍କ୍ ପ୍ରାର୍ଥନା ମାଡ଼ାନାଦ୍, ବାଡ଼ ନାଟାଡ଼, ସେଙ୍ଗେ ସବାତନ୍‌ଦିଡ଼ ?

୧୪ ଇଦ୍‌ରକମ୍ ବାଡ଼ ମିକିଂଙ୍କ୍ ଶିକ୍ଷା ଇଝ୍ ଯେ, ଲାଟି କେଲ୍‌କ୍ ମାନେୟ୍‌ତେ ସିଗିନଣ୍ଡ,

୧୫ ଇଡ଼କେ ନାଟାଡ଼ତିଙ୍କ୍ ଇଦ୍ ଝେଡ଼କେତାଦ୍ ଗଟ୍ ? ଆଝୁ ଲାଟି କେଲ୍‌କ୍ ତାଙ୍କ୍ ତାଲ୍ଲେ ମୁସାନ୍ ସେଙ୍ଗେ ଇଡ଼ତେ ।

୧୬ ଯଦି ଇଦ୍ ବିଷୟତିଙ୍କ୍ ବେନ ଯୁକ୍ତିତର୍କ୍ ମାଡ଼ାନଙ୍କ୍ ଆଲ୍‌ସିଡ଼ିଡ଼,

ଆଲେକେ ଅଂକିଙ୍କ ନାୟାଦ୍ ଇସରେ କେତାନାଦ୍, ମାନ୍ ଲୋପେ କି
ଇଶ୍ବରତେ ଉପବାସ୍ ମଣ୍ଡଳିନାଗ୍ ଉପବାସ୍ ବିଷୟତେ ଝେରେ ବାଞ୍ଜେ
ଝିଡ଼ସ୍‌କେ ମେଣ୍ଡେ ବାଡ଼ ବିଷୟ ଇଲ୍‌ଲେ ।

ପ୍ରବୁବୋଜ୍

୧୭ ମଦଲ୍ ମିକିଙ୍କ ମେଣ୍ଡେ ବେସ୍‌କ୍ ନିର୍ଦ୍ଦେଶ୍ ଇଦାନ୍‌ଝେଲେ
ନାନ୍ ମିକିଙ୍କ ପ୍ରସଂଶା ମାଡ଼ି ବାଡ଼ କେତାନଙ୍କ ପାର୍‌ଝନ୍ । ମିଡ଼୍
ଉପବାସ୍ ସେଙ୍ଗେ ଅଣ୍ଡୟାଗେ ଆଦାନ୍‌ଝେଲେ, ଇଦ୍ ମିକିଙ୍କ ସାୟେ
ଆୟ୍‌ୟକଟ ଅନିଷ୍ଟ ଆଦୁଡ଼ତେ ।

୧୮ ମୁନ୍ନେନେ, କାରୁର୍ ପାଏମ୍ ଆଡ଼ତାନ ଜେ, ଉପବାସ୍ ଲୋନ୍
ଅଣ୍ଡୟାଗେ ଆଡ଼ତେଝେଲେ ମିଇ ଲୋପେ ଝେଏକ୍ ଝେଏକ୍ ମାନ୍
ତିୟାଡ଼ ଆଦୁଡ଼ତେ । ଇଦ୍ ସୁଦୁର୍ ଇନା ସଡ଼ ଇଞ୍ଜ ନାୟାଦ୍ ବିଶ୍ବାସ୍ ।

୧୯ ଆଗେକ୍‌ବା ମିୟାଗ୍ ଝେକ୍ ଝେକ୍ ମାନ୍ ଆଦତେ ନୁ ଇଦ୍
ରାମକିନାଗ୍ ଇଶ୍ବରତେ ମୁନ୍ନେ ବେନଡ଼ାଦ୍ ଗର୍ ନିଜାମ୍, ପୁନ୍‌ନାଙ୍କ
ଆଦତେ ।

୨୦ ମିଡ଼୍ ଝେରଡ଼୍ ମାନ୍ ଲେକାମ୍ ଅଣ୍ଡୟାଗେ ଆସ୍ ବେନ୍
ତିୟାନାଗ୍ ପାଲ୍‌କ୍ ଆଦୁଡ଼ିଡ଼, ଆଦ୍ “ପ୍ରବୁବଜ୍ ଇଞ୍ଜ ଆଲ୍‌ସୁଡ଼ିଡ଼,
ମାଡ଼ର୍ ଆୟ୍‌ୟ,”

୨୧ ବାତେଙ୍କିଡ଼କେ ଆସୁଟେ ମିଡ଼୍ ସାର୍‌ତେଡ଼ି ନିଜେଡ଼ ନିଜେଡ଼
କାଦି ତିୟାନାଗ୍ ଦାନ୍‌ ଆସ୍ ମାନ୍‌ଡ଼ିଡ଼ । ଆଦିଙ୍କ ଝେରଣ୍ଡ୍ କାର୍‌ଝିନ୍
ମାନ୍‌ନାଝେଲେ ମେଣ୍ଡେଆର୍‌ଡ଼ୁଣ୍ଡ୍ ଆସି ମାନ୍‌ତଣ୍ଡ୍ ।

୨୨ ତିୟାନ୍ ଉଦାନ୍ ସେଙ୍ଗେ ବାଡ଼ ମିୟାଦ୍ ନିଜେଡ଼ ଲୋନ୍ ଇଲ୍‌ଲେ
? ବା ଇଶ୍ବରତେ ମଣ୍ଡଳିତିଙ୍କ ବୁସା ବୁଦ୍‌ତେ ମାଡ଼ାନାଦ୍ ନୁ ଅବାବ୍‌ତଡ଼୍,
ନାରୁଡ଼କିଙ୍କ ଅପ୍‌ମାନ୍ ଇଦାନ୍, ବାଡ଼ ମିୟାଦ୍ ଉଦେଶ୍ୟ ? ନାନ୍
ମିକିଙ୍କ ଇଦ୍ ବିଷୟତେ ବାଡ଼ କେଡ଼ିତାନ ? ବାଡ଼ ମିକିଙ୍କ ପ୍ରସଂଶା
ମାଡ଼ିତାନ ? ଇଲ୍‌ଲା, ଇଦ୍ ବିଷୟତେ ନାନ୍ ମିକିଙ୍କ ପ୍ରସଂଶା
ମାଡ଼ାନଙ୍କ ପାର୍‌ଝନ୍ ।

୨୩ ଇଦ୍ ବିଷୟତେ ନାନ୍ ପ୍ରବୁନାଗାଙ୍କ ବେନ୍ ଶିକ୍ଷା ପାଏମ୍
ଆଡ଼ତାନ, ମିକିଙ୍କ କେଡ଼ିତାନ । ପ୍ରବୁ ଜିସୁ ଶତ୍ରୁଡ଼୍ କାୟ୍‌ଦେ ସର୍ପା
ଆଡ଼ତେ ନାର୍‌କେଡ଼ ରୁଟି ଅସ୍,

୨୪ ଇଶ୍ଵରତିଙ୍କ ଦନ୍ୟବାଦ ଇସ୍, ଆଦ ଉହ୍ସ କେତତଶ୍ଚ, “ଇଦ୍ ଆଦୁତତେ ମିଇ ସେଙ୍ଗେ ନାୟାଦ୍ ମେନ୍ଦୁଲ୍ । ନାକିଂଙ୍କ୍ ଏକା ମାଡ଼ାନ ସେଙ୍ଗେ ଇଦରକମ୍ ମାଡ଼ାର୍ ।”

୨୫ ତିଡ୍ତେ ପେରକେ ଆଦେପୁଟୁଙ୍କ୍ ଉନ୍ଦାନ ଗିନେ ତେଏସ୍ ଅଶ୍ଚ୍ କେତତଶ୍ଚ, “ଇଦ୍ ଉନ୍ଦାନ ଗିନେ ନାୟାଦ୍ ନେତୁରତେ ତିୟାର୍ ଆଡ୍ତେ ଇଶ୍ଵରତାଦ୍ ପୁଃନେ ନିୟମ୍ । ମିଡ୍ ବେସର୍ ଦାମ୍ ଇଦ୍ ଗିନେତାଗାଙ୍କ୍ ଉନ୍ତିଡ୍, ଆସର୍ ଦାମ୍ ନାକିଂଙ୍କ୍ ଏକା ମାଡ଼ାନଙ୍କ୍ ଇଲା ମାଡ଼ିଡ୍ ।”

୨୬ ଇଗାଙ୍କ୍ ଇଦ୍ ପୁନ୍ଦାନଙ୍କ୍ ଆଦୁତତେ ଜେ, ମିଡ୍ ବେସର୍ ଦାମ୍ ଇଦ୍ ରୁଟି ତିନ୍ତିଡ୍ ନୁ ଇଦ୍ ଉନ୍ଦାନ ଗିନେତାଗାଙ୍କ୍ ଉନ୍ତିଡ୍, ଆସର୍ ଦାମ୍ ପ୍ରୁ ଖାଦାନ ଦିନାମ୍ ଯାକ ଅନାଦ୍ ତଲ୍ତାଦ୍ କାରୁର କେତିଡ୍ ।

୨୭ ଇଡ୍କେ ବେନ ଅଯୋଗ୍ୟ ଇନା ପ୍ରୁନ୍ ଏକେ ମାଡ଼ାନ ରୁଟି ତିନ୍ତିଡ୍ ନୁ ଉନ୍ଦାନ ଗିନେତାଗାଙ୍କ୍ ଉନ୍ତିଡ୍, ଅଶ୍ଚ୍ ପ୍ରୁନ୍ ମେନ୍ଦୁଲ୍ ନୁ ନେତୁର ବିରୁଦ୍ତେ ପାପ୍ ମାଡ଼ିଡ୍ ।

୨୮ ଆଦିଙ୍କ୍ ଇଦ୍ ରୁଟି ତିନ୍ଦାନ ମୁନେଙ୍କ୍ ନୁ ଉନ୍ଦାନ ଗିନେତାଗାଙ୍କ୍ ଉନ୍ଦାନ ମୁନେଙ୍କ୍ ସାର୍ବେତଡ୍ ନିଜେଡ୍ ଆମ୍ ପରିକ୍ଷା ମାଡ଼ାର୍ ।

୨୯ ବାତେଙ୍କ୍ ଇଡ୍କେ ବେନ ନାରୁଡ୍ ପ୍ରୁନ୍ ମେନ୍ଦୁଲ୍ତେ ନିଜାତେ ଇଡ୍କେ ପୁନ୍ଧେକନ୍ସ୍ ତିନ୍ତିଡ୍ ନୁ ଉନ୍ତିଡ୍, ଅଶ୍ଚ୍ ନିଜାମ୍ ଦଶ୍ ପାଏମ୍ ଆଦିଡ୍ ।

୩୦ ଆଦିନ୍ ସେଙ୍ଗେ ମିଇ ଲୋପେଙ୍କ୍ ନେଶ୍ ନାର୍ଗେ ଶାଡ଼୍ଖାମ୍ ଇଲ୍ଲେ ନାରୁଡ୍, ରୋଗିନାରୁଡ୍ ନୁ ତଲାନଶ୍ ଲେକାମ୍ ଆଦତଡ୍ ।

୩୧ ବାତେଙ୍କ୍ ଇଡ୍କେ ମୁନେନ୍କନ୍ସ୍ ନିଜେଡ୍ ନିଜେଡ୍ ଆମ୍ ସାୟେ ମାଡ଼ି ପାଡ଼ିୟି ମାଡ଼କେ, ମାନାଡ୍ ଇଶ୍ଵରତେ ଦଶ୍ ପାଏମ୍ ଆୟୁଡ୍, ଶାଡ଼୍

୩୨ ଇଡ୍କେ ଜଗତତାଦ୍ ତେରାନାଦ୍ ଦଶ୍ତାଗାଙ୍କ୍ ମାନ ରକ୍ଷା ମାଡ଼ାନ ସେଙ୍ଗେ ଇଶ୍ଵର ମାନ ତିପାଲ୍ ଇସ୍ ସମାଦାନ ମାଡ଼ୁଶ୍ ।

୩୩ ଆଦିଙ୍କ୍ ସାଙ୍ଗଡ଼ି, ମିଡ୍ ପ୍ରୁବଜ୍ ସେଙ୍ଗେ ଅଶ୍ଚ୍ଯାଗେ ଆଦାନଖେଲେ ମିଡ୍ ମିଇ ସେଙ୍ଗେ କେପାର୍ ।

୩୪ ମିୟାଦ୍ ଅଶ୍ଚ୍ଯାଗେ ଆଡ୍ତାଦ୍ ବେଲା ଇଶ୍ଵରତେ ଦଶ୍ତାଦ୍ ବାତେଙ୍କ୍ ଇଡ୍କେ ଆୟୁମାକି, ଆଦିନ୍ ସେଙ୍ଗେ ବେନ ଯଦି କାର୍ଡିଡ୍,

ମିନ୍ଦେଣ୍ଡ, ଆଲେକେ ଅଣ୍ଡ ଲୋନ୍ ତିଞ୍ଜି ଖାଡ଼ିଣ୍ଡ । ମେଣ୍ଡେବାଗାଡ଼
ବିଷୟ ନାନ୍ ଆଡ଼କେ ବୁଜାମାଡ଼ିତାନ୍ ।

୧୨

ପବିତ୍ର ଆମ୍ବାତେ କନ୍ସ ଦାନ

୧ ଦାଦାଲଡ଼ି ନୁ ଏଲ୍ଲାସ୍, ପବିତ୍ର ଆମ୍ବାତେ ଦାନ ବିଷୟତେ ନାନ୍
ମିକିଂକି ନିଜାତାଦ୍ ସଡ଼ କେତାନଙ୍କ ଆଲ୍‌ସୁତାନ୍ ।

୨ ମିଡ଼ ପୁଡ଼ତିଡ଼ଜେ, ଅଣଇହୁଦୀ ମାଡ଼ତେ ଖେଲେ, ଜିହୁଣ୍ଡ ଇଲ୍‌ଖା
ପୁଡ଼ଲାକିଙ୍କ ପୁଜାମାଡ଼ି ଆର୍ ବୁଲ୍‌କା ଆସ୍‌ମାଡ଼ତିଡ଼ ।

୩ ଆଦିନ୍ ସେଙ୍ଗେ ମିଡ଼ ପୁନ୍‌ନାଦ୍ ଦରକାର୍ ଜେ, ଇଶ୍‌ବରତେ
ଆମ୍ବାତଡ଼ ଚାଲେମ୍ ଆସ୍ ବେନ କେତାନଙ୍କ ପାର୍‌ଖଣ୍ଡ, “ଜିସୁ
ଅବିଶାପ୍” ମେଣ୍ଡେ ପବିତ୍ର ଆମ୍ବାତଡ଼ ଚାଲେମ୍ ଆୟ୍‌କ୍, ବେନ ଜିସୁଙ୍କ
ପ୍ରବୁ ଇଞ୍ଜି ସ୍ୱୀକାର୍ ମାଡ଼ାନଙ୍କ ପାର୍‌ଖଣ୍ଡ ।

୪ ☆ପବିତ୍ର ଆମ୍ବାତାଦ୍ ଦାନ ନାରଗେ ଲେକାଡ଼, ଇଡ଼କେ ଆଦ୍
ଅଣ୍ଡୟ ପବିତ୍ର ଆମ୍ବା ଆସ୍ତୁ ସାରରେ ଇଦ୍‌ତେ ।

୫ ନାରଗେ ଲେକାଡ଼ ସେବା ପାଡ଼ୟି ମାଡ଼ମାଡ଼କେ ଗାଲା ଅଣ୍ଡୟ
ପ୍ରବୁନାଦ୍ ସେବା ଆଦ୍‌ତେ ।

୬ ପାଡ଼ୟି ମାଡ଼ାନ୍ ଶାଡ଼୍‌ଖାମ୍ ନାରଗେ ଲେକାଡ଼, ଇଡ଼କେ ଅଣ୍ଡୟ
ଇଶ୍‌ବର ଆସ୍ତୁ ସାରରେ ଶାଡ଼୍‌ଖାମ୍ ଇଦ୍‌ତେ ।

୭ ସାରେଡ଼ଡ଼୍‌ଖାଦ୍ ଲେକେଡ଼ ମାଡ଼ାନ୍ ସେଙ୍ଗେ ସାରରେ ନାରୁଣ୍ଡ
ଲୋପେ ପବିତ୍ର ଆମ୍ବାତେ ଶାଡ଼୍‌ଖାମ୍ ନାରଗେ ରକମ୍ ତଅନ୍‌ଦିଡ଼ ।

୮ ପବିତ୍ର ଆମ୍ବାଡ଼ ଅନୁଗ୍ରହତେ ବେନ ବୁଦ୍ ନାରୁଡ଼ ଆଦ୍‌ତନ୍ ନୁ
ମେଣ୍ଡେ ବେନ ଜାନି ଆଦ୍‌ତନ୍ ।

୯ ଆଦ୍ ଖେରଡ଼୍‌ ପବିତ୍ର ଆମ୍ବା ବେନଙ୍କ ଇଦ୍‌ତେ ବିଶ୍ୱାସ୍ ନୁ ବେନଙ୍କ
ଇଦ୍‌ତେ ସୁସ୍ଥ ମାଡ଼ାନାଦ୍ ଶାଡ଼୍‌ଖାମ୍;

୧୦ ବେନଙ୍କ ଇଦ୍‌ତେ ଆଶ୍ଚର୍ଯ୍ୟ ପାଡ଼ୟି ମାଡ଼ାନ୍ ଶାଡ଼୍‌ଖାମ୍, ବେନଙ୍କ
ଇଦ୍‌ତେ ଇଶ୍‌ବରତେ ବାକ୍ୟ କେତାନଙ୍କ ଶକ୍ତି ନୁ ବେନଙ୍କ ବାଡ଼ବାଡ଼
ପବିତ୍ର ଆମ୍ବା ନୁ କାରାପ୍ ଆମ୍ବା ଏଞ୍ଜାନ ଶକ୍ତି; ମେଣ୍ଡେ ଅଣ୍ଡ ବେନଙ୍କ
ଇଦ୍‌ତଣ୍ଡ ବାଡ଼ବାଡ଼ ଗଟିନେ ତିରୟାନାଦ୍ ଶକ୍ତି ନୁ ମେଣ୍ଡେ ବେନଙ୍କ
ଇଦ୍‌ତଣ୍ଡ ଆଦ୍ ଗଡ଼ତାଦ୍ ଇଡ଼କେ ବୁଜାମାଡ଼ାନାଦ୍ ଶକ୍ତି ।

୧୧ ଇଡ଼କେ ଇଝୁସାରେ ଆଦ୍ ଝେରଡ଼ ଆମ୍ବା କେ ମାଡ଼ିଡ଼ । ଅଣ୍ଟ ନିଜେଡ଼ ଇଚ୍ଛା ଲେକାମ୍ ସାରରେ ନାରୁଙ୍କ ଝେକ୍ ଝେକ୍ ବିଷୟ ଦାନ ମାଡ଼ିଡ଼ନ୍ ।

ଅଣ୍ଟୟ ମେନ୍ଦୁଲ୍, ଇଡ଼କେ ନାରଗେ ଦୁଡ଼ା

୧୨ ✠କ୍ରିଷ୍ଣ ନାରଗେ ଦୁଡ଼ା କାୟଲ୍‌ତେ ଅଣ୍ଟୟ ମେନ୍ଦୁଲ୍ ଲେକାମ୍ । ନାରଗେ ଅଂକିଙ୍କ୍ ତଡ଼୍ କାୟଲ୍‌ମାଡ଼କେ ଗାଲା, ମେନ୍ଦୁଲ୍ ଅଣ୍ଟୟ ।

୧୩ ଆଦେରକମ୍ ଇହୁଦୀ, ଅଣ୍ଟୟଦୀ, କ୍ରୀତଦାସ ନୁ ସ୍ବାଦିନ୍ ନାରୁଡ଼୍ ସାରେପେକେ ମାନାଡ଼୍ ସାରେତଡ଼୍ ଅଣ୍ଟୟ ଆମ୍ବାତେ ତଡ଼୍ ଏରଦିକ୍ଷାତାଗ୍ ବାପ୍ତିସ୍ମ ଅସ୍ ଆଦ୍ ଅଣ୍ଟୟ ମେନ୍ଦୁଲ୍‌ତାଗ୍ କାୟଲ୍‌ତମ୍, ଅଣ୍ଟୟ ଆମ୍ବାତିଙ୍କ୍ ଉନ୍ଦୁତାଡ଼୍ ।

୧୪ ମେନ୍ଦୁଲ୍ ଅଣ୍ଟୟ ଦୁଡ଼େ ତଡ଼୍ ତିୟାର୍ ଆୟୟ । ମାତର୍ ଇଦ୍ ନାରଗେ ଦୁଡ଼େ ତଡ଼୍ ତିୟାର୍ ଆଡ଼ତେ ।

୧୫ ତେକେ ଯଦି କେଡିଡ଼୍, “ନାନ୍ କାୟ ଆୟନ୍, ଆଦିଙ୍କ୍ ମେନ୍ଦୁଲ୍‌ତେ ଦୁଡ଼େ ଆୟନ୍,” ଆଲେକେ ଇଦ୍ କାରନ୍‌ତେ ମାୟଦିଙ୍କ୍ ଆଦ୍ ମେନ୍ଦୁଲ୍‌ତଡ଼୍ କାୟଲ୍‌ଝେକ୍‌ଞ୍ଚ ମାନ୍ଦାନଙ୍କ୍ ପାର୍‌ଝ ।

୧୬ କେଝୁ ଯଦି କେଡିଡ଼୍, “ନାନ୍ କଣ୍ଡା ଆୟନ୍, ଆଦିଙ୍କ୍ ମେନ୍ଦୁଲ୍‌ତେ ଦୁଡ଼େ ଆୟନ୍,” ଆଲେକେ ଇଦ୍ ବାତେଙ୍କ୍ ଇଡ଼କେ ମାୟଦିଙ୍କ୍ ଆଦ୍ ମିକା ମେନ୍ଦୁଲ୍‌ତାଗାଙ୍କ୍ ଝେରେ ଆସ୍ ମାନ୍ଦାନଙ୍କ୍ ପାର୍‌ଝ ।

୧୭ ସାରରେ ମେନ୍ଦୁଲ୍ ଯଦି ଆସାମ୍ କଣ୍ଡା ଆଦ୍‌ତେ, ଆଲେକେ ବେଲା କେଞ୍ଜାନଙ୍କ୍ ଆଦ୍‌ତେ ? ମେଣ୍ଟେ ଆଦ୍ ଯଦି ଆସାମ୍ କେଝୁଙ୍କ୍ ଆଦ୍‌ତେ, ଆଲେକେ ବେଲା ନେସ୍ତାନଙ୍କ୍ ଆଦ୍‌ତେ ?

୧୮ ନିଜାମ୍, ଇଶ୍ବର ଝେରେ ଝେରେ ଦୁଡ଼େ ମେନ୍ଦୁଲ୍‌ତେ ଝେକ୍‌ଝେକ୍ ପଡ଼୍‌ୟେତାଗ୍ ନିଜେଡ଼ ଇଚ୍ଛାତେ ଉରସ୍‌ଡ଼ିଡ଼ିତ୍‌ଣ୍ ।

୧୯ ଆଝୁସାରେ ମାତର୍ ଅଣ୍ଟୟ ମେନ୍ଦୁଲ୍ ଆସ୍‌ମାଡ଼କେ, ମେନ୍ଦୁଲ୍ ବେଲା ତିୟାର୍ ଆୟେଡ଼୍ ?

୨୦ ଆଦିଙ୍କ୍ ନାରଗେ ଦୁଡ଼ା ଆଡ଼କେ ମିକା ମେନ୍ଦୁଲ୍ ଅଣ୍ଟୟ ।

୨୧ ଆଦିଙ୍କ୍ କଣ୍ଡା କାୟଦିଙ୍କ୍ କେତାନଙ୍କ୍ ପାର୍‌ଝ, “ନାନ୍ ନିକିଂଙ୍କ୍ ଦରକାର୍ ଆୟନ୍ ।” କି ତାଲ୍‌ଲେ ରେଣ୍ଟ୍ ତେକାଙ୍କ୍ କେତାନଙ୍କ୍ ପାର୍‌ଝ, “ନିୟାଗ୍ ନାୟାଦ୍ ବାଡ଼୍ ଦରକାର୍ ଆୟୟ ।”

୨୨ ମେଣ୍ଡେଅଣ୍ଟ ରକମ୍, ମେନ୍ଦୁଲତାଗ୍ ବେନ୍ ଦୁଡ଼ା ଶକ୍ତି ଇଲ୍ଲେ
ଇଞ୍ଜ ଆଲ୍ଲସ୍‌କେ, ଆସ୍ତୁ ଦରକାର୍ ଆୟ୍‌ୟ ।

୨୩ ମେନ୍ଦୁଲତାଗ୍ ବେନ୍ ଦୁଡ଼ା ମାନାଡ଼୍ ଗାଟି ଦରକାର୍ ଆୟ୍‌ୟ
ଇଞ୍ଜ ଆଲ୍ଲସିତାଡ଼୍, ଆସ୍ତୁ ମାନାଡ଼୍ ଗାଟି ଜତନ୍ ଆଦତାଡ଼୍ ।
ମେଣ୍ଡେ ମେନ୍ଦୁଲତାଗ୍ ମିଞ୍ଜିମାନ୍ଦାନ୍ ଦୁଡ଼ା ସେଙ୍ଗେ ମାନାଡ଼୍ ଗାଟି ମାନ୍
ଇଦତାଡ଼୍,

୨୪ ମେନ୍ଦୁଲତାଗ୍ ସୁନ୍ଦର ଦୁଡ଼ା ସେଙ୍ଗେ ମାନାଡ଼୍ ଆସର୍ ମାନ୍
ଇଞ୍ଜାଡ଼୍ । ଇଶ୍ବର ନିଜେ ମେନ୍ଦୁଲତିଙ୍କ ଇଦ୍ ରକମ୍ ତିୟାର୍ ମାଡ଼ତଣ୍ଡ
ଜେ, ବେନ୍ ଦୁଡ଼ାକିଙ୍କ ଯତନ୍ ଦରକାର୍, ନିଜାମ୍ ଆସ୍ତୁ ଗାଟି ସାର୍‌ଦେ
ଦରକିଡ଼ ।

୨୫ ଆଦିଙ୍କ ମେନ୍ଦୁଲ୍ ଲୋପେ ବାଡ଼ବା ଗଲ୍ଲକ୍ ତିୟାର୍ ଆୟ୍‌ୟ,
ଇଡ଼କେ ଝେକ୍ ଝେକ୍ ଦୁଡ଼ା ତାମ୍‌ତାମ୍ ଲୋପେ ଦରକାର୍ ବୁଜେମ୍
ଆଦତେ ।

୨୬ ମେନ୍ଦୁଲ୍‌ତେ ଅଣ୍ଟୟ୍ ଦୁଡ଼େତାଗ୍ କଷ୍ଟ ଆଡ଼କେ, ମେଣ୍ଡେ
ସାର୍‌ରେ ଦୁଡ଼ା ଆଦ୍ କଷ୍ଟ ପାଏମ୍ ଆଦତେ । ଝେରଡ଼୍ ଦୁଡ଼ା ଗୌରବ୍
ଆଡ଼କେ, ମେଣ୍ଡେ ସାର୍‌ରେ ଦୁଡ଼ା ଆଦ୍ ଝେଡ଼କେତାଗ୍ ପାଲ୍ଲକ୍ ଆଦତା
।

୨୭ ମିଡ଼୍ କ୍ରିଷ୍ଟନ୍ ମେନ୍ଦୁଲ୍ । ମିଡ଼୍ ସାର୍‌ରେଡ଼୍ ଆଦ୍ ମେନ୍ଦୁଲ୍‌ତେ
ଅଣ୍ଟୟ୍ ଦୁଡ଼ା ।

୨୮ ☆ମଣ୍ଡୁଲିତାଗ୍ ଇଶ୍ବର ମୁନେନ୍ ପ୍ରେରିଡ଼ ଶିଷ୍ୟଡ଼କିଂଙ୍କ,
ଦ୍ଵିତୀୟଦାମ୍ ବବିଷ୍ୟଡ଼ ବକ୍ତାଲଡ଼କିଂଙ୍କ, ତୃତୀୟଦାମ୍ ଶିକ୍ଷା
ଗୁରୁଡ଼କ୍, ତାନପେକେ ଆଶ୍ଚର୍ଯ୍ୟ ପାଡ଼ୟି ମାଡ଼ାନଡ଼କ୍, ରୋଗ୍
ସାୟେ ମାଡ଼ାନଡ଼କ୍, ସାହାୟ୍ୟ ମାଡ଼ାନଡ଼କ୍, ଶାସନ୍ ମାଡ଼ାନଡ଼କ୍ ନୁ
ନାଗେପ୍ରକାର୍ ଗଟି ତିରୟାନଡ଼କ୍ ନିୟୁକ୍ତି ମାଡ଼ତଣ୍ଡ ।

୨୯ ଅଡ଼୍ ସାର୍‌ରେଡ଼୍ ପ୍ରେରିଡ଼ ଶିଷ୍ୟ, ବବିଷ୍ୟଡ଼ବକ୍ତା କି ମେସ୍ତେରିଡ଼୍
ଆୟ୍‌ୟଡ଼୍ । ଆଶ୍ଚର୍ଯ୍ୟ ପାଡ଼ୟି ମାଡ଼ାନ ଶକ୍ତି ସାର୍‌ରେଡ଼୍‌ଗ୍ ଇଲ୍ଲେ ।

୩୦ ସାର୍‌ରେଡ଼୍ ରୋଗ୍ ସାୟେ ମାଡ଼ାନଙ୍କ, ଝେକ୍‌ଝେକ୍ ଗଟି
ତିରୟାନଙ୍କ ନୁ ଆସ୍ତୁ ସାର୍‌ରେଡ଼୍‌ଞ୍ଜିନ୍ ଇଡ଼କେ ବୁଜାମାଡ଼ାନଙ୍କ ପାର୍‌ଝଡ଼୍
।

୩୧ ମିଡ଼୍ ସାୟେଡ଼୍ ଦାନ ପାଏମ୍ ଆଦଦାନ୍ ସେଙ୍ଗେ ତିୟାର୍ ଆୟି
ମାନ୍‌ବ୍ । ନାନ୍‌ନେ ମିକିଂଙ୍କ ଇଦିନାଗାଙ୍କ ସାୟେଡ଼୍ ଅଣ୍ଟୟ୍ ଉପାୟ୍

ତଅତିତାନ୍ ।

୧୩

ପ୍ରେମ୍

^୧ ନାନ୍ ନାରୁଡ଼ାଦ୍ ଗର୍ ଦୂତନ୍ ଗର୍ତ୍ତେ କେଡ଼ ପାରକେ ମିକା, ନା ଜିଝୁଣ୍ଡତାଗ୍ ପ୍ରେମ୍ ଇଲୁକ୍, ନାନ୍ ମାତର୍ ଅଣ୍ଡୟ୍ ଲେଙ୍ଗ୍‌ଦେ ନେକାନ୍ ଗାଣ୍ଟା, ଇଲୁକ୍ ଅଣ୍ଡୟ୍‌ତଡ଼୍ ପେଞ୍ଜାନ୍ କାୟ୍‌କ୍ ଲେଙ୍ଗ୍ ।

^୨ ✧ ସାୟେ ଗର୍ତ୍ତେ ଇଶ୍ବରତେ କାରୁର୍ କେତାନଙ୍କ୍ ନାୟାଗ୍ ଶାଡ଼ଝାମ୍ ମାଡ଼କେମିକା । ସାରରେ ବିଷୟତେ ବୁଦ୍ ମାଡ଼କେମିକା, ସାରରେ ଲୋପେଡ଼ ବିଷୟ ବୁଜେମ୍ ଆଦାନଙ୍କ୍ ଶାଡ଼ଝାମ୍ ମାଡ଼କେମିକା, ବିଶ୍ବାସ୍ ତଡ଼୍ ମେଟେତିଙ୍କ୍ ଗୁସ୍‌ପାନଙ୍କ୍ ବପୁ ମାଡ଼କେମିକା; ଆଗେକ୍‌ବା ନାୟାଦ୍ ପ୍ରେମ୍ ଇଲୁକ୍, ନାନ୍ ବାଡ଼ ଆୟନ୍ ।

^୩ ଯଦି ନାନ୍ ଗରିବ୍ ନାରୁଡ଼କ୍ ନାରଗେ ଦାନ ମାଡ଼େପାର୍‌ଦତାନ୍ ବା କିସ୍‌ତାଗ୍ କାର୍‌ଝାନଙ୍କ୍ ନା ମେନ୍ଦୁଲ୍‌ତିଙ୍କ୍ ଇଦେପାର୍‌ଦତାନ୍, ଆଗେକ୍‌ବା ନା ଜିଝୁଣ୍ଡତାଗ୍ ପ୍ରେମ୍ ଇଲୁଲେ, ଆଞ୍ଜୁସାରେ ନା ସେଙ୍ଗେ ଆଙ୍ଗଡ଼ାମ୍ ।

^୪ ପ୍ରେମ୍ ଗାଡ଼ସ୍ ନୁ ସାୟେ । ପ୍ରେମ୍ କପାମ୍ ବା ଅବିମାନ୍ ବା ଅହଙ୍କାରୀ ଆୟନ୍ ।

^୫ ପ୍ରେମ୍ ରୁକ୍ଷ ବା ସ୍ଵାର୍ତ୍ତପର୍ ଆୟନ୍, ଆଙ୍ଗଡ଼ାମ୍ କପାମ୍ ଆୟନ୍ । ପ୍ରେମ୍ ତାନ୍ ସେଙ୍ଗେ ମାଡ଼ତେ ଅନ୍‌ୟାୟ୍‌ତାଦ୍ ଇସାପ୍ ନେଃଏଞ୍ ।

^୬ ପ୍ରେମ୍ ଅଦର୍ମତଡ଼୍ ଝେଡ଼କ୍ ମାଡ଼, ସଡ଼୍ ତଡ଼୍ ଆଦିନାଦ୍ ଝେଡ଼କ୍ ।

^୭ ପ୍ରେମ୍ ସାରରେ ସାରେ ମାଡ଼ିଡ଼ । ଆଦିନାଦ୍ ସାରରେ ବିଶ୍ବାସ୍ ମାଡ଼ିଡ଼, ସାରରେ ଆଗେ ମାଡ଼ିଡ଼; ବାଡ଼ଆଇ ତିପାଲ୍‌ଝେଲେ ଗାଡ଼ସ୍ ଆରେମ୍ ଆୟନ୍ ।

^୮ ପ୍ରେମ୍ ବେସୁର୍ ତେର । ଇଶ୍ବରତାଗାଙ୍କ୍ କାରୁର୍ ମାଇ ଆଦତେ । ଆଶ୍ଚର୍ଯ୍ୟ ଗର୍ତ୍ତେ ତିରୟାନାଦ୍ ଶକ୍ତି ଦଂସ୍ ଆଦତେ, ନାରୁଡ଼ାଞ୍ଜୁ ବୁଦ୍‌ତେ ମାୟିଆଦତେ ।

^୯ ବାଡେଙ୍କ୍‌ଇଡ଼କେ ମାନ୍ ବୁଦ୍‌ତେ ଦାନାମ୍ ନୁ ଇଶ୍ବରତାଗାଙ୍କ୍ କାରୁର୍ କେତାନାଦ୍ ଦାନ ମାତର୍ ସୁଦୁର୍ ସମୟତିଙ୍କ୍ ।

✧ ୧୩:୨ ମାଡ଼ିଡ଼ ୧୭:୨୦; ୨୧:୨୧; ମାର୍କ ୧୧:୨୩.

୧୦ ଇଡ଼କେ ସାରରେ ବିଷୟତାଦ୍ ସାରେ ଆଡ଼କେ, ଇଞ୍ଜୁ ସୁଦୁଲାଞ୍ଜୁ ବିଷୟ ସାରରେ ମାୟିଆଦତା ।

୧୧ ନାନ ସୁଦୁର୍ ମାୟାନଞ୍ଜେଲେ ନାୟାଞ୍ଜୁ ଗଟି, ଆଲସାନାଦ୍ ନୁ ଚିନ୍ତେ ପିଲାନ ଲେକାମ୍ ମାଡ଼ତା । ଇଡ଼କେ ବୟସ୍ ଆଡ଼ତେ ପେରକେ ଇଞ୍ଜେ ନାନ ମେଣ୍ଡେ ପିଲେ ଲେକେମ୍ ବ୍ୟବହାର ମାଡ଼ନ୍ ।

୧୨ ଇଞ୍ଜେ ମାମ୍ମେ ବାଡ଼ ଉଡ଼ତୁମ୍, ଆଦ୍ ଦର୍ପନତାଗ୍ ତନ୍ନାନ୍ ମକମ୍ ଲେକାମ୍ । ଇଡ଼କେ ଦିନାମ୍ ଝାଡ଼ତେ, ଆସୁଟେ ଆଦ୍ ମାନାଡ଼, ମୁନ୍ନେ ଉଡ଼ିତାଡ଼ । ଇଞ୍ଜେ ନାନ ବାଡ଼ ପୁନ୍ତାନ, ଆଞ୍ଜୁସାରେ ମାୟା । ଇଶ୍ବର ନାକିଂଙ୍କ ସାରେ ପୁଡ଼ତେ ଲେକାମ୍ ଆସୁଟେ ନାୟାଦ୍ ବୁଡ଼ତେ ଗାଲା ସାରେ ଆଡ଼ତେ ।

୧୩ ବିଶ୍ବାସ୍, ଆଗେ ନୁ ପ୍ରେମ ଇଞ୍ଜୁ ମୁଣ୍ଡ ସାରେଦିନା ମାୟାନ ବିଷୟ ଲୋପେଙ୍କ ପ୍ରେମ କେ ବେଡ଼ିୟାଦ୍ ।

୧୪

ଆମ୍ବାତେ ଦାନ ବିଷୟତେ ପିନା ଗଟି

୧ ଆଦିଙ୍କ ପ୍ରେମ ସେଙ୍ଗେ ମିଡ଼୍, ତିଆରତେ ଆୟମୁର୍ । ମେଣ୍ଡେବାଗାଡ଼ ଆମ୍ବାତାଦ୍ ଦାନ ପାଏମ୍ ଆଦାନଙ୍କ, ବିଶେଷ୍ଟମାଡ଼ି ଇଶ୍ବରତାଦ୍ ବାକ୍ୟ ପ୍ରଚାର ମାଡ଼ାନଙ୍କ, ମିୟାଦ୍ ଲୋପେଡ଼ ଇଚ୍ଛା ଆୟି ।

୨ ବେନ ଝେରେ ଗର୍ତ୍ତେ ତିରୁୟିତଣ୍ଡ, ଅଣ୍ଡ ନାରୁଡ଼୍, ତଡ଼୍, ଗଟି ତିରୁୟିଣ୍ଡ, ଇଶ୍ବରତେ ଉଦେଶ୍ୟ କେତିତଣ୍ଡ । ଅନ୍ ଗଟି ବେନ ବୁଜେମ୍ ଆୟୁୟଣ୍ଡ । ଅଣ୍ଡ ଆମ୍ବାତେ ଶକ୍ତିତେ ଲୋପେଡ଼ ଜିନିଷ୍ କେତିତଣ୍ଡ ।

୩ ଇଡ଼କେ ବେନ ଇଶ୍ବରତେ ବାକ୍ୟ ପ୍ରଚାର ମାଡ଼ିତନ୍, ଅଣ୍ଡ ଆଦ୍ ନାରୁଡ଼୍କିଂଙ୍କ କବର୍ କେତିତଣ୍ଡ, ଆଦିନ୍ ତଡ଼୍ ଅଡ଼୍କିଂଙ୍କ ସାହାୟ୍ୟ, ଝେଡ଼୍କ୍ ନୁ ସାନ୍ତନା ଇଡ଼ତେ ।

୪ ବେନ ଝେରେ ଗର୍ତ୍ତେ ଗଟି ତିରୁୟିତଣ୍ଡ, ଅଣ୍ଡ ମାତର୍ ନିଜେଡ଼ ସେଙ୍ଗେ ଆଦ୍ ମାଡ଼ିତନ୍; ଇଡ଼କେ ବେନ ଇଶ୍ବରତେ ବାକ୍ୟ* ପ୍ରଚାର ମାଡ଼ିତନ୍, ଅଣ୍ଡ ସାରେତାଞ୍ଜୁ ମଣ୍ଡଲିକିଙ୍କ ସାହାୟ୍ୟ ମାଡ଼ିତନ୍ ।

୫ ମିଡ଼୍, ସାରେତଡ଼ି ଝେରେ ଗର୍ତ୍ତେ ତିରୁୟିକେ, ନାନ ଝେଡ଼୍କ୍ ଆଡ଼ତନ୍, ଇଡ଼କେ ନାନ ଆଲସୁତାନ୍, ମିଡ଼୍, ଇଶ୍ବରତେ ବାକ୍ୟ

* ୧୪:୪ ଇଶ୍ବରତେ ବାକ୍ୟ

ପ୍ରଚାର ମାତ୍ତାନଙ୍କ ଶକ୍ତି ପାଏମ୍ ଆୟମୁଟ୍ । ଖେରେ ଗର୍ତ୍ତେ ଗତି
ତିରୟାନାଦ୍, ମଣ୍ଡଲିତିଙ୍କ ଟିକ୍ ଆୟୟ; ଯଦି ବେନ ଆଦିନ୍ ଇଡ଼କେ
କେସ୍ ବୁଜାମାଡ଼ିତଣ୍ଡ, ଇଲୁକ୍ ଖେରେ ଗର୍ତ୍ତେ ଗତି ତିରୟାନାଗାକନ୍
ଇଶ୍ବରତେ କବର ପ୍ରଚାର ମାତ୍ତାନାଦ୍ ସାୟେ ।

୭ ଦାଦାଲଡ଼ି ନୁ ଏଲ୍ଲାସ୍, ନାନ୍ ଯଦି ମିଇ ବକେଡ୍ ଖାସ୍ ଖେରେ
ଗର୍ତ୍ତେ ଗତି କେଡିତାନ୍, ବା ଇଶ୍ବରତାଗାଙ୍କ୍ ବାଡ଼ଆଇ ଗର୍ତ୍ତ କି ବାକ୍ୟ
କି ବାଡ଼ଆଇ ନାଡ଼ସାନାଦ୍ ବିଷୟ କେଲନ୍, ଆଲେକେ ମିୟାଦ୍ ବାଡ଼
ଉପକାର ଆଦତେ ?

୭ ହସଡ୍ ବା ବୀଣା ଲେକାମ୍ ଜିଝେଇଲ୍ଖାଦ୍ ପେଞ୍ଜାନାଦ୍
ବିବେଚନା ମାଡ଼ାଟ୍, ଯଦି ଟିକ୍ ଲେଙ୍ଗ୍ଦେ ନେକକ୍, ଆଲେକେ
ଆଗେ ବାଡ଼ ନେକୁଡ୍, ବେନ ବାଡ଼ ପୁନ୍ଦାନଙ୍କ୍ ପାର୍ଦ୍ଦତଣ୍ଡ ?

୮ ତୁରୀ ନେକାନାଲ୍ଦ୍ ସାୟେ ଖାଡ଼କ୍, ବେନ ବାଡେଙ୍କ୍ ଯୁଦ୍
ମାତ୍ତାନଙ୍କ୍ ତିୟାର୍ ଆଦତନ୍ ?

୯ ଆଦେପୁରୁଙ୍କ୍, ଯଦି ପୁନ୍ଖାଦ୍ ଗର୍ତ୍ତେ ଗତି କେଡ଼କେ, ଆଲେକେ
ଆଦିଙ୍କ୍ ବେନ ବୁଜେମ୍ ଆଦତନ୍ ? ଇଦ୍ ଗାଲ୍ଦିଙ୍କ୍ କେଡ଼ତାନ୍
ଲେକାମ୍ ଆଦତେ ।

୧୦ ଜଗଡ଼ତାଗ୍ ନାରଗେ ଗତି ମିନ୍ଦେ, ଇଡ଼କେ ଆଖୁସାରେ
ଲୋପେଙ୍କ୍ ଖେରଡ଼୍ ମିକା ଇଡ଼କେ ଇଲ୍ଖାଦ୍ ଆୟୟ ।

୧୧ ଯଦି ନା ତଡ଼୍ ତିରୟମାନ୍ଦାନ୍ ନାରୁନାଦ୍ ଗତି ନାନ୍ ବୁଜେମ୍
ଆଦାନଙ୍କ୍ ପାର୍ଡ଼ନ୍, ଆଲେକେ ଆଦ୍ ନାରୁଡ଼୍ ନା ବକେଡ଼୍ ପୁନ୍ଖେନଣ୍ଡ୍
ଆଦତନ୍, ନାନ୍ ମିକା ଅନ୍ ବକେଡ଼୍ ପୁନ୍ଖେ ନାରୁଡ଼୍ ଲେକାମ୍
ଆଦତନ୍ ।

୧୨ ମିଡ଼୍ ବାଡ଼ବାଡ଼ ପବିତ୍ର ଆମ୍ବାନ୍ ଦାନ ପାଏମ୍ ଆଦାନ୍ ସେଙ୍ଗେ
ଇଚ୍ଛା ମାଡ଼ିମାନ୍ଦାଙ୍କ୍, ଆଖୁ ଲୋପେଙ୍କ୍ ବେନାସାରେ ମଣ୍ଡଲିତେ ସାୟେ
ସେଙ୍ଗେ ଲେକାମ୍ ମାଡେ ପାର୍ଦ୍ଦତା, ଆଖିଙ୍କ୍ ଗାଟି ବ୍ୟବହାର
ମାତ୍ତାନଙ୍କ୍ ଆଲ୍ସି ମାଡ଼ାଟ୍ ।

୧୩ ଆଦିଙ୍କ୍ ବେନ ଖେରେ ଗର୍ତ୍ତେ ଗତି ତିରୟିତଣ୍ଡ, ଅଣ୍ଡ୍ ଆଦିନାଦ୍
ଇଡ଼କେ ବୁଜା ମାତ୍ତାନଙ୍କ୍ ଦାନ ପାଏମ୍ ଆଦାନଙ୍କ୍ ପ୍ରାର୍ତ୍ତନା ମାଡ଼ିଣ୍ଡ ।

୧୪ ଯଦି ନାନ୍ ଖେରେ ଗର୍ତ୍ତେ ପ୍ରାର୍ତ୍ତନା ମାଡ଼ିତାନ୍, ମାଡର୍ ନାୟାଦ୍
ଲୋପେଡ଼୍ ଆମ୍ବା ଆଦ୍ ମାଡ଼ିଡ଼୍, ନାୟାଦ୍ ମାନ୍ ଆଗେ ଇଲ୍ଖେ
ମାନ୍ତେ ।

୧୫ ଆଲେକେ ନାନ୍ ବାଡ଼ ମାଡ଼ିତାନ୍ ? ନାନ୍ ନା ଆମ୍ବାତେ
ଇଚ୍ଛାତେ ପ୍ରାର୍ଥନା ମାଡ଼ିତାନ୍, ଇଡ଼କେ ସାଙ୍ଗେ ସାଙ୍ଗେ ନାୟାଦ୍ ବୁଦ୍
ଆଲ୍‌ସି ମିକା ପ୍ରାର୍ଥନା ମାଡ଼ିତାନ୍ । ନାନ୍ ନା ଆମ୍ବାତେ ଲେକାମ୍ ପାଟା
ପାରିତାନ୍, ଇଡ଼କେ ଆଦିନ୍ ତଡ଼୍ ମାନ୍ ଇସ୍ ପାଟା ପାରିତାନ୍ ।

୧୬ ଆଲା ଆୟ୍‌କ୍ ଇଶ୍‌ବରତିଙ୍କ୍ ମିୟାଦ୍ ଆମ୍ବାତେ ଇଚ୍ଛାତେ
ଦନ୍ୟବାଦ୍ ଇଦାନ୍‌ଝେଲେ, ଆଗେ ମାନ୍ଦାନ୍ ଝେରଣ୍ ନାରୁଡ଼୍ ବେଲା
ମିଇ ତଡ଼୍ “ଆମେନ୍” କେତିତଣ୍ ? ବାତେଙ୍କ୍‌ଇଡ଼କେ ମିଡ଼୍ ବାଡ଼୍
କେତୁଡ଼ିଡ଼୍, ଆଦ୍ ଅଣ୍ ପୁନ୍ଦାନଙ୍କ୍ ପାର୍‌ଝଣ୍ ।

୧୭ ମିଡ଼୍ ସାୟେ ଲେକାମ୍ ଦନ୍ୟବାଦ୍ ଇସ୍ ମାଡ଼କେ ଗାଲା, ଆଦିନ୍
ତଡ଼୍ ଆଦ୍ ନାରୁଡ଼୍ ବେଲାମେଣ୍ଟେ ଉପକାର୍ ଅଦାନଙ୍କ୍ ପାର୍‌ଝଣ୍ ।

୧୮ ନାନ୍ ଇଶ୍‌ବରତିଙ୍କ୍ ଦନ୍ୟବାଦ୍ ଇଦୁତାନ୍, ବାତେଙ୍କ୍‌ଇଡ଼କେ ନାନ୍
ମିଇ ସାରେତଡ଼୍ ତାଗାଙ୍କ୍ ଗାଟି ଝେରେ ଗଟି କେଡ଼ପାର୍‌ଦ୍‌ତାନ୍ ।

୧୯ ଇଡ଼କେ ମଣ୍ଡୁଲିତାଗ୍ ଉପାସନାତାଗ୍ ଝେରେ ଗଟ୍‌ତେ ହଜାର୍
ହଜାର୍ ଶବ୍ଦ ବ୍ୟବହାର୍ ମାଡ଼ଝେକନ୍ତୁ ସାରେତଡ଼୍ ବୁଜେମ୍ ଆଦାନ୍
ରକମ୍ ଏଇଙ୍କ୍ ଶବ୍ଦ କେତାନାଦ୍ ସାୟେ ।

୨୦ ଦାଦାଲଡ଼ି ନୁ ଏଲାୟ୍, ଚିନ୍ତେତାଗ୍ ପିଲାନ୍ ଲେକାମ୍ ଆୟ୍‌ମାଟ୍
। କାରାପ୍ ବିଷୟ୍ ସେଙ୍ଗେ ପିଲାନ୍ ଲେକାମ୍ ଆୟ୍‌ମୁଟ୍; ଇଡ଼କେ ବୁଦ୍
ବିଚାରତାଗ୍ ମିଡ଼୍ ସାରେ ବୟସ୍‌ତଡ଼୍ ଆଦାନାଦ୍ ସାୟେ ।

୨୧ ଦର୍ମଶାସ୍ତ୍ରତାଗ୍ ଲେକାମିନ୍ଦେ,
“ପ୍ରବୁ କେତୁଡ଼ିଡ଼୍, ପୁନ୍‌ଝାଦ୍ ଗଟ୍ କେସମାନ୍ଦାନ୍

ବିଦେଶୀ ନାରୁଡ଼ିକିନ୍ ପାୟ୍‌ରତାଗ୍
ନାନ୍ ଇଦ୍ ଜାତି ତଡ଼୍ ଗଟି କେତିତାନ୍ ।
ଆଗେକ୍‌ବା ଅଡ଼୍ ନା ଗଟି କେଞ୍ଜଡ଼୍ ।”

୨୨ ଇଡ଼କେ ଝେରେ ଗଟ୍ କେଡ଼ତାନ୍ ଶକ୍ତି ବିଶ୍ୱାସୀଡ଼୍ ସେଙ୍ଗେ ବାଡ଼୍‌ବା
ବିଷୟତାଦ୍ ନିର୍ଦ୍ଦେଶ୍ ଇନା ଆୟ୍‌ୟ୍ । ଆଦ୍ ଆସାମ୍ ଅବିଶ୍ୱାସୀଡ଼ାଗ୍
ଆଶ୍ଚର୍ଯ୍ୟ ଶକ୍ତିତାଦ୍ ନିର୍ଦ୍ଦେଶ୍ । ମେଣ୍ଟେଅନ୍ ରକମ୍, ଇଶ୍‌ବରତେ ଗଟ୍
ପ୍ରଚାର୍ ମାଡ଼ାନାଦ୍ ଶକ୍ତି ବିଶ୍ୱାସ୍ ଇଲ୍‌ଝେ ସେଙ୍ଗେ ଆୟ୍‌ୟ୍, ମାଡ଼ର୍
ବିଶ୍ୱାସୀଡ଼୍ ସେଙ୍ଗେ ଇଦ୍ ଆଶ୍ଚର୍ଯ୍ୟ ଶକ୍ତି ଆଦତେ ।

୨୩ ମଣ୍ଡୁଲିତାଗ୍ ସାରେତଡ଼୍ ଗୁଡ଼ାନ୍ ଝେଲେ ଯଦି ସାରେତଡ଼୍
ପୁନ୍‌ଝାଦ୍ ଗଟ୍‌ତେ ଗଟି ଡିରୟିତଡ଼୍ ନୁ ଆଗେ ନାରୁଡ଼୍ ବା ଝେରେ

ଦର୍ମତତ୍, ଖାଦତଣ୍ଡ, ଅତ୍, ବାତେଏ ମଣ୍ଡଲିତେ ସାର୍ବେତତ୍ତ୍ବିକ୍ ବାୟାଲତ୍ ଇଞ୍ଜ ଆଲ୍‌ସତ୍ ?

୨୪ ଇତ୍ତକେ ଅତ୍ ଯଦି ଇଶ୍ବରତେ ବାକ୍ୟ ପ୍ରଚାର ମାଡିତତ୍, ନୁ ଖେରଣ୍ଡ ମେଣ୍ଡେଅରତୁନ୍ ବୁଜେମ୍‌ଆଦତତ୍, ବା ନାରୁଡ୍ ଆଗେ ଖାଦକେ, ଅଣ୍ ବାଦ କେଞ୍ଜିତଣ୍ଡ,

୨୫ ଆଦିନ୍ ତତ୍ ଅଣ୍ ତାନ୍ ପାପାମ୍‌ତିକ୍ ଆଲ୍‌ସ ପାରଦତଣ୍ଡ; ଅନ୍ ଜିଝୁଣ୍ଡତାଗ୍ ମାନ୍ଦାନ୍ ମିଞ୍ଜତାଦ୍ ବିଷୟସାରେ ପେୟତିତ୍; ଅଣ୍ ଇଶ୍ବରତେ ବକେତ୍ ସର୍ପା ଆସ୍ ଅଡାଦ୍ ଆରାଦାନା ମାଡିତନ୍ ନୁ ପ୍ରଚାର ମାଡିତନ୍, “ନିଜାତେ ଇଶ୍ବର ମିଇ ଲୋପେ ମିନ୍ଦେଣ୍ଡ !”

ମଣ୍ଡଲିତାଗ୍ ଶାନ୍ତିତେ ମାନ୍ଦାନାଦ୍

୨୬ ଦାଦାଲଡି ନୁ ଏଲାୟ୍, ମିକିଞ୍ଜ ନାନ୍ କେତ୍ତାନ୍ ଲେକାମ୍; ଉପବାସ୍ ମାଡାନ୍ ସେଙ୍ଗେ ଗୁଡାନ୍ ଖେଲେ ବେନ ଖେରଣ୍ଡ ପାଟା ପାରିଣ୍ଡ, ମେଣ୍ଡେ ଖେରଣ୍ଡ ଶିକ୍ଷା ଇଞ୍ଜିଣ୍ଡ, ବେନ ଖେରଣ୍ଡ ଇଶ୍ବରତେ ଗର୍ କେଲିଣ୍ଡ, ମେଣ୍ଡେଅରତୁଣ୍ଡ ଖେରେ ଗର୍ତେ ଗଟି କେଲିଣ୍ଡ ନୁ ମେଣ୍ଡେ ବେନ ଖେରଣ୍ଡ ପୁନ୍‌ଖାଦ୍ ଗର୍ତେ ଇତ୍ତକେ ବୁଜା ମାଡିଣ୍ଡ । ଇଝୁସାରେ ମଣ୍ଡଲିତେ ସାୟେଡ୍ ସେଙ୍ଗେ ମାଡାନାଦ୍ ଦରକାର୍ ।

୨୭ ଯଦି ବେସ୍‌କ୍‌ତୁଡ୍ ଖେରେ ଗର୍ତେ ଗଟି କେତ୍ତାନ୍ ସେଙ୍ଗେ ଆଲ୍‌ସିତତ୍, ଆଲେକେ ଖେରଣ୍ଡ ପେରକେ ଖେରଣ୍ଡ ଇଦରକମ୍ ରେଣ୍ଡ ବା ଗାଟି ନାରଗେ ଆଦକେ, ମୁଝୁଡ୍ କେଲିଡ୍ ନୁ ବେନ ଖେରଣ୍ଡ ନିଜାମ୍ ଆଦିନ୍ ଇତ୍ତକେ ବୁଜା ମାଡିଞ୍ଜିଣ୍ଡ ।

୨୮ ଇତ୍ତକେ ବୁଜାମାଡାନକ୍ ବେନ ଇଲ୍‌ଉକ୍, ଖେରେ ଗର୍ତେ କେତାନକ୍ ଆଲ୍‌ସମାନ୍ଦାନ୍ ନାରୁଡ୍ ଉପାସନାତାଗ୍ କଟ୍ ମାନିଣ୍ଡ । ଅଣ୍ ମାତର୍ ହେର୍କାତେ ଇଶ୍ବରତତ୍ ଆଲା କେଲିଣ୍ଡ ।

୨୯ ଇରଝୁଡ୍ ବା ମୁଝୁଡ୍ ଇଶ୍ବରତେ ଗର୍ ପ୍ରଚାର ମାଡିଡ୍, ମେଣ୍ଡେବାଗାତତ୍ ଆଦ୍ ବିଚାର ମାଡି ଉଡାଟ୍ ।

୩୦ ଇତକେ ଉପାସନାତାଗ୍ ମାନ୍ଦାନ୍ ବେନ ଯଦି ହଟାଡ୍ ଇଶ୍ବରତାଗାକ୍ ସୁସମାଚାର୍ ପାଏମ୍ ଆଦତନ୍, ଆଲେକେ ବାଷନ୍ ଇସମାନ୍ଦାନ୍ ନାରୁଡ୍ ତାନ୍ ଗଟି ବନ୍ଦ୍ ମାଡିଣ୍ଡ ।

୩୧ ସାର୍ବେତତ୍ତ୍ବିକ୍ ଶିକ୍ଷା ନୁ ଖାଦାନ୍ ସେଙ୍ଗେ ସାର୍ବେତତ୍ତ୍ବିକ୍ ଖେରଣ୍ଡ ପେରକେ ଖେରଣ୍ଡ ଇଶ୍ବରତେ ଗର୍ ପ୍ରଚାର ମାଡେ ପାରଦତତ୍ ।

୩୨ ଇଡକେ ଇଶ୍ବରତେ ବାକ୍ୟ ପ୍ରଚାର ମାଡାନ ଦାନ ପ୍ରଚାର ମାଡାନଶ୍ବତେ ଆଦିନ୍ ଆଦାନ ସାୟେ ।

୩୩ ବାତେଙ୍କଇଡକେ ଇଶ୍ବର ବିଶ୍ବଙ୍କଲା ମାଡାନଶ୍ବ ଆୟ୍ଯଶ୍ବ, ମାତର ଅଶ୍ବ ଶାନ୍ତିତେ ଇଶ୍ବର । ଇଶ୍ବରତେ ମେଣ୍ଡେବାଗାଡ ଉପବାସ ପବିତ୍ର ମଣ୍ଡଲି ବେଲା,

୩୪ ମିଇ ମଣ୍ଡଲିତେ ସବାକିନାଗ୍ ମିକା ଆଦେରକମ୍ ନାଟାଙ୍କ କଟ ମାନୀ । ଆଗେ ଗଟି ତିରୟାନ୍ ସେଙ୍ଗେ ଆଞ୍ଜିଙ୍କ ଗର୍ ଦରକ । ଇହୁଦୀ ନିୟମ୍ ଲେକାମ୍ ଆସ୍ତୁ ମାନେୟତାଗ୍ ବଶୀଭୂତ ଆସ୍ ମାନୀ ।

୩୫ ଆସ୍ତୁ ବାଡ ବିଷୟ ବୁଜେମ୍ ଆଦାନଙ୍କ ଆଲ୍ସକେ, ଲୋନ୍ ମାଲ୍ସ ନିଜେଡ୍ ମୁଦ୍ପାଙ୍କ ପାତ୍ରା ମାଡି । ବାତେଙ୍କଇଡକେ ମଣ୍ଡଲିତାଗ୍ ଗଟି କେଡକେ, ନାଟାକିଙ୍କ ସିଗଆଦତେ ।

୩୬ ଇଶ୍ବରତେ ବାକ୍ୟ ବାଡ ମିୟାଗାଙ୍କ ପୁଟି ମାଡତେ ? ବା ଇଦ୍ ବାଡ ମାତର ମିଇ ବକେଡ୍ ଖାସ୍ମାଡତେ ?

୩୭ ମିଇ ଲୋପେଙ୍କ ବେନ ଯଦି ନିଜେ ଝେରଶ୍ବ ବାବବାଦୀ ବା ଆମ୍ବିକ ଦାନ ପାଏମ୍ ଆଡତେ ନାରୁଡ୍, ଇଞ୍ଜି ଆଲ୍ସିତିଡ୍, ଅଶ୍ବ ପୁଞ୍ଜିମାନିଶ୍ବ ଜେ, ଇଗେ ନାନ୍ ବାଡସାରେ ଲେକ୍ତାନ, ଆଦ୍ ପ୍ରବୁନ୍ ଗର୍ ।

୩୮ ଇଡକେ ଯଦି ଅଶ୍ବ ଇସ୍ତୁସାରେ ଗଟିକିଙ୍କ ପାସକିତଶ୍ବ, ମିଡ୍, ଅଂକିଙ୍କ ପାସକାର୍ ।

୩୯ ଆଦିଙ୍କ ଦାଦାଲଡି ନୁ ଏଲାସ୍, ଇଶ୍ବରତେ ଗର୍ ପ୍ରଚାର ମାଡାନ ସେଙ୍ଗେ ମାନ ମାଡାର୍ । ଇଡକେ ଝେରେ ଗର୍ତେ ଗଟି କେଡତାନ ସେଙ୍ଗେ ବେନଙ୍କ ମାନିନା ମାଡ୍ମାର୍ ।

୪୦ ସାରରେ ପାଡ୍ଯି ଟିକ୍ ଲେକାମ୍ ନୁ ଶାନ୍ତି ତଡ୍ ମାଡାନ ଦରକାର୍ ।

୧୫

କ୍ରିଷ୍ଟନାଦ୍ ପୁନରୁଡତାନ

୧ ଦାଦାଲଡି ନୁ ଏଲାସ୍, ନାନ୍ ବେନ୍ ସାୟେଡ୍ କାବୁର ମିଇ ବକେଡ୍ ପ୍ରଚାର ମାଡ୍ତାନ, ବାଡ ମିଡ୍ ଗ୍ରହନ୍ ମାଡ୍ତିଡ୍ ନୁ ବେଦିନାଗ୍ ମିୟାଦ୍ ବିଶ୍ବାସ୍ ମିନ୍ଦେ, ଆଦ୍ ବିଷୟ ମିକିଂଙ୍କ ଏକା ମାଡିଦାନ ସେଙ୍ଗେ ନାନ୍ ଇଛା ମାଡ୍ତାନ ।

୨ ନାନ ମିଛ ବକେତ୍ ପ୍ରଚାର ମାଡ଼ିମାନ୍ଦାନ ଆଦି ସାଧେତ୍ କାରୁର୍ କେ ସୁସମାଚାର । ମିତ୍ ଆଦି ସୁସମାଚାରତାର୍ଗ ଗାଡ଼ସ୍ ବିଶ୍ୱାସୀ ଆଗେ ମାଡ଼କେ, ପରିତ୍ରାଣ ପାଏମ୍ ଆଦତିତ୍ । ଇଲୁକ୍ ମିୟାଦ୍ ବିଶ୍ୱାସ ଆଜ୍ଞାତାମ୍ ।

୩ ନାନ ପାଏମ୍ ଆଡ଼ତେ ଖେରଡ଼ ଶିକ୍ଷା ମିକିଂକ୍ କେତ୍ତାନ । ଆଦି ସାରେତିକ୍ ଗାଟି ଦରକାର୍ । ଆଦି ଆଦୁଡ଼ତେ, ଦର୍ମଶାସ୍ତ୍ରତାର୍ଗ ଲେକ୍ତାଦ୍ ଆଡ଼ତେ ଲେକାମ୍, କ୍ରିଷ୍ଣ ମାନ ପାପ୍ ସେଙ୍ଗେ ତଲ୍ତଣ୍,

୪ ✧ ସମାଦି ପାଏମ୍ ଆଡ଼ତଣ୍ ନୁ ମୁଣ୍ଟ ଦିନେତେ ତେଏଦ୍ତଣ୍ ।

୫ ✧ ଅଣ୍ଟ ପିତର୍ ନୁ ପେରକେ ତାନ ବାରଜାନ ଶିଷ୍ୟତ୍ତ୍ ତଅନ୍ଦିମାଡ଼ଣ୍ ।

୬ ତାନ ପେରକେ ଅଣ୍ଟ ଅଣ୍ଟୟଦାମ୍ ତାନ ପାଞ୍ଚଶହ ନାରଗେ ତାନ ବିଶ୍ୱାସୀତ୍ତ୍ ତଅନ୍ଦିମାଡ଼ଣ୍ । ଅତ୍ ଲୋପେକ୍ ଇଞ୍ଜେ ବେସ୍ତକ୍ତୁଡ଼, ଜଗତ୍ତାର୍ଗ ଇଲେଡ଼, ଇଡ଼କେ ନାରଗେ ମୁଲ୍ ଜିଝୁଣ୍ ମିନ୍ଦେଡ଼ ।

୭ ଇଦିନ୍ ପେରକେ ଅଣ୍ଟ ଜାକୁବ୍ ନୁ ସାରରେ ପ୍ରେରିଡ଼ ଶିଷ୍ୟତ୍ତ୍ ତଅନ୍ଦିମାଡ଼ଣ୍ ।

୮ ✧ ସାରତିକ୍ ପେକେ ଅଣ୍ଟ ନା ରକମ୍ ଖେରଣ୍ ଆକାଲ୍ଜାତକ୍ ମିକା ତଅନ୍ଦିମାଡ଼ଣ୍ ।

୯ ✧ ପ୍ରେରିଡ଼ ଶିଷ୍ୟତ୍ତ୍ ଲୋପେକ୍ ନାନ ସାରେତିକ୍ କାରାପ୍, ଇଦ୍‌ରକମ୍ କି ପ୍ରେରିଡ଼ ପେଦେରତିକ୍ ଯୋଗ୍ୟ ଆୟନ୍, ବାତେକ୍‌ଇଡ଼କେ ନାନ ଇଶ୍ୱରତେ ମଣ୍ଡଲିତିକ୍ ଗାଟିତିପାଲ୍ ମାଡ଼ତାନ ।

୧୦ ଇଡ଼କେ ଇଞ୍ଜେ ନାନ ବାଡ଼ ଆଡ଼ତାନ, ଆଦି ଇଶ୍ୱରତେ ଅନୁଗ୍ରହ୍ ମାୟଦିକ୍ ଆଡ଼ତେ ନୁ ନା ସେଙ୍ଗେ ଅନାଦ୍ ଅନୁଗ୍ରହ୍ ଆସାମ୍ ଆୟନ୍ । ଇଡ଼କେ ମେଣ୍ଡେବାଗାଡ଼ ପ୍ରେରିଡ଼ ଶିଷ୍ୟତ୍ତାରାକ୍ ନାନ ଗାଟି ପାଡ଼ନ୍ତି ମାଡ଼ତାନ । ନିଜାତେ ଇଝୁସାରେ ନାନ ମାଡ଼ନ୍, ଇଡ଼କେ ନା ସେଙ୍ଗେ ଇଶ୍ୱରତାଦ୍ ଅନୁଗ୍ରହ୍ ମାନ୍ଦାନ ମାୟଦିକ୍ ଇଦ୍ ସମ୍ବ୍ ଆଡ଼ତେ ।

୧୧ ଆଦିକ୍ ନାନ ଆୟି ବା ଅଡ଼ ଆୟି, ମାମ୍‌ମେ ସାରେତିକ୍ ଆଦି ଅଣ୍ଟୟ ଗଡ଼ ପ୍ରଚାର ମାଡ଼ତୁମ୍ ନୁ ମିତ୍ ଆଗେ ବିଶ୍ୱାସ ମାଡ଼ତିଡ଼ ।

✧ ୧୫:୪ ମାଡ଼ିତ୍ ୧୨:୪୦; ପ୍ରେରିଡ଼ ୨:୨୪-୩୨.

✧ ୧୫:୫ ଲୁକ ୨୪:୩୪; ମାଡ଼ିତ୍

୨୮:୧୬,୧୭; ମାର୍କ ୧୬:୧୪; ଲୁକ ୨୪:୩୬; ଯୋହନ୍ ୨୦:୧୯.

✧ ୧୫:୮ ପ୍ରେରିଡ଼ ୯:୩-୬.

✧ ୧୫:୯ ପ୍ରେରିଡ଼ ୮:୩.

ମାୟାଦ ପୁନରୁତ୍ଥାନ

୧୨ କ୍ରିଷ୍ଣ, ତଳତାଗାଙ୍କ ତେଏଦିମିନ୍ଦେଣ୍ଡୁ, ଇଦ୍ କେ ମାନ ପ୍ରଚାରତାଦ୍ ବିଷୟ । ଆଗେକ୍‌ବା ଇଞ୍ଜେ ମିଈ ଲୋପେଙ୍କ୍‌ ବେନ ତଲ୍‌ତତାଦ୍ ପୁନରୁତ୍ଥାନ ଇଲ୍‌ଲେ ଇଞ୍ଜେ ବେଲା କେତୁତିଡ୍ ?

୧୩ ଯଦି ନାରୁଡ୍ ତଲ୍‌ତାଗାଙ୍କ ପୁନରୁତ୍ଥାନ ଆୟଙ୍କ୍, କ୍ରିଷ୍ଣ ମିକା ତଲ୍‌ତାଗାଙ୍କ ଜିଝୁଣ୍ଡ ଆୟୟଣ୍ଡ ।

୧୪ ଯଦି କ୍ରିଷ୍ଣ ତଲ୍‌ତାଗାଙ୍କ ତେଏଦଣ୍ଡ, ଆଲେକେ ମାନାଦ୍ ପ୍ରଚାର ଆଙ୍ଗଡାମ୍ ନୁ ମିୟାଦ୍ ବିଶ୍ୱାସ୍ ମିକା ଆଙ୍ଗଡାମ୍ ।

୧୫ ନାରଗେ ମାନାଡ୍ ଇଶ୍ୱର୍ ବିଷୟତେ ମିଡ୍ କେତୁତାନ ଲେକାମ୍ ଆଦତେ, ବାତେଙ୍କ୍‌ଇଡ୍‌କେ ମାନାଡ୍ କେତୁତାଡ୍ ଜେ, ଅଣ୍ଡ କ୍ରିଷ୍ଣଙ୍କ୍ ପୁନର୍ଜୀବିତ୍ ମାଡ୍‌ତଣ୍ଡ । ଇଡ୍‌କେ ଯଦି ନିଜାମ୍ ତଲ୍‌ତତାଦ୍ ପୁନରୁତ୍ଥାନ ଇଲ୍‌ଲେ, ଆଲେକେ ଇଶ୍ୱର୍ କ୍ରିଷ୍ଣଙ୍କ୍ ପୁନରୁତ୍ଥାନ ମାଡ୍‌ଣ୍ଡ ।

୧୬ ଯଦି ତଲ୍‌ତତ୍ ପୁନରୁତ୍ଥାନ ଆଦେ ପାର୍‌ଝକ୍, କ୍ରିଷ୍ଣ ବେଲା ପୁନରୁତ୍ଥାନ ଆୟେଣ୍ଡ ?

୧୭ ଯଦି କ୍ରିଷ୍ଣ ତଲ୍‌ତାଗାଙ୍କ ପୁନରୁତ୍ଥାନ ଆୟୟଣ୍ଡ, ଆଲେକେ ମିୟାଦ୍ ବିଶ୍ୱାସ୍ ମିଡ୍ ନୁ ମିଡ୍ ଇଞ୍ଜେ ପାପ୍‌ତାର୍ ମୁଡ୍‌ମି ମିନ୍ଦେଡି ।

୧୮ ମେଣ୍ଡେ ଇଦିନାଦ୍ ଇଡ୍‌କେ ଆଦତେ ଜେ, ତଲିମାନ୍ଦାନ୍ କ୍ରିଷ୍ଣ ବିଶ୍ୱାସୀଡ୍ ମିକା ନଷ୍ଟ ଆଦତଡ୍ ।

୧୯ ଯଦି କ୍ରିଷ୍ଣନାଗ୍ ମାୟାଦ୍ ଆଗେ ମାତର୍ ଇଦ୍ ଜିଝୁଣ୍ଡତେ ମାୟୁଦିଙ୍କ୍ ଆଡ୍‌ତେ, ଆଲେକେ ମେଣ୍ଡେ ବାଗାତଡାଗାଙ୍କ୍ ମାୟାଦ୍ ଅବସ୍ଥାତେ ଗାଟି ଡିପାଲ୍ ।

୨୦ ଇଡ୍‌କେ ନିଜାମ୍ କ୍ରିଷ୍ଣ ତଲିମାନ୍ଦାନ୍ ନାରୁଡାଦ୍ ପୁନରୁତ୍ଥାନ ନିଜାମ୍ ତଅତାନ୍ ସେଙ୍ଗେ ଅଡ୍ ଲୋପେଙ୍କ୍ ନିଜେ ମୁନେନ୍ ତେଏଦି ମିନ୍ଦେ ।

୨୧ ଝେରଣ୍ଡ ମାୟୁଦିଙ୍କ୍ ତଲ୍‌ନାଦ୍ ଜଗଡ୍‌ତାର୍ ଆସ୍‌ତେ । ଆଦେରକମ୍ ଝେରଣ୍ଡ ମାୟୁଦିଙ୍କ୍ ତଲ୍‌ତତାଦ୍ ପୁନରୁତ୍ଥାନ ସମ୍ଭବ୍ ଆଡ୍‌ତେ ।

୨୨ ଆଦମ୍ ତଡ୍ କାୟୁଲିମାନ୍ଦାନ୍ ମାୟୁଦିଙ୍କ୍ ସାର୍‌ରେ ନାରୁଡ୍ ତଲ୍‌ତତ୍ । ଆଦେରକମ୍ କ୍ରିଷ୍ଣନ୍ ତଡ୍ କାୟୁଲାନ୍ ତଡ୍ ସାର୍‌ରେତଡ୍,

ପୁନର୍ଜିବୁଣ୍ଡ ପାଏମ୍ ଆଦତଡ଼ ।

୨୩ ଇଡ଼କେ ସାରରେ ଟିକ୍ ଆଡ଼ତେ ସମୟତେ ପୁନରୁଡ଼ତିଡ଼ ଆଦତେ । ସାର୍ରେଡ଼ିକ୍ ମୁନେନ୍ କ୍ରିଷ୍ଟ ପୁନରୁଡ଼ତିଡ଼ ଆଡ଼ତେ । ଆଦିକ୍ ଅଣ୍ଡୁ ଖାଦାନ୍ ସମୟତେ ବେନଡ଼, ତାମ୍ ନାରୁଡ଼, ଅଡ଼, ମୁନେନ୍ ଜିବୁଣ୍ଡ ଆଦତଡ଼ ।

୨୪ ତାନ୍ପେକେ ଯୁଗ୍ ତେରିଡ଼ । କ୍ରିଷ୍ଟ ସାରରେ କାରାପ୍ ଆମ୍ ବେନନାଦ୍ ଶାସନ୍, ଅଦିକାର୍ ନୁ ଶାଡ଼୍‌ଖାମ୍‌ତିକ୍ ତେରସ୍ପି ବାବାଲ୍ ଇଶ୍ବରତିକ୍ ରାଜ୍ୟ ସର୍ପା ମାଡ଼ିତନ୍ ।

୨୫ ଇଶ୍ବର ସାରରେ ଶତ୍ରୁଡ଼କ୍ ଆରେମ୍ ମାଡ଼ି କ୍ରିଷ୍ଟନ୍ ତେକେଡ଼ ମଦଲ୍ ଆଦମାନ୍ ଯାକ, କ୍ରିଷ୍ଟ ଶାସନ୍ ମାଡ଼ିତନ୍ ।

୨୬ ତେରତେପେକେ ମାଡ଼େକ୍ ଶତ୍ରୁଡ଼, ତଲ୍‌ତାଦ୍, ଆଦ ମିକା ଆରେମ୍ ଆଦତେ ।

୨୭ ବାତେକ୍ ଇକ୍ ଦର୍ମଶାସ୍ତ୍ରତାଗ୍ ଲେକାମିନ୍ଦେ, “ଇଶ୍ବର ସାରରେ ବିଷୟ କ୍ରିଷ୍ଟନ୍ ଅଦିନ୍ ମାଡ଼ିତନ୍ ।” ଆଗେକ୍‌ବା ଇଶ୍ବର ଇସ୍ତୁ ସାରରେ ବିଷୟ ଲୋପେ ଇଲାଣ୍ଡ, ବାତେକ୍‌ଇଡ଼କେ ଅଣ୍ଡୁ ସାରରେ ବିଷୟତିକ୍ କ୍ରିଷ୍ଟନ୍ ଅଦିନ୍ ମାଡ଼ିତନ୍ ।

୨୮ ସାରରେ ବିଷୟ କ୍ରିଷ୍ଟନ୍ ଶାସନ୍ ଅଦିନ୍ ଆଡ଼ତେ ପେରକେ, ଅଣ୍ଡୁ ନିଜେଡ଼ ବାବାଲ୍ ଇଶ୍ବରତେ ଅଦିନ୍ ଆଦତନ୍ ନୁ ସାରରେ ବିଷୟତେ ପରର ଇଶ୍ବରତେ ରାଜ୍ ସାରେ ଆଦତେ ।

୨୯ ତଲ୍‌ତଡ଼, ସେକ୍ ବେନଡ଼, ଏର୍‌ଦିକ୍ଷା ଗ୍ରହନ୍ ମାଡ଼ିତଡ଼, ଅଡ଼, ବିଷୟତେ ମିଡ଼, ବାଡ଼ ଲେକ୍‌ତାଡ଼? ବେସ୍‌ତୁଡ଼ାଦ୍ ମତ ଇସାବତେ, ଯଦି ତଲ୍‌ତଡ଼, ପୁନରୁଡ଼ତିଡ଼ ଆୟୁଡ଼ିଡ଼, ଅଡ଼, ସେକ୍ ମେଣ୍ଡେ ବାଗାତଡ଼କ୍ ବାତେକ୍ ଏର୍‌ଦିକ୍ଷା ଇଡ଼ତଡ଼?

୩୦ ମେଣ୍ଡେ ମାନାଡ଼, ବା ବାତେକ୍ ସେନେକ୍ ସେନେକ୍‌ତିକ୍ ବିପଦତେ ମୁନେନ୍ ଆଦୁତାଡ଼?

୩୧ ଦାଦାଲଡ଼ି ନୁ ଏଲାସ୍‌ନଡ଼ି, ମାନାଦ୍ ଜିବୁଣ୍ଡ ପ୍ରବୁ ଜିସୁ କ୍ରିଷ୍ଟନ୍ ତଡ଼, କାୟଲି ମାୟାନ୍ ମାୟାଦିକ୍, ମିଇ ସେକ୍ ନାୟାଦ୍ ବେନ୍ ଗର୍ବ, ଆଦିନ୍ ତଅସ୍ କେତୁତାନ୍, ନାନ୍ ସାର୍‌ରେଦିନା ତଲାନ୍ ମକମ୍‌ତାଗ୍ ମିଶି ଆଦୁତାନ୍ ।

୩୨ ଯଦି ନାନ୍ ମାତର୍ ନାରୁଡ଼, ଲକ୍ଷ ଅସ୍ ଏଫିସିୟତାଗ୍ ଇଂସା

ଜୀଞ୍ଜାକିନ୍ ଲେକାମ୍ ନାରୁଡ଼ତ୍ତ ଲଡ଼େମ୍ ଆସ୍ ମାଡ଼ତାନ୍, ଆଲେକେ ନାୟାଦ୍ ବାଡ଼ ଲାବ୍ ଆଡ଼ତେ ? ଯଦି ତଲ୍ଲତଡ଼ ପୁନରୁଡ଼ତିଡ଼ ଆୟ୍ୟଡ଼, ଆଲେକେ ଶିକ୍ଷା ଲେକାମ୍, “ଝାଡ଼ାଟ୍, ତିଞ୍ଜିରଞ୍ଜି ଦିନାମ୍ ତେରଞ୍ଜିତାଡ଼, ବାତେକ୍ଲଡ଼କେ ନାଡ଼ତ ମାନ୍ ତଲ୍ଲାନକ୍ ଆଡ଼ତେ ।”

୩୩ ମିଡ଼ ପ୍ରତାରିଡ଼ ଆୟ୍ମାଟ୍, “କାରାପ୍ ସାଙ୍ଗେ ନିଜାଡ଼ତରିଡ଼ତିକ୍ ନଷ୍ଟ ମାଡ଼ିତେ ।”

୩୪ ଆଦିକ୍ ସାୟେଡ଼ ବୁଦତେ ମାନୁଟ୍, ପାପାମ୍ ମାଡ଼ମାଟ୍ । ମିକିଂକ୍ ସିଗିକ୍ ସେଙ୍ଗେ ନାନ୍ନେ ଇଦ୍ କେତୁତାନ୍, ମିଇ ଲୋପେକ୍ ବେସ୍କଡ଼ତ୍ ଇଶ୍ବରତିକ୍ ପୁନଡ଼ !

ପୁନର୍ଜୀବିତ୍ ମେନ୍ଦୁଲ୍

୩୫ ବେନ ପାତ୍ରା ମାଡ଼େ ପାର୍ଦତଶ୍, “ମିଡ଼ ବେଲା ପୁନରୁଡ଼ତିଡ଼ ଆଡ଼ତିଡ଼ ?” ଅଡ଼ ବେଦ୍ପୁଟ୍ଟୁକ୍ ମେନ୍ଦୁଲ୍ ପୟସ୍ ମାନ୍ତଡ଼ ?

୩୬ ମିଡ଼ ବେସର୍ ବାକ୍ଝା । ଇସୁର୍ବା ବାଡ଼ ପୁନଞ୍ଜିଡ଼, ବେନ୍ ଞ୍ଜି ଞ୍ଜିତିଡ଼, ଆଦ୍ ତଲ୍ଲକ୍ କେ ଗାଜ୍ଜେ ଆୟ୍ୟ ?

୩୭ ବେନ୍ ମାଡ଼େ ତିୟାର୍ ଆଡ଼ତେ, ମିଡ଼ ଆଦିକ୍ ଞ୍ଜିଡ଼ଞ୍ଜିଡ଼ । ମିଡ଼ ଗହମ୍ ଞ୍ଜିତିମାନ୍ତିଡ଼ କି ମେଣ୍ଡେଅନ୍ ଞ୍ଜିଜେଡ଼ ଅଣ୍ଡୟ୍ ପେଡ଼େମ୍ ।

୩୮ ଇଡ଼କେ ଇଶ୍ବର ନିଜେଡ଼ ଇଚ୍ଛା ଲେକାମ୍ ତାନ୍ ମେନ୍ଦୁଲ୍ ତିୟାର୍ ମାଡ଼ିତନ୍ । ସାର୍ରେ ଞ୍ଜିଜେତିକ୍ ଅଣ୍ଡ ତାନ୍ ନିଜେଡ଼ ପୁଟ୍ଟୁକ୍ ଇଦତଶ୍ ।

୩୯ ସାର୍ରେ ଜୀଞ୍ଜାକିନାସ୍ତୁ ମେନ୍ଦୁଲ୍ ଅଣ୍ଡୟ୍ ଲେକାମ୍ ଆୟ୍ୟ । ନାରୁଡ଼ାଦ୍ ମେନ୍ଦୁଲ୍ ଅଣ୍ଡୟ୍ ରକମ୍, ଜିଞ୍ଜୁକିନାସ୍ତୁ ମେନ୍ଦୁଲ୍ ମେଣ୍ଡେଅନ୍ ରକମ୍ । ପିଟ୍ଟେ ନୁ କିକେ ମେନ୍ଦୁଲ୍ ଝେରେ ।

୪୦ ସ୍ବର୍ଗତଡ଼ ନୁ ପୃତିବିତଡ଼ ଇରଞ୍ଜୁଡ଼, ରେଣ୍ଡ ପ୍ରକାର୍ରେ ମେନ୍ଦୁଲ୍ ମିନ୍ଦେ । ସ୍ବର୍ଗତଡ଼ାଦ୍ ମେନ୍ଦୁଲ୍ ଅଣ୍ଡ ରକମ୍ ସୁନ୍ଦର୍ ନୁ ପୃତିବିତଡ଼ାଦ୍ ମେନ୍ଦୁଲ୍ ମେଣ୍ଡେଅନ୍ ରକମ୍ ସୁନ୍ଦର୍ ।

୪୧ ପଡ଼ଡ଼ତାଦ୍ ସୁନ୍ଦର୍ ଅଣ୍ଡ ଲେକାଡ଼, ନେଲ୍ଞିତାଦ୍ ମେଣ୍ଡେଅନ୍ ରକମ୍ ନୁ ଉକାକିନାଦ୍ ସୁନ୍ଦର୍ ଝେରେ ଲେକାଡ଼ । ଇଦ୍ ରକମ୍ କି ଝେରଡ଼ ଉକାମ୍ତେ ସୁନ୍ଦର୍, ମେଣ୍ଡେଅନ୍ ଉକାମ୍ତେ ତଡ଼ ଝେରେ ।

୪୨ ତଳତଡ଼ାଦ ପୁନରୁତ୍ତାନ ବିଷୟତେ ମିକା ଇଦ୍ ଗର୍ ଦରକାର । ସମାଦି ଇସମାୟାନ ମୋହୁଲ୍ ମିକା ଦଂସ ଆଦତେ । ଇଡ଼କେ ପୁନରୁତ୍ତତିତ ମୋହୁଲ୍ ନଷ୍ଟ ଆୟୁୟ ।

୪୩ ସମାଦି ଇଦାନ ମୋହୁଲ୍ ସୁନ୍ଦର୍ ଆୟୁୟ ନୁ ଶାଡ଼ଝାମ୍ ଇଲ୍‌ଝାଦ୍ । ଇଡ଼କେ ପୁନରୁତ୍ତତିତ ମୋହୁଲ୍ ସୁନ୍ଦର୍ ନୁ ଶାଡ଼ଝାମ୍‌ତାଦ୍ ।

୪୪ ସମାଦି ଇଦାନ ଝେଲେ ମୋହୁଲ୍ ଲେକାମ୍ ମାନତେ; ଇଡ଼କେ ପୁନର୍ଜୀବିତ୍ ଆଦାନଝେଲେ, ଆଦ୍ ଆଦତେ ଆମିକ୍ ମୋହୁଲ୍ । ଲେକାମ୍ ମୋହୁଲ୍‌ତାଦ୍ ଆମିକ୍ ମାୟାନ ମାୟଦିଲ୍, ଆମିକ୍ ଆଦୁଡ଼ତେ ।

୪୫ ଦର୍ମଶାସ୍ତ୍ରତାର୍ ଲେକ୍‌ତାଦ୍ ମିୟେ, “ମୁନେନ୍ ଆଦମ୍ ଅଣ୍ଡୟ ଜିଝେ ପଶୁ ଲେକାମ୍ ତିଆର୍ ଆସ୍ ମାଡ଼ତଣ୍ ।” ପେକେଡ୍ ଆଦମ୍ ମାଡ଼ତଣ୍, ଜିଝେମାୟାନ ଆମ୍ମା ଆଡ଼ତନ୍ ।

୪୬ ମୁନେନ୍‌କନ୍ଥ ଆମିକ୍ ବିଷୟ ଇଲ୍‌ଝେମାଡ଼ତେ । ମୁନେନ୍ ବାଡ଼ ମାଡ଼ତେ ଆଦ୍ ପ୍ରାକୃତିକ୍, ତାନ୍‌ପେକେ ଝାଡ଼ତେ ଆମିକ୍ ବିଷୟ ।

୪୭ ମୁନେଡ଼ ନାରୁଡ଼୍ ଆଦମ୍ ମାଡ଼ତଣ୍ ପୃତିବିତଣ୍, ମାଣ୍ଡୁଲୁତଡ଼୍, ତିୟାର୍ ଆଡ଼ତଣ୍; ଇଡ଼କେ ଦ୍ଵିତୀୟ ଆଦମ୍ ସ୍ଵର୍ଗତାଗାଲ୍ ତିଗ୍‌ତଣ୍ ।

୪୮ ପୃତିବିତେ ନାରୁଡ଼୍ ସାରେତଡ଼୍ ଆଦ୍ ମାଣ୍ଡୁଲୁତଡ଼୍, ତିୟାର୍ ଆଡ଼ତେ ନାରୁଡ଼୍ ଲେକାମ୍ । ଇଡ଼କେ ସ୍ଵର୍ଗତଡ଼୍ ସ୍ଵବାବ୍‌ତେ ନାରୁଡ଼୍, ଆଦ୍ ସ୍ଵର୍ଗତଣ୍ ନାରୁଡ଼୍ ଲେକାମ୍ ।

୪୯ ମାନାଡ଼୍ ଇଞ୍ଜେ ମାଣ୍ଡୁଲୁତଡ଼୍ ତିୟାର୍ ଆଡ଼ତେ ନାରୁଡ଼୍ ଲେକାମ୍ ପୁରୁଲ୍ ପୟସ୍ ମିୟେ, ଇଡ଼କେ ଅନ୍‌ଦିନେ ଆଦ୍ ସ୍ଵର୍ଗତଣ୍ ମାନେୟତେ ଲେକାମ୍ ପୁରୁଲ୍ ଆଡ଼ତାଡ଼୍ ।

୫୦ ଆଦିଲ୍ ଦାଦାଲଡ଼ି ନୁ ଏଲ୍‌ୟାସ୍, ନାନ ମିକିଂଲ୍ କେତାନଲ୍ ଆଲ୍‌ସୁତାନ ଜେ, ନେଡୁର୍ ଆଡ଼ଲ୍ ମୋହୁଲ୍ ପୟସ୍ ମାନାଡ଼୍, ଇଶ୍ଵର୍‌ତେ ରାଜ୍ୟଡ଼୍ ଅଦିକାରି ଆଦାନଲ୍ ପାର୍‌ଝାଦ୍, ବାତେଲ୍ ଇଡ଼କେ ଦଂସ ଆଦାନ ଜିନିଷ୍ଟ ନଷ୍ଟ ଆୟୁଝାଦ୍ ଆଦାନଲ୍ ପାର୍‌ଝ ।

୫୧ ☆ କେଞ୍ଜାର୍ ନାନ ମିକିଂଲ୍ ଅଣ୍ଡୟ ନିଜାତାଦ୍ ସଡ଼ ଗର୍ କେଡୁତାନ । ମାନାଡ଼୍ ସାରେତଡ଼୍ ତଲ୍‌ଝାଡ଼୍ ନୁ ମାନାଡ଼୍ ସାରେତଡ଼୍ ପରିବର୍ତ୍ତ୍ ଆଡ଼ତାଡ଼୍ ।

୫୭ ଇଡକେ ମାଡେକ୍ତାଦ ତୁରି ଲେକ୍ ଆଦାନୁଝେଲେ, ଅଣ୍ଡୟ ମୁହୁର୍ତ୍ତେ, କଣ୍ଡେ ମିଟ୍‌କେତେ ମାନାଡ୍, ସାରେତଡ୍, ବଦଲେମ୍ ଆଦତାଡ୍ । ଆସୁଟେ ଡଲ୍‌ତଡ୍ ଅମର୍ ଆସ୍ ତେଏଦିତଡ୍ ।

୫୮ ବାଡେକ୍ ଇଡକେ ବାଡ୍ ନଷ୍ଟ ଆଦତେ, ଆଦିକ୍ ନଷ୍ଟ ଆୟୁଝାଦ୍ ବଦଲେମ୍ ମାଡାନକ୍ ଆଦତେ; ବେନ୍ ପୁଡିବିତାନ୍ ମେନ୍‌ଲ୍ ଡଲିଆଦତେ, ଆଦିକ୍ ଅମର୍ ଚକାସିଲେ କେରସ୍ତାନକ୍ ଆଦତେ ।

୫୯ ଆଲାଆଡକେ ନୁ ଇଦ୍ ନାୟାଦ୍ ମେନ୍‌ଲ୍ ଅମର୍ ଆଡକେ, ଦର୍ମଶାସ୍ତ୍ରତାଦ୍ ଇଦ୍ ଗର୍ ସାରେ ଆଦତେ, “ଡଲ୍‌ନାଦ୍ ଡଲିଆଡତେ, ସାରେ ଜିଡ୍‌ତେ ।

୬୦ ରେ ଡଲ୍‌ନାଦ୍ ! ବେଗେ ନିୟାଦ୍ ଜିଡ୍‌ତାଦ୍ ? ରେ ଡଲ୍‌ନାଦ୍ ! ବେଗେ ନିୟାଦ୍ ରେହେତାନାଦ୍ ଶାଡ୍‌ଝାମ୍ ?”

୬୧ ରେହେତାନ୍ ଶାଡ୍‌ଝାମ୍ ଡଲ୍‌ନାଦ୍ ପାପ୍ ତାଗାକ୍ ଦସ୍‌କି ଆଦତେ, ପାପାମ୍‌ତେ ଶାଡ୍‌ଝାମ୍ ନିୟମ୍ ।

୬୨ ଇଡକେ ମାନାଡ୍ ଇଶ୍‌ବରତିକ୍ ଦନ୍‌ସବାଦ୍ କେଡିତାଡ୍, ବାଡେକ୍‌ଇଡକେ ଅଣ୍ଡ ମାନ୍ ପ୍ରବୁ ଜିସୁ କ୍ରିଷ୍ଟନ୍ ତଡ୍ ମାନାଡକିକ୍ ଜିଡ୍‌ପତଣ୍ଡ ।

୬୩ ଆଦିକ୍ ପ୍ରିୟ ଦାଦାଲଡି ନୁ ଏଲାସ୍, ଗାଡ୍‌ସ୍ ନୁ ମେନ୍‌ଲକନ୍‌ସ୍ ମାନୁର୍ । ପ୍ରବୁନ୍ ପାଡ୍‌ୟିତାଗ୍ ସାରେଝେଲେ ଡିୟାର୍ ଆସ୍ ମାନୁର୍ । ବାଡେକ୍‌ଇଡକେ ମିଡ୍ ପୁଡିତଡ୍ ଜେ, ପ୍ରବୁନ୍ ସେଙ୍ଗେ ମିୟାଦ୍ ପାଡ୍‌ୟି ବେସ୍‌ବିଆ ଆଙ୍ଗଡାମ୍ ଆୟୁୟ ।

୧୭

ଇଶ୍‌ବରତେ ନାରୁଡ୍‌ଡାବକ୍ ସେଙ୍ଗେ ସାହାଯ୍ୟ

୧ * ଯିହୁଦାତାଗ୍ ମାନ୍‌ନ୍ ପବିତ୍ର ମଣ୍ଡଳିତେ ବିଶ୍ୱାସୀଡ୍ ସେଙ୍ଗେ ଡାବକ୍ ସାହାଯ୍ୟ ଇଦାନ୍ ବିଷୟତେ ନାୟାଦ୍ ମତାମଡ୍, ନାନ୍ ଗାଲାତୀୟ ଆଞ୍ଜିନାଗ୍ ମାନ୍‌ନ୍ ମଣ୍ଡଳିତିକ୍ ବାଡ୍ ମାଡାନକ୍ ନିର୍ଦେଶ୍ ଇଡ୍‌ତାନ୍, ଆଦ୍ ଲେକାମ୍ ପାଲନ୍ ମାଡାଟ୍ ।

୨ ମିୟାଦ୍ ନିଜେଡ୍ ରଜଗାର ଲେକାମ୍ ସାରରେ ରବ୍‌ବାର୍ ଦିନ୍ ସେଙ୍ଗେ ବେସକ୍ ଡାବକ୍ ଝେରେ ନେଝଏସ୍ ମାନୁର୍ । ଆଲାଆଡକେ, ନାନ୍ ଆଡତେଝେଲେ ମିକିଂକ୍ ମେଣ୍ଡେ ଡାବକ୍ ଡାଲ୍‌କାନକ୍ ଝେୟ ।

୩ ନାନ୍ ଖାସ୍ ସାୟେ ହେର୍କା ମାଡ଼ମାନ୍ଦାନ୍ ନାରୁଡ଼କିଂଙ୍କ ପରିଚୟ ଚିଟି ଇଦତାନ୍ ନୁ ଅଡ଼୍ ମିୟାଦ୍ ଦାନ ତଡ଼୍ ଯିରୁଗାଲେମ୍ ଆଦତଡ଼୍ ।

୪ ଇଡ଼କେ ନାୟାଦ୍ ଆଦାନାଦ୍ ଦରକାର୍ ଆଡ଼କେ, ଅଡ଼୍ ନା ତଡ଼୍ ଆଦେପାରିଦତଡ଼୍ ।

ପାଉଲ୍ତାଦ୍ ଯୋଜନା

୫ ☆ନାନ୍ ମାସିଦୋନିଆତା ଆଞ୍ଜମିନ୍ଦେନ୍ । ଆଞ୍ଜ୍ ଖାଦାନାଦ୍ ତେରସପି ନାନ୍ନେ ମିଇ ବକେଡ଼ ମାଲ୍ସ୍ ଖାଦତାନ୍ ।

୬ ନାନ୍ ଆଡ଼କେ, ମିଇ ତଡ଼୍ ବେସକେ ଦିନା ମାନ୍ତାନ୍, ଆଡ଼କେ ଶାଲ୍ କାଲାମ୍ ମାନ୍ତାନ୍ । ତାନ୍ପେର୍କେ ବେଗେ ଆଦାନ୍ ସେଙ୍ଗେ ଆଲ୍ସିତାନ୍, ମିଡ଼୍ ନାକିଂଙ୍କ ଆଗେ ଆଦାନ୍ ସେଙ୍ଗେ ସାହାଯ୍ୟ ମାଡ଼ିଡ଼ିଡ଼୍ ।

୭ ବାଡେଙ୍କଇଡ଼କେ ଆଦାନ୍ ଆର୍ଦ୍ଦାଗ୍ ମିଇ ତଡ଼୍ ମାତର୍ ନାର୍ଗେଦିନା କାୟଲାନାଦ୍ ନାୟାଦ୍ ଇଛା ଆୟ୍ୟ । ନାନ୍ ଆଗେ ମାଡ଼ତୁନ୍, ପ୍ରବୁନାଦ୍ ଇଛା ଆଡ଼କେ, ନାନ୍ ମିଇ ତଡ଼୍ ଇଦାମ୍ ଗାଟି ଜେଲ୍ ମାନ୍ତାନ୍ ।

୮ ☆ଇଡ଼କେ ପେଣ୍ଟିକଷ୍ ପାଣ୍ଡୁଦିନେ ଏଞ୍ଜୁନା ନାନ୍ ଇଗେ ଏପିସୀତାଗ୍ ମାନ୍ତାନ୍ ।

୯ ଇଗେ ନା ବିରୁଦ୍ଦେ ନାର୍ଗେ ନାରୁଡ଼୍ ମାଡ଼କେ ଗାଲା, ସାୟେତାଞ୍ଜୁ ପାଡ଼୍ଯି ମାଡ଼ାନ୍ ସେଙ୍ଗେ ନାକିଂଙ୍କ ଆସର୍ ଆରଙ୍ଗ୍ ମିନ୍ଦେ ।

୧୦ ☆ତାମତି ମିଇ ବକେଡ଼ ଖାଡ଼କେ, ଅଂକିଂଙ୍କ ସ୍ବାଗତ୍ ମାଡ଼ାଟ୍ । ବାଡେଙ୍କଇଡ଼କେ ଅଣ୍ଟ ମିକା ନା ଲେକାମ୍ ପ୍ରବୁନ୍ ପାଡ଼୍ଯି ମାଡ଼ତୁଣ୍ ।

୧୧ ବେନ ଅଂକିଂଙ୍କ ତୁଛ ବୁଦ୍ଦେ ମାଡ଼ମାକିଡ଼୍ । ଶାନ୍ତିତଡ଼୍ ଆଦାନ୍ ସେଙ୍ଗେ ମିଡ଼୍ ଅଂକିଂଙ୍କ ନିଜାମ୍ ସାହାଯ୍ୟ ମାଡ଼ିଡ଼ିଡ଼୍ । ଆଲାଈଡ଼କେ, ଅଣ୍ଟ ଦାଦାଲଡ଼୍ ତଡ଼୍ ନା ବକେଡ଼ ମାଲ୍ସ୍ ଖାଦତଣ୍ । ଅଡ଼୍କିଂଙ୍କ ନାନ୍ କେପି ମାନ୍ତାନ୍ ।

୧୨ ଦାଦାଲ୍ ଆପୋଲ୍ଲୋନ୍ ବିଷୟତେ କେତୁତାନ୍ ଜେ, ବାଗାଡ଼ ଦାଦାଲ୍ ତଡ଼୍ ମିଇ ବକେଡ଼ ଆଦାନ୍ ସେଙ୍ଗେ ନାନ୍ ଅଂକିଂଙ୍କ ନାର୍ଗେ ଦାମ୍ କେଡ଼ିତାନ୍ । ଇଡ଼କେ ଇଞ୍ଜେ ଆଦାନ୍ ସେଙ୍ଗେ ବେଲାମେଣ୍ଡେ

☆ ୧୭:୫ ପ୍ରେରିତ ୧୯:୨୧.

☆ ୧୭:୮ ପ୍ରେରିତ ୧୯:୮-୧୦.

☆ ୧୭:୧୦ ୧ କରକ୍ତିୟ

ରାଜି ଇଲେଣ୍ଡ । ପେରକେ ସୁଯୋଗ ଦରକେ, ଅଣ୍ଡ ନିଜାମ୍ ମିଇ
ବକେଡ୍ ଆଦତନ୍ ।

ମାଡେଙ୍କ୍‌ତାଦ୍ ଗର୍

୧୩ ମିଡ୍ ନାଆକି କେପି ମାନୁର୍, ବିଶ୍ୱାସ୍‌ତାଗ୍ ଗାଡ୍‌ସ୍ ଆୟ୍‌ମୁର୍,
ସାହାସ୍ ନୁ ବଲ୍‌ବାନ୍ ଆୟ୍‌ମୁର୍ ।

୧୪ ମିୟାଦ୍ ସାରରେ ପାଡ୍‌ୟି ପ୍ରେମତଡ୍ ଆୟି ।

୧୫ ☆ମିଡ୍ ସ୍ତ୍ରୀମାନ୍ ନୁ ତାନ୍ ପରିବାର ବିଷୟ ପୁଡ୍‌ତିଡ୍ । ଅଡ୍
ଆକାୟାତେ ପ୍ରବ୍ରୁମ୍ ପବିତ୍ର କ୍ରିଷ୍ଣୟାନ୍ । ଅଡ୍ ଇଶ୍ୱରତେ ନାରୁଡ୍,
ସେବା ପାଡ୍‌ୟିତାଗ୍ ନିଜେତିଙ୍କ୍ ସମର୍ପଣ୍ ମାଡ୍‌ତଡ୍ । ଦାଦାଲଡି ନୁ
ଏଲାୟ୍; ନାନ୍ ମିକିଂଙ୍କ୍ ଅନୁରୋଦ୍ ମାଡ୍‌ତୁାନ୍,

୧୬ ମିଡ୍ ଇଡାଦ୍ ନୁ ଇଡ୍‌ତଡ୍ ପାଡ୍‌ୟି ନୁ ସେବା ମାଡ୍‌ମାୟାନ୍
ନାରୁଡ୍‌ତେ ଗଟି କେଞ୍ଜାର୍ ।

୧୭ ସ୍ତ୍ରୀମାନ୍, ଫର୍ତ୍ତୁନାତ ନୁ ଆକାୟିକ ଇଗେ ଝାଡ୍‌ତାଙ୍କ୍ ନାନ୍ ଗାଟି
ଝେଡ୍‌କ୍ ଆଡ୍‌ତାନ୍ । ମିଡ୍ ଇଲ୍‌ଝାଙ୍କ୍ ଅଡ୍ ମିୟାଦ୍ ପଡ୍‌ୟେ ସାରେ
ମାଡ୍‌ତିଡ୍ ।

୧୮ ଅଡ୍ ମିକିଂଙ୍କ୍ ନୁ ନାକିଂଙ୍କ୍ ଝେଡ୍‌କ୍ ମାଡ୍‌ତଡ୍ । ଇଦ୍‌ରକମ୍ ନାରୁଡ୍,
ସମ୍ମାନ୍ ପାଏମ୍ ଆଦ୍‌ତଡ୍ ।

୧୯ ☆ଏସିଆ ଆଞ୍ଚିନ୍ ମଣ୍ଡଲି ମିକିଂଙ୍କ୍ ଅବିନୟନ୍ ମାଡ୍‌ତୁା । ଆକ୍‌ଲି,
ପ୍ରିୟିଲି ନୁ ଅଡାଦ୍ ଲୋନ୍ ଉପବାସ୍ ମାଡ୍‌ମାୟାନ୍ ମଣ୍ଡଲି, ପ୍ରବ୍ରୁନ୍
ପେଦେର୍‌ତେ ମିକିଂଙ୍କ୍ ଲୋପେକନ୍‌ସ୍ ନମସ୍କାର ମାଡ୍‌ତୁା ।

୨୦ ଇଗେତଡ୍ ଦାଦାଲଡ୍ ନୁ ଏଲାୟ୍ ମିକିଂଙ୍କ୍ ସାର୍‌ତେଡ୍ ନମସ୍କାର
କେଡ୍‌ତଡ୍ । ମିଡ୍ ପବିତ୍ର କ୍ରିଷ୍ଣନ୍ ପ୍ରେମ ତଡ୍ ମିଡ୍ ମିଇ ଲୋପେ
ନମସ୍କାର ମାଡ୍‌ତୁା ।

୨୧ ନାନ୍ ପାଉଲ୍ ନିଜେଡ୍ କାୟ୍‌ଦେ ଇଝୁସାର୍‌ରେ ଶୁଭେଞ୍ଜା
ଲେକୁତାନ୍ ।

୨୨ ବେନ ପ୍ରବ୍ରୁଙ୍କ୍ ପ୍ରେମ ମାଡ୍‌ଣ୍ଡ, ଅଣ୍ଡ ଅବିଶାଦ୍ ଆୟିଣ୍ଡ,
“ମାରାନାତା,” ମାନ୍ ପ୍ରବ୍ରୁ ଝାଡିଣ୍ଡ ।

୨୩ ପ୍ରବ୍ରୁ ଜିୟୁନ୍ ଅନୁଗ୍ରହ୍ ମିଇ ଲୋପେ ବିରାଜ୍‌ମାନ୍ ଆୟି ।

^{୨୪} କ୍ରିଷ୍ଣ ଜିସୁନ୍ ତଡ଼୍ କାୟଲିମାନ୍ନାନଡ଼ି ମିଡ଼୍ ସାର୍ବେତଡ଼୍ ନା ଜିଝୁତେ
ପ୍ରେମ ଗ୍ରହନ୍ ମାଡ଼ାଟ୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae